




МОЛИТВА-ВЛАК

СВЯТОЙ
ПРИЧАСТИЯН
ЯМДЫЛАЛТМАШ





МОЛИТВА-ВЛАК

СВЯТОЙ
ПРИЧАСТИЯН
ЯМДЫЛАЛТМАШ

Йошкар-Ола
2016



*Йошкар-Оласе да Марий Элысе
Высокопреосвященнейший
архиепископ ИОАННЫН
благословитлымыже почеш*



ЭР МОЛИТВА-ВЛАК

Мален кынелмекет, моло пашам ышташ тўналмет деч ончыч, Чылам Ашныше, Чылам Ужшо Юмо ончылан, Юмо деч лўдын, Юмын шинча ончылно шогымо гаяк, Юмым чон дене шонен шогал да тыге ойлен кумал:

Ачан, Эргын, Святой Шўлышын лўмеш. Аминь.

Мытарьын молитваже

Юмо, мыйым, языканым, чамане. (*Оңым ыреслен, кумалына*)

Тўналтыш молитва

Господь Иисус Христос, Юмын Эргыже, Пеш Яндар Шке Аватын, чыла святой-шамычынат кумалмышт верчын мемнам серлаге. Аминь.

Тау Тыланет, мемнан Юмына, тау Тыланет.

Святой Шўлышлан молитва*

Пылпомышысо Кугыжа, Чынлан туныктен йывырткытыше Шўлыш, Тый чыла вере улат, чыла ситарет, керек-

(*Кугече деч тўгалын Вознесений марте тиде молитва олмеш: «Христос колымаш гыч ылыж кынелын, колымыж дене колымашым сенен да шўгарыште улшо-влаклан илышым пуэн» тропарь кум гана лудалтеш.

могай порылыкат Тый дечет лектеш, илышым Тый пуэт,
кӧргышкына толын пурен иле, чыла осал дечат мемнам
эрыкте, Поро Юмо, мемнан чоннам утаре.

Трисвятой*

Святой Юмо, Святой Куатле, Святой Колыдымо, мем-
нам серлаге. (*Онум ырелен, кум гана кумалына*)

Тау Ачалан, Эргылан, Святой Шүльшлан, кызытат,
керек-кунамат, курым-курым мучкак. Аминь.

Эн Святой Троицылан молитва

Эн Святой Троице, мемнам серлаге; Господь Юмо,
язык деч мемнам эрыкте; Ашныше Юмо, мемнан осалым
ыштымынам кудалте; Святой Юмо, толын, Шке лүмет
верчын, черна деч мемнам паремде.

Юмо, серлаге. (*Кум гана*)

Тау Ачалан, Эргылан, Святой Шүльшлан, кызытат,
керек-кунамат, курым-курым мучкак. Аминь.

Господь Юмылан молитва

Пылпомышто улшо мемнан Ачана! Тыйын лүмет мок-
талтше, Тыйын Кугыжанышет толжо, Тыйын эрыкет
мланде үмбалнат пылпомышысо гаяк лийже. Мемнан

*Вознесений гыч Троице марте «Святой Юмо, Святой
Куатле, Святой Колыдымо, мемнам серлаге» молитва гыч
тўнгалына, ончылныжым она луд.

Кас молитва-влакат тыгай радам денак лудалтыт.

ильшаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Троичный тропарь-влак

Поро Юмо, мален кынелмекына, ме Тыланет сукен кумалына. Кугу куатан Юмо, ме Тыланет суксо мурым мурена: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Тау Ачалан, Эргылан, Святой Шүлышлан.

Юмо, Тый мыйым вакшыш гыч, малыме верем гыч кынелтышыч, ынде мыйын ушем ден шүмем яндарым ыште, мыйын умшам поч; вара, Святой Троице, мый Тыланет мурем: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Кызытат, керек-кунамат, курым-курым мучкак. Аминь.

Вучыдымо годом Юмо судитлаш толеш, керек-көнат пашаже койын шогышо лиеш. Туддеч лүдын, пелйүдым кынелын сөрвалена: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Юмо, серлаге. *(12 гана)*

Эн Святой Троицылан молитва

Святой Троице, мален кынелмекем, мый Тыланет таум ыштем. Тый шуко порылыкет, шуко чытышет дене мый-

ын өрканы мемлан, языке млан шыч шыдешке, закондымо паша-шамычем верчынат мыйым шыч йомдаре. Айдемым эре йөрәтен шогыметым веле ончыктен, мыйым, шижде кийышым, Тыйын кучышетым эрдене кумалын мокташ кынештышыч. Тыйын мутетлан тунемаш, Тыйын күш-тыметым умылаш, Тыйын эрыкетым шукташ ынде кызыт мыйын ушем шинча гае поч, мыйын йылмем лывырте; вара мый Тыйын нерген көргө шүмем дене мурем, Тыйын чыла деч коч Святой лүметым мурен чапландарем: Ачаным, Эргыным, Святой Шүлышыным, кызытат, керек-кунаMAT, курым-курым мучкак. Аминь.

Толза, мемнан Ашныше Юмылан кумалына. (*Кажне гана, оным ыреслен, кумалына*)

Толза, мемнан Ашныше Христос Юмылан сукен кумалына.

Толза, мемнан Ашныше Христос Юмылан Шкаланжак сукен кумалына.

50-ше псалом

Эй Юмо, Шкендын кугу кумылет дене мыйым серлаге да шуко порым шонымет дене осалем дечын мыйым эрыкте. Осалем дечын чарныдеак мушкын, языке м дечын мыйым эрыкте. Вет осалым ыштымем мый шинчем, да мыйын языке м эре ушыштемак коштеш. Тыйын ончылнет языкым ыштенам да Тыйын шинчат ончылно осал пашам ыштенам, Тыйын каласымет раш да языке м верчын мыйым судитлымет төрак. Вет авам мыйым языкеш иландарен, да мый шочмем годымак яндар шочын омыл. Тый чон дене көргыштө төр шонымым йөрәтет: пален шуктыдымо Тый-

ын законетым мыланем умылтарен туныкто. Тый иссоп
вынбык дене мыйын үмбакем шыжыкте да мыйым эрыкте,
мыйым мушкын, лум дечат чот ошым ыште. Куанышаш-
лык да йывыртышашлык шомакым мыланем колыкто: Тый
дечет лүдшö луэм йывыртыкте. Мыйын языкем-шамычым
Тыйын шинчат ынже ончал, да чыла осалым ыштымем
деч мыйым эрыкте. Эй Юмем, мыйым яндар шүманым
ыште да мыйын көргыштем чын шүлышым уэмде. Чурий
ончычет мыйым ит кудалте да мый дечем Святой Шүлы-
шетымат шупшын ит нал. Утаралтшашым да йывырти-
шашым мыланем пу да Ашныше Шүлышет дене мыйым
пенгыдемде. Осалым ыштыше-шамычым Тыйын корнет-
лан туныктынем, да языкан-шамыч Тый декет савырнат.
Юмем, вүр йоктарыме орлык дечын мыйым утаре. Ута-
рыше Юмем, мыйын йылмем Тыйын чын оетлан куана.
Господь, мыйын умшам почат гын, Тыйын кугу лүметым
чапландарем. Надырым налмет шуэш гын, пуэм ыле, но
йүлалтен пуымо жертвым Тый от йöрате. Юмылан на-
дыр – ойгырышо шүлыш, ойгырышо да үнгышö шүмым
Юмо изиеш ок пыште. Эй Юмо, Шке порылыкет дене
Сион калыклан порым ыште, да Иерусалим олан пыр-
дыжше тек нөлталалтеш. Тунам чынын надыржым, нөлт-
тал пуымым да чыла йүлалтымым йöратен налат; тунам
Тыйын алтарет үмбакем презе-шамычым пыштат.

Үшанымашын символжо

¹ Инанем чыла кучен Ашныше ик Ача Юмылан, пыл-
помышым, мландым, чыла ужмынам да уждымынам
Пүрышылан. ² Юмо дечын шочшо Иктак веле Юмын Эр-

гыже Господь Иисус Христослан, чыла курым дечат ожно улшо Ача Юмо дечын шочшылан. Волгыдо гычын лекше Волгыдо улмыжлан. Чын Юмо дечын шочшо пүрыдымө чын Юмо улмыжлан, Ачаж дене иктак улмыжлан, Тудын чыла пүрымыжлан. ³ Мемнан верчна, айдеме-шамычым, мемнам, утарышаш верч, Пылпомыш гычын волен, Святой Шүлышын куатше дене Мария лүман Ёдыр дечын капан айдеме лиймыжлан инанем. ⁴ Понтий Пилат улмо годым мемнан верчна ыресеш пудалалтме орлыкым чытен колымыжлан, тойымылан, ⁵ Юмын законышто каласыме гаяк, кумшо кечын ылыж кынелмыжлан. ⁶ Пылпомышко күзен каен, Ача Юмын пурла могыреш шичмыжлан инанем. ⁷ Илыше айдеме-шамычым, колышо айдеме-шамычымат судитлаш кугу чап дене вес гана толшашыжлан, Тудын Кугыжанышыже пытышашлык огыллан. ⁸ Адак Святой Шүлышын Илымашым пүрышө Юмо улмыжлан, Ача Юмо гычын лекмыжлан. Ача да Эрге Юмо дене иквереш моктен кумалаш күлмылан. Пророк-шамыч гоч Тудын ойлымыжлан. ⁹ Апостол-шамычын мланде үмбалне чыла иктеш туныктен кодымо Святой Черкылан. ¹⁰ Язык гычын эрыкталтшаш верч ик гана веле тынеш пурышашлан инанем. ¹¹ Ёшанен вучем колышо айдеме-шамычын ылыж кынелшашыштым, ¹² курымеш илышашымат. Аминь.

1-ше молитва, святой Макарий Великийын

Юмо, мыйым языкем дечын эрыкте, мый Тыйын ончылнет нигунамат порым ыштен омыл гынат, осал дечын мыйым утаре. Тыйын эрыкетат мыйын көргыштем лийже, мый вара

йөрдымө умшам титаклыме деч лүдде почам да Тыйын святой лүметым моктем: Ачаным, Эргыным, Святой Шүльшыным, кызытат, керек-кунамат, курым-курым мучкак. Аминь.

2-шо молитва, тудо святойынак

Утарыше Юмо, мален кынелмекем, мый Тыланет пелйүд мурым мурен кумалам, сукен возын сөрвалем: мыйын малымем годым языкем дене колаш эрыкым ит пу. Шке эрыкет дене пудалалтше, мыланем Шке шуко порылыкетым пу, мыйым өрканен кийыма гыч куштылгын кынелте, Тыйын ончылнет шогымаштат, кумалмаштат мыйым утаре; Христос Юмо, йүд омо деч вара мыланем языкдыме кечым волгалтаре, мыйым утаре.

3-шо молитва, тудо святойынак

Айдемым йөратыше, Ашныше Юмо, мален кынелмеке, польшым мый Тый дечет йодам, Тыйын поро кумылет дене, Тыйын пашатым ышташ шонен, Тыйым сөрвалем: чыла жапыштат, чыла пашаштат мыланем полшо, тўнямбалысе түрлө осал дечын мыйым утаре. Иян ондалымыж дечат арале, Шке курымаш Кугыжанышышкет пурто. Тый мыйым Шке пүренат, Тый чыла сайлан Туныктен шогышо да Пуышо улат, мыйын чыла ўшанымашем Тый улат. Тыланет таум ыштем кызытат, керек-кунамат, курым-курым мучкак. Аминь.

4-ше молитва, тудо святойынак

Господь Юмем, Тыйын шуко порылыкет да шуко чаманымет дене кодшо йүд жапым осал толаштарыме деч

посна эрташ мыланем пуэнат; Тый Шке, чыла Пүрышө, Ашныше Юмо, чын волгыдет дене да яндарештше шүмем дене Тыйын эрыкетым шуктен шогаш полшо, кызытат, керек-кунамат, курым-курым мучкак. Аминь.

5-ше молитва, святой Василий Великийын

Чылам кучен Ашныше Господь, түрлө капанын да куат-влакын Юмыжо, күшнысө илыше да шкеныштым изилан ужшо-влакымат ончышо, шүм-чоным тергыше, айдемын көргө шонымашыжым ончылгочак палыше, Түнгалтышдыме да Пытыдыме Волгыдылык, Тудын вашталтышыже уке. Колыдымо Кугыжа, кызытсе жапыште кумалмынам шуко порылыккет дене Шкеак йөрәтен нал, шакше умшана дене йодына: паша дене, шомак да шонымаш дене, пален да палыде ыштыме языкнам кудалте; түрлө лавыра деч мемнан чоннам, капнам эрыкте. Эре ямде лийше шүм дене, айык шонымаш дене кызытсе илышын пычкемышыжым эрташ Тыйын Ик шочмо Эргыч, Господь да Юмо, да мемнам Утарыше Иисус Христосын волгыдо да чылалан палыме кокымшо гана толшаш кечыжым вучышо-влаклан пу. Тудо кечын кажныжлан пашаж дене пуаш чылам Судитлыше чапше дене толеш; да языкланыде, йолагайыш кайыде, но эре ямде лийын шоген, Юмын Куанже дене темына да Тудын чап пörтышкыжө пурена. Тушто пайремлыше-влакын чарныдыме йүкышт шокта, да Тыйын чуриетын каласен моштыдымо порылыкшым ончышо-влаклан каласен моштыдымо куан лиеш. Тый вет чын Волгыдо улат, чылам

волгалтарыше да святитлыше, да илаш пүрымö чыла чонанже Тыйым моктен мура да чапландара курым-курым мучкак. Аминь.

6-шо молитва, тудо святойынак

Тыйым моктена, күшнысö Юмо да поро кумылан Господь, Тый эре мемнан дене кугу да шымлен шуктыдымым, чаплым да чот лүдыктышым шотлен пытарыдыме гана ыштет, шуко паша дене нойышо капланна канашыже йүд омым пуэнат. Тыланет таум ыштена, закондымылыкна верч мемнам пытарен отыл, но, молгунамсе гаяк айдемым йöратыметым ончыктен, мемнам, нимом шижде кийышым, Тыйын Кугыжанышетым моктен мураш кынелтенат. Адак Тыйын висен кертдыме порылыкетым сөрвален йодына: мемнан шонымашнам, шинчанам волгалтаре, ушнам йолагайланен малымагыч кынелте; мемнан умшанам поч, Тыйым моктымаш дене тудым теме, да калык ончылно ойлена ыле, лүдде мурена ыле Тыланет, чыла дечат моктымо Юмылан: Түнгалтышдыме Ачалан, Тыйын Ик шочмо Эргычлан, да Иландарыше Эн Святой да Поро Шүлышетлан, кызытат, керек-кунамат, курым-курым мучкак. Аминь.

7-ше молитва, Юмын Эн Святой Аважлан

Моктен мурем Тыйын поро пүрымашетым, Владычице, мыйын ушемым поремдаш сөрвален йодам. Христосын күштымыжö-влак почеш тöр ошкылаш мыланем

полшо. Шүлыкан омым поктен колтышо мурым эреак мураш пенгыдемде. Языкеш варнен пытенам, Шке кумалмет дене, Юмылан ойырен налме Ёдыр, мыйым утаре. Ёдымат, кечывалымат мыйым арале, ваштареш шогышо тушман деч утаре. Илышым пуышо Юмым Шочыктышо, мыйым, күлдымаш паша дене пуштмым, ылыжете. Кас огыл Волгыдым шочыктышо, сокыр гае лийше чонем волгалтаре. О Ашныше Юмын ёрыктарыше палатыже, мыйым Юмын Шүлышын пёртшым ыште. Эмлышым Шочыктышо, шуко ий күлдымаш пашам ыштыме чер деч мыйын чонем паремде. Мыйым, илыш толкын дене лүнгалтшым, язык касарыме корныш виктаре. Курымашлык тул деч, осал шукш деч, тамык деч мыйым утаре. Ёнгылыш пашам шуко ыштымемлан көра осаллан куанашыже мыйым ит пу. Мыйым, языкеш тоштемшым, у айдемым ыште. Эн Языкдыме, мыйым түрлө орлык деч кораншым ончыкто да чылам Ашныше Юмым сөрвале. Пылпомышто чыла святой-влак дене пырля куаным ужаш полшо, Пеш Святой Ёдыр, нимолан ёрдымө айдеметын ёкшым кол. Мыйын чонем лавыра деч эрыктышашлан, Пеш Яндар, шинчавүд ёгыным мыланем пу. Шүм гыч лекше сөрвалымашым Тыланет чарныде кондем, Ашныше Юмын Аваже, чамане. Мыйын кумалмем ёратен нал да поро кумылан Юмылан намиен шукто. Суксо-влак дечат Күшнө Улшо, тўня дене ушнымо дечын күшнырак лияш полшо. Пылпомышысо волгыдым кондышо Леvedыш, Юмын порылыкшым мый декем виктаре. Эн Языкдыме, Тыйым мокташ кидем нёлталам да умшам почам, ёмбагына лавыра пижын пытен. Христосым уло шүм дене сөрвален, чоным

пужышо шапшак деч мыйым утаре; Тудлан чап мурым мурыман да кумалман, кызытат, керек-кунамат, курым-курым мучкак. Аминь.

**8-ше молитва,
мемнан Господь Иисус Христослан**

Шуко чаманыше, Чылам чаманыше мыйын Юмем, Господь Иисус Христос, шуко йöратымет да чылам утарышаш верч воленат да капан лийынат. Адак, Утарыше, Тыйым сөрвалем, поро пұрымашет дене мыйым утаре; поро ыштымем верч утарет гын, тиде поро пұрымаш да пöлек огыл, но шукыжо парым. Эй, шуко порылыкан, каласен моштыдымо чаманыше! Христос Юмем, мыланем ұшаныше енг илыше лиеш да курымеш колымашым ок уж, манын каласенат. Тыланет инанымаш ұшаным йомдарышымат утара. Инанем, утаре мыйым, Тый вет мыйым Ыштыше Юмем улат. Инанымем пашам олмеш лийже ыле, мыйын Юмем, вет мыйым чыныш лукшо пашам иктат уке. Тудо инанымем чыла олмеш ситыже ыле, тудо вашештыже ыле, тудо мыйым чыныш лукшо ыле; тудо мыйымат Тыйын курымаш чапетын причастникшым ыштыже ыле. Юмын мутшо деч, куанашыже, мыйым сатана ынже шолышт ыле, Тыйын кидет деч да аралтышет деч ынже коранде ыле; но утлынем гынат, уке гынат, мыйым утаре, мыйын Христос Утарышем, вашке ваштарешем лек, вашке пытем. Тый вет авамын көргыштыжö улмем годсекак мыйын Юмем улат. Кузе ондак языкым йöратенам, ондалчык сатаналан ыштенам, тугак ынде Тыйым йöраташ да öрканыде, кыртмен Тыланет пашам ышташ вийым пу;

кажне илыме кечыштем Тыланет, мыйын Иисус Христос Господемлан да Юмемлан, шукурак да шукурак пашам ышташ тўнгалам, кызытат, керек-кунамат, курым-курым мучкак. Аминь.

9-ше молитва, аралыше Суксылан

Мыйын осал чонем воктене да вожылдымын илымаштем шогышо святой Суксо, чытыде илымемлан верчын мыйым кудалтен ит кодо, мый дечем, языкан деч, ойырлен ит кае, колышашлык тиде капем осал иялан кидышкыже виеш налаш эрыкым ит пу; орлыкым чытыше осал кидемат куатаным ыште, утаралтшашлык корнылан мыйым туныкто. Мыйын осал чонем ден капемат левед оролышо Юмын святой Суксыжо, тиде илымаштем кажне кечын тыйым сырыктымем, эртыше тиде йўдым ыштыме языкемат чыла кудалте, проститле, таче кечын мыйым левед, иян чыла тўрлө осалышке пуртымыж дечын мыйым арале, нимогай язык денат Юмым сырыкташ ынже лий, Юмо дечын лўдын, Юмылан йөршын сайын илаш мыланем куатым пуыжо манын, мыйын верчем Юмылан кумал. Аминь.

10-шо молитва, Юмым Шочыктышо

Эн Святой Авалан

Юмым Шочыктышо Эн Святой Ава, Шкендын пеш куатан святой кумалмет дене мыйын, ўнышö да осал айдеметын, йөрдымö көргем гыч, пычкемышалтше ушем гычат ойгым, мондымым, умылен моштыдымым, өрканы-

мым, чыла түрлө шапшак, осал да мыскылтыш шонымым поктен колто. Вожылмаш пашалан ылыжмем йөртө, вет мый күчызө да шудалме улам. Шуко түрлө да вожылтарыше шарнымаш, осалым ышташ шонымо да түрлө осал паша деч мыйым утаре. Чыла тукум дечат утла Тый эн поро пүрымашан улат, Тыйын чапле лүмет курым-курым мучкак мокталтеш. Аминь.

**Святой угодниклан
(көн лүмжым нумалына) молитва**

Юмылан йөршө святой (лүмжө), Тый мыланем вашке полшышо, чонем верчынат кумалше улат. Сандене мый Тыйым уло чонем дене йодам: мыйын верчем Юмым сөрвале.

Эн Святой Юмын Авалан муро

Юмым Шочыктышо Ёдыр, йывырте, Поро Пүрымашан Мария, Тый денет Юмо; чыла ўдырамаш дечат утла Тый поро пүрымашан улат, Тый дечет Шочшат поро пүрымашан, вет мемнан чоннам Утарышым Тый шочыктенат.

**Ыреслан тропарь
да шочмо мланде верч молитва**

Юмо, Шке калыкетым утаре, Шкендын чыла түрлетланат порым пүрө, мыланна, чын верам пагалышылан, сенгышашлык вийым пу, Ыресетын куатше дене калыкетым арален ашне.

Ильше-влак верч молитва

Юмо, мыйын духовный ачам (лүмжө), ача-авам, родо-тукымем, туныктышем, поро ыштыше-влакем (лүмышт) да Юмылан чыла инаныше-влакым утаре да серлаге.

Колышо-влак верч молитва

Господь Юмо, колышо чыла Шке тарзет-влакын чоныштым тынысландаре: ача-аванан (лүмышт), родо-тукымнан (лүмышт), поро ыштыше-влакнан (лүмышт) да чын верам кучышо чыла енын эрык дене, эрык деч посна ыштыме түрлө языкштым кудалтен, Шке Кугыжанышышкет пуртен ашне.

Пытартыш молитва (Достойно есть...)*

Тыйым, мемнан Юмым Шочыктышо Авам, Сулыкдымым, курым-курымак Пиаланым, чынак мокташ күлеш.

*Кугече деч тўналын Вознесений марте тиде молитва олмеш Кугече канонысо 9-ше мурын припевше да ирмосшо лудалтеш:

Суксо Поро Пўрымашанлан каласен: «Яндар Ёдыр, йывырте! Адак каласем, йывырте! Тыйын Эргыч кум кече гыч колымаш гыч ылыж кынелын да колышо-влакымат кынелтен; ен-влак, куаныза!

Волгалт, волгалт, у Иерусалим! Господьын чапше тыйын ўмбалнет волгалтын. Чот куане ынде да йывырте, Сион, Тыйже, Яндар Ёдыр, Юмым Шочыктышо, Тыйын Шочшетын кынелмыжлан куанен йывырте.

Кас молитва-влакат тыгай радам денак лудалтыт.

Херувим-шамыч дечат утла пагалышашлык лийынат, Се-
рафим-шамыч дечат тагастарыдыме чапле лийынат, Тый-
ым, чынак Эрге Юмым языкдеак шочыктышо Авам, кугу
улат манын моктена.

Тау Ачалан, Эргылан, Святой Шүлышлан, кызытат,
керек-кунамат, курым-курым мучкак. Аминь.

Юмо, серлаге. (*Кум гана*)

Господь Иисус Христос, Юмын Эрге, Эн Яндар Тыйын
Аватын, преподобный да Юмым шке көргыштышт нумал-
ше ача, да чыла святой-влакын кумалмышт дене мемнам
серлаге. Аминь.





КАС МОЛИТВА-ВЛАК

Ачан, Эргын, Святой Шүлышын лүмеш. Аминь.

Господь Иисус Христос, Юмын Эрге, Эн Яндар Тыйын Аватын, преподобный да Юмым шке көргыштышт нумалше ача, да чыла святой-влакын кумалмышт дене мемнам серлаге. Аминь.

Тау Тыланет, мемнан Юмына, тау Тыланет.

Святой Шүлышлан молитва

Пылпомышысо Кугыжа, Чынлан туныктен йывырткытыше Шүлыш, Тый чыла вере улат, чыла ситарет, керек-могай порылыкат Тый дечет лектеш, ылышым Тый пуэт, көргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

Трисвятой

Святой Юмо, Святой Куатле, Святой Кольдымо, мемнам серлаге. *(Онум ырелен, кум гана кумалына)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Эн Святой Троицылан молитва

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге. (*Кум гана*)

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Господь Юмылан молитва

Пылпомышто улшо мемнан Ачана! Тыйын лүмет мок-талтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан ылышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Тропарь-влак

Мемнам серлаге, Юмо, мемнам серлаге; ме, сулькан-шамыч, шкенам чыныш лукташ ик мутымат пуэн огына керт да мемнам Ашнышым тыге манын сөрвалена: Юмо, мемнам серлаге.

Тау Ачалан, Эргылан, Святой Шүлышлан.

Юмо, мемнам серлаге, ме Тыланет үшанен илена, мыланна чот ит шыдешке, закондымылыкнам ушыштет

ит кучо, Шке поро шўман улмет дене кызытат мемнам чаманен ончо, тушман-шамыч деч утаре; Тый мемнан Юмына улат, ме Тыйын айдемет-шамыч улына, чыла Тыйын пўрымет-шамыч улына, Тыйын лўметым каласен йодына.

Кызытат, керек-кунамат, курым-курым мучкак. Аминь.

Юмым Шочыктышо поро пўрымашан Ёдыр, чаманы-маш кумылетым мыланна поч, мемнам, Тыланет ўшаныше-шамычым, ит йомдаре, Шке полшен, ойгына гыч утаре. Христослан ўшанен илыше калык-шамычым утарыше Тый улат.

Юмо, серлаге. (*12 гана*)

1-ше молитва, Ача Юмылан, святой Макарий Великийын

Курымаш Юмо да чылам пўрышö Кугыжа, тачысе кече марте илаш пуэнат! Кудалте мыйын языкем-шамычым, кудым мый тиде кечын паша дене, шомак да шонымаш дене ыштенам. Господь, мыйын ўнгышö чонемым капкылын да чонын тўрлö лавыраж деч эрыкте. Юмо, мыланем толшаш йўдым сайын да ласкан эртараш пу, да шкемын нужна малыме верем гыч кынелын, шкемым илыме чыла кечыште-мат Тыйын Эн Святой Лўметлан йöрышым ыштем да мыйын ўмбакем кержалтше капан да капдыме тушман-влакым сенем. Юмо, амыртыше кўлдымö шонымаш деч да шала койыш деч мыйым утаре. Тыйын вет Кугыжанышет, куатет, кугу чапет, Ачан, Эргын, Святой Шўлышын, кызытат, керек-кунамат, курым-курым мучкак. Аминь.

**2-шо молитва,
мемнан Иисус Христос Юмылан,
святой Антиохын**

Чылам кучен Ашныше Ачан Мутшо, Иисус Христос, Шке чыла ситарыше, Тыйын шуко чаманымет дене нигуна-намаат мый дечем, Шке кулет деч, ит коран, но эре мыйын көргыштем лий. Иисус, Тыйын шорыкет-влакын поро күтүчжө, ваштареш шогалше кишкылан мыйым ит пу да сатанан шонымашыжлан мыйым ит кодо, вет мыйын көргыштем колымашын пырчыже уло. Господь Юмо, Тыланет кумалына, Святой Кугыжа, Иисус Христос, чарныде йўлышө волгыдет дене, Тыйын Святой Шўлышет дене малымем годым мыйым арале. Юмо, мыланемат, Тыйын нимолан йөрдымө кулетлан, мыйын малыме верыштем Шке утарымашетым пу; Тыйын святой Евангелиетым умылымашын волгыдыж дене мыйын ушем волгалтаре, мыйын чонем Тыйын Ыресетым йөратымаш дене авалте, шўмем Тыйын яндар шомакет дене, мыйын капем Тыйын Шке кумылын, өпкелалтде орланымет дене волгалтаре, мыйын шонымашем Тыйын ўнгышет дене арале да мыйым күлешан жапыште Тыйым чапландараш кынелте. Вет Тый Тўнгалтышдыме Тыйын Ачат дене да Эн Святой Шўлышет дене курымеш кугун чапландарыме улат. Аминь.

**3-шо молитва,
Эн Святой Шўлышлан**

Господь Юмем, Пылпомышысо Кугыжа, Чынлан тун-ныктен йывыртктыше Шўлыш, Тыйын языкан айдеме-тым, мыйым, чамане да серлаге, да тиде кечыште айдеме

семын, да эше айдеме семын веле огыл, вольык деч ударак койышым ончыктен, шке эрык дене, эрык деч посна, пален да палыде ыштыме, кудыжым изиэм годсек да осал тунык-тымаш верч, кудыжым вожылдымаш да ўшаным йомдары-маш верч ыштыме языкем-шамычым касарен колто. Але Тыйын лүмет дене товатленам, але шке шонымаштем Тудым мыскыленам, але иктаж-көлан өпкелен каласенам, але иктаж-көн лүмжым сырымем дене амыртен каласенам, але ойгандаренам, але иктаж-молан сыренам, але ондаленам, але жап деч утым маленам, але мый декем толшо күчызым ончен омыл, але шке изамым ойгандаренам, але вурседал-машым тарватенам, але иктаж-көм вурсенам, титакленам, але шкемым кугуэш ужнам, але кугешненам, але шыдеш-кенам, але кумал шогымем гоным ушем дене тўнясе он-далымаш нерген шоненам; але шакше шонымашем лийын, але утым кочкинам, але утым йўынам, але уш деч посна воштылынам, але осалым шоненам, але енын порыжым ужын, шўмышкем көранымаш пурен, але күлдымашым ой-ленам, але иза-шольо-шамычын языкыштым воштылынам, а вет шкемын языкемже шотлен пытарыдыме, але өрканен кумалынам, але моло осал пашам ыштенам, кудыштым монденам, чыла ниным ыштенам, да тиддечат шукырак ыштенам. Чыла Кучышо, мыйым Пўрышө Юмем, ўшаным йомдарышым да нимолан йөрдымө Тыйын айдеметым ча-мане да кодо, да колто, да мыйым серлаге, Тый вет поро да Айдемым йөратыше улат, да тыныс дене возам, мален кол-тем да канем, курваланыше, языкан да нимолан йөрдымө, да сукен кумалам, мурем, да Тыйын эн сай лүметым Ача да Тудын Ик шочмо Эргыж дене пырля чапландарем, кыз-ытат, керек-кунамат, курым-курым мучкак. Аминь.

4-ше молитва, святой Макарий Великийын

Илышлан чыла пуышо Колыдымо Кугыжа, мом Тыланет кондем да мом Тыланет пörтылтен кертам, кумылын пуышо да Айдемым йöратыше? Эй Юмо, Тыланет йöраш төчен омыл, öрканенам да нимогай порымат ыштен омыл, а Тый, мыйын чонемым утараш манын, тачысе эртен кайыше кече мучашке мыйым кондышыч. Мыйым, языканым да чыла поро паша деч чара улшым, чамане, пытыдыме лавыран пашаш амыргыше, языкыште кийыше чонем нöлтал, тиде ужмо илышын осал шонымашыжым мый дечем коранде. Мыйын языкем проститле, Тый вет Икте Языкдыме улат; тачысе кечын пален, палыде, мут дене, паша дене, чыла шонымаш дене Тыйын ончылнет ыштыме языкем кудалте. Тый Шке мыйым түрлö ваштареш шогымаш деч Тыйын Юмын властет дене, айдемым каласен моштыдымын йöратымет да куатет дене левед арале. Эрыкте, Юмо, эрыкте мыйын шуко языкем. Порылыкеш шүдö, Юмем, осал вапш дечат мыйым коранде, мыйын языком йöратыше чонем утаре да, Шке Чапет дене толмеке, Шке волгалтше түсет дене мыйым волгалтаре, титак деч посна мален колташ таче йүд омым пу, осал шонымаш деч, öрыктарыше шонкалымаш деч Тыйын айдеметым арале, чыла осалын пашажым мый дечем коранде, шүм-кöргö шонымашын шинчажым волгалтаре да мален колтен колаш ит пу. Тыныс Суксетым, чонем ден капемым аралышым да вуйлатышым, мый декем колто, мыйым тушман-влак деч утаре, да малыме веремгыч кынелмеке, Тыланет тауштен кумалам. Эй, Господь,

мыйым, языканым да незерым, Шке кумылет да чон яндарлыкет дене колышт; мален кынелмекем Тыйын мутетлан тунемаш ушым пу да ойгандарыше осал шўлышым мый дечем умбаке поктен колташ Суксо-влаклан шўдö; да Тыйын святой лўметым порын моктем да чапландарем, да Юмым Шочыктышо Авам, Эн Яндар Мариям, чапландарем, Кудым мыланна, сулыкан-влаклан, аралтышлан пуэнат, да Тудым, мемнан верч кумалшым, кол; палет вет, Тудо Тыйын айдемным йöратымет семын ышта да кумалмым ок чарне. Тудын аралымыж дене да Чот Жаплыме Ыресын палыжым пыштыме дене, да Тыйын чыла святоет-влак верч мыйын незер чонем арален кодо, мемнан Иисус Христос Юмына. Тый вет курым-курумеш Святой да моктымо улат. Аминь.

5-ше молитва

Поро да Айдемным йöратыше мемнан Господь Юмына, тачысе кечын мут дене, паша дене ыштыме языкем протитле. Ласка да тыныс омым мыланем пу. Чыла осал деч аралаш святой Суксетым мыланем колто. Тый вет чонем ден капемным аралыше улат, Тыланет таум ыштена, Ачалан, Эргылан да Святой Шўлышлан, кызытат, керек-кунамат, курым-курум мучкак. Аминь.

6-шо молитва

Мемнан Господь Юмына, ме Тыланет ўшанена. Тыйын лўметым чыла лўм дечат утла кугулан шотлен йодына. Малаш вочмо годым чон ден каплан ласка омым пу,

а күлдүмаш шем шонүмашым коранде. Кап ажгынаш тўнгалмеке, яжар шонүмашым чаре. Кап ден чонлан яндар илымашым пу. Поро илыш корныш шогалын, Тыйын поро пўрымашет деч огына ойырло. Тыланет таум ыште-на курым-курымеш. Аминь.

**7-ше молитва,
святой Иоанн Златоустын**
*(24 молитва, кечын да йўдын
шагатше улмо семян)*

¹ Юмо, пылпомышысо Шке порылыккет дечын мыйым ит кодо. ² Юмо, курымаш орлык дечын мыйым утаре. ³ Юмо, уш дене, шонүмаш дене, шомак да паша дене ыштыме языкем кудалте. ⁴ Юмо, мыйым палыдымаш да мондымаш деч утаре, чон нужналыкым коранде, пешкыде кумылем пушкыдемде. ⁵ Юмо, керек-могай алгаштарымаш дечын мыйым арале. ⁶ Юмо, осал шонүмаш дене пычкемышалтше шўмем волгалтаре. ⁷ Юмо, мый сулыкан айдеме улам, Тый чаманыше Юмо улат, мыйын вийдыме чонемым ужын, мыйым серлаге. ⁸ Юмо, мыланем Тыйын святой лўметым моктышашлык поро пашам ыштатш вийым пу. ⁹ Иисус Христос, курымаш илыш книгаш мыйым, Шке кулетым, возо, порын колышашым мыланем пу. ¹⁰ Господь Юмем, Тыйын ончылнет ыштыме мыйын ик поро пашамат уке, Тый мыланем поро кумылет дене поро пашам тўнгалаш вийым пу. ¹¹ Юмо, мыйын кумылем Шке поро кумылет дене пушкыдемден святитле. ¹² Пылпомышым, мландым Пўрышö Юмо, мыйым, сулыканым,

вожылтарымым шонышо шакше кулетым, Шке Кугыжанышыштет ит мондо. Аминь.

¹ Юмо, языкым касарыктымем колышт. ² Юмо, мыйым ит кудалте. ³ Юмо, шыгырыш мыйым ит пурто. ⁴ Юмо, сай шонымашым мыланем пу. ⁵ Юмо, колышашлыкем ушышкем пурто, шинчавудым пу да кумылем пушкыдемде. ⁶ Юмо, сулыкем касараш мыланем шонымашым пу. ⁷ Юмо, мыйым уңгышемде, яндар кумыланым, күштыметым колыштшым ыште. ⁸ Юмо, мыйым чытышым, сай чонаным, уңгышым ыште. ⁹ Юмо, мыйын көргышкем чыла порылыкын вожшым, Тый дечет лүдмашым шүмышкем шындаре. ¹⁰ Юмо, уло чонем дене, уло ушем дене Тыйым йөратен, чыла пашам күштымет семын ышташ вийым пу. ¹¹ Юмо, мыйым осал ең-шамыч деч, ия-шамыч деч, шакше шонымаш деч, керек-могай йөрдымө паша дечын арале. ¹² Юмо, Тый Шке кузе шинчет, кузе шонет, туге ыштет, мый денемат, языкан дене, Тыйын эрыкет лийже ыле. Тый курым-курым мучко моктымо улат. Аминь.

8-ше молитва, мемнан Иисус Христос Юмылан

Юмын Эрге, Господь Иисус Христос, Эн Яндар Тыйын Ават верч да капдыме Тыйын Суксет-влак, Пророк да Ончыч кайышет да Тыйым Тынеш пуртышо, Юмо дене мутланыше апостол, волгыдо да порын сенгыше орланыше-влак, преподобный да шке көргыштышт Юмым нумалше ача, да чыла святой-влакын кумалмышт дене осалын кызытсе шыгыремдымыж деч мыйым утаре. Мыйым пүрышө мыйын Юмем, языкан ең ынже коло, но савырнен илыше

лийже ыле, манынат. Мыланемат, нимолан йөрдымылан, шудалмылан, савырнышашым пу; пытарыше кишкын умша гычше мыйым нал, вет тудо мыйым нелаш умшажым почын, илышынек тамыкыш волтынеже. Эй Юмем, мыйым лыпландарышем, мыйын нимолан йөрдымө ул- мемлан верч Тый рокыш савырнышаш айдеме капкылым налынат, шудалмаш деч мыйым ойыро да йөрдымө чо- немлан лыпланымашым пу. Тыйын шүдыметым шуктен шогаш, осал паша деч корангаш да Тыйын поро пиалетым налаш шүмышкем пыште. Тыланет, Господь, үшаненам, мыйым утаре.

**9-ше молитва,
Юмым Шочыктышо Эн Святой Авалан,
Петр Студийскийын**

Тыланет, Юмым Шочыктышо Эн Яндар Ава, мый, йөрдымө, сукен возын кумалам; палет Царице, кузе мый пытыдымын языком ыштем да Тыйын Эргычым, мыйын Юмем, сырыктем. Шуко гана языкем касарыктем гы- нат, Юмын ончылно ондалышыш лектам, угыч чытырен өкынем, тунамак тудо языкымак ыштем, неужели Юмо мыйым пытара? Тидым пален, Владычице, Юмым Шочык- тышо мыйын Госпожам, мыйым серлаге, пенгыдемде да порым ышташ туныкто, Тыйым сөрвалем. Палет, Юмым Шочыктышо мыйын Владычицем, осал пашам ыштымем ужмемат ок шу, чыла шонымашем дене Юмын законжым йөратем; но ом пале, Эн Яндар Госпожа, молан күлдымым йөратем, а порыжым ыштынем гынат, ом керт. Эн Яндар,

мыйын эрыкемлан шукталташыже ит пу, йордымө тудо, но Тыйын Эргычын, мыйын Юмемын, эрыкше лийже ыле; да мыйым утара, ушым, Святой Шүлышын порылыкшым пуа ыле, вара мый, амырчык паша деч корангын, Тыйын Эргычын ойжым колыштын, күштымыжым шуктен илем ыле. Тудлан вет пуыман чыла түрлө чапым, моктымашым, кучышым да Түнгалтышдыме Тудын Ачажлан, да Эн Святой, поро, Илышым пуышо Тудын Шүлышыжлан, кызытат, керек-кунамат, курым-курым мучкак. Аминь.

**10-шо молитва,
Юмым Шочыктышо Эн Святой Авалан**

Поро пиалан Кугыжан поро пиалан Аваже, Эн Яндар да Порылан пүралтше Мария, Тыйын Эргычын да мемнан Юмынан чаманымыжым мыйын орланыше чонышкем оптал, Тыйын кумалмет дене мыйым поро пашалан кумылан ден шого, да моло илышаш кече-влакем язык деч посна эртем да Тыйын полшымет дене райым муам, Юмым Шочыктышо Ёдыр, Икте Яндар да Порылан пүралтше.

**11-ше молитва,
аралыше святой Суксылан**

Христосын Суксыжо, тый мыйым аралыше святой, мыйын чонем ден капем левед коштшо улат; мыйын таче ыштыме языкем-шамычым чылажымат кудалте, осал тушманын чыла түрлө ондалымаш гычше мыйым утаре, ик языкем денат Юмем сырыктышашем ынже лий ыле. Мый языкан да йордымө кулет улам гынат, мыйын вер-

чем сөрвалe; Пеш Святой Троицын, Господь Иисус Христосын Аважын, чыла святой-шамычынат чаманымьштым, порыштым ужаш йөрышым мыйым ыште. Аминь.

Юмым Шочыктышо Авалан кондак

Юмым Шочыктышо Ёдыр, Тылат, чылам сенгыше Воеводылан, мемнам шыгыр гыч утарыметлан ме, Тыйын йордымө кулет-шамыч, таум ыштена да Тыйым моктен, Сенгымаш мурым мурена. Тый сенгыдыме виет дене мемнам керек-могай ойго гыч утаре. Меат Тыланет тыге каласена: о Поро Яндар Ёдыр, йывырте.

Христос Юмынан Аваже, Эре Яндар, Пеш Чапле Ёдыр, кумалмынам Шке Эргычлан, мемнан Юмыланна, намиен шукто, Тыйын верчет мемнан чоннам утарыже ыле.

Чыла ёшанымемат мый Тыланет пыштем, Юмын Аваже, мыйым Шке леведышет йымалне арален ашне.

Юмым Шочыктышо Ёдыр, мыйым, языканым, Тый дечет полышым да Тыйын аралтышетым йодшым, ит шүкал, Тыланет вет мыйын чонем ёшана, мыйым чамане.

Святой Иоанникийын молитваже

Мыйын ёшанымашем Ача, мыйын тынысле аралтышем Эрге, мыйым леведшем Святой Шүлыш, Святой Троице, тау Тыланет.

Тыйым, мемнан Юмым Шочыктышо Авам, Сулыкдымым, курым-курымак пиаланым, чынак мокташ күлеш.

Херувим-шамыч дечат утла пагалышашлык лийынат, Серафим-шамыч дечат тагастарыдыме чапле лийынат, Тыйым, чынак Эрге Юмым языкдеак шочыктышо Авам, кугу улат манын моктена.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Юмо, серлаге. (*Кум гана*)

Господь Иисус Христос, Юмын Эрге, Эн Яндар Тыйын Аватын, преподобный да Юмым шке көргыштышт нумалше ача, да чыла святой-влакын кумалмышт дене мемнам серлаге. Аминь.

Святой Иоанн Дамаскинын молитваже

Айдемым йоратыше Кугыжа, малыме верем колымаш верыш савырет мо але мыйын шудалме чонем волгыдо кечын волгалтарет? Теве колотка кия, колымаш шога. Господь, Тыйын Судет деч да пытыдыме орланымаш деч лүдам гынат, осалым чарныдеак ыштем: Тыйым, мыйын Господь Юмем да Эн Яндар Тыйын Аватым, Пылпомышысо чыла Вийым да мыйым аралыше Суксем эре сырыктарем. Палем, Господь Юмем, Тыйын айдемым йоратымылыкет ончылно мый йордымө улам, чыла түрлө судитлымаш да орланымаш мыйым вуча. Но, Господь, але утаралтнем, але уке – мыйым утаре. Чыным йоратыше енетым утарет гын, нимо кугу уке, яндарым серлагет гын, нимогай ормаш паша уке, вет нуно Тыйын чаманыметлан йорышө улыт. Но мыланем, языканлан, Тыйын порылыкетым öрыктарен ончыкто; мыйын осалем Тыйын каласен

моштыдымо порылыкет ден чаманымашетым ынже сене ыле; тидын верч Тыйын айдеме йөратымашетым ончыкто да, кузе шонет, мылам туге утарымашым ыште.

Христос Юмо, мыйын шинчам волгыдемде, колымашлан мален колташ огыл ыле, да тушманем мыйын ўмбак чот кержалтынам манын ынже керт.

Тау Ачалан, Эргылан, Святой Шўлышлан.

Юмо, мыйын чонемын аралышыже лий, мый шуко вапш-сетке коклаште коштам; коранде нуным мый дечем да мыйым утаре, Тый вет Айдемым йөратыше да Поро улат.

Кызытат, керек-кунамат, курым-курым мучкак. Аминь.

Юмын Эн Чапле Аважым, святой Суксо-влак дечат Святойракым, шўм да умша дене чарныде мурена, Тудым Юмым Шочыктышо манына. Вет Тудо чынжымак капым налше Юмым шочыктен да мемнан чонна верч чарныде кумалеш.

Шкендым ыресле, шке ыресетым шупшал, ныл мogyрыш ыресле да Кугун Пагалыме Ыреслан молитвам луд.

Кугун Пагалыме Ыреслан молитва

Юмо ылыж кынелже, Тудлан осалым шонышо-шамыч йомын пытышт. Тудым ужын кертдыме-шамыч Тудын чуррийже деч куржышт, шикш шаланыме гае шаланен пытышт; Юмым йөратыше-влакын чурийышт да шкеныштым ыресын палыж дене ыреслыше-влак ончыч осал-шамыч тул

дене шыште левыме гае колен пытышт. Юмым йöратыше-влак йывыртен каласат: куане, Господьын Эн Чапле да Илышым ыштыше Ыресше, Тыйын пеленет пудалыме, тамыкыш вольшо, диаволын куатшым пытарыше мемнан Господь Иисус Христосын куатше дене осалым поктен колто. Тудо вет мыланна Тыйым, Чот Жаплыме Шке Ыресшым, чыла тюрлö тушманым поктен колташ пуэн. О, Господьын Кугун Пагалыме, Илышым ыштыше Ыресше, Святой Госпожа, Юмым Шочыктышо Ёдыр, да чыла святой-влак дене пырля курымеш мылам полшо. Аминь.

Але кўчыкын:

Юмо, Кугун Пагалыме да Илышым пуышо Шке Ыресетын куатше дене мыйым йыр авыре да чыла тюрлö осал дечын арале.

Молитва

Юмо, эрык дене але эрык деч посна, мут але паша дене, шинчен але шинчыде, кечывалым але йудым, уш але шонымаш дене ыштыме мемнан сулыкнам лушкыдемде, кудалте, касаре: чылажымат касаре мыланна, Тый вет Айдемным йöратыше поро кумылан Юмо улат.

Молитва

Айдемным йöратыше Юмо, мемнам ужмышудымо да шыгыремдыше-влакым проститле. Поро ыштыше-шамычлан порым ыште. Иза-шольо да родо-тукымлан утаралтшаш верч йодмыштым да курымаш илышым пу. Вийдыме да черле-влак деке толын лек да тюрланымашым пу.

Тенгызыште улшо-влакымат вичтаре. Корныен-влак денат пырля лий. Мыланна служитлыше да мемнам чаманыше-влаклан языкштым кодышашлыкым пу. Нунын верч кумалаш мемнам, нимолан йордымым, йодшо-влакымат Тыйын кугу чаманымашет дене серлаге. Ондак колышо ача, иза-шольо-влакым, Юмо, шарналте да нуным Шке чурый волгыдет улмо вереш тынысландаре. Пленыште улшо мемнан иза-шольынам, Юмо, шарналте да нуным түрлө авыралтмаш гыч утаре. Тыйын святой черкыштет саскам кондышо да порым ыштыше-влакымат, Юмо, шарналте да нунылан утаралтшаш верч йодмыштым да курымаш илышым пу. Мемнамат, үнгышым, языканым, Тыйын нимолан йордымө кулет-влакым, шарналте да мемнан ушнам Тыйын уш-акылетын волгыдыж дене волгалтаре, да мемнам Шке Эн Яндар Аватын, мемнан Юмым Шочыктышо да эреак Ёдыр Мариян да чыла святой-шамычетын кумалмышт дене Тыйын күштыметын корнышкыжо вичтаре: Тый вет моктымо улат курым-курым мучкак. Аминь.

Чыла кечылаште языкым почын ойлымаш

Тылат, мыйын Господь Юмем да Пүрышө, Святой Троицыште Иктеш улшылан, кумалме да моктымылан, Ачалан, Эргылан да Святой Шүлышлан, чыла мыйын языкем почын ойлем, кудым илыме кажне кечыштем, кажне шагатыште, кызытсе жапыште да эртен кайыше кечыла ден йүдлаште, паша, мут, шонымаш дене, утым кочмо, аракам шуко йүмө, шольп кочмо дене, утыжде не мутланыме, шүлыккан лийме, өрканыме, ваштареш ойлымо, ой-

колыштдымо улмо дене, еным осалыш луктын ойлымо, судитлыме, шот деч посна ыштыме, шкем йöратыме дене, шуко погым погымо, шолыштмо, чын огылым ойлымо дене, ондален пояш тöчымö, темдымын погым погымаш дене, ушкалыме, көраныме, чот сырыме, осалым монден кертдыме, ужмышудымо, закон деч посна налме да чыла мыйын шижмашем дене: ончымо, колмо, үпшычмö, тамлыме, тукнымым шижме дене да моло түрлö языкым чон да кап дене ыштенам, тидын дене Тыйым, мыйын Юмем да Пүрышем, сырыктенам да лишылем чын огылыш луктынам. Тидлан чаманен, шке титакем шинчен, Тылат, мыйын Юмем, öкынен, языкем касараш эрыкем уло: только, мыйын Господь Юмем, полшо мыланем, шортын-шортын шыпак Тыйым сөрвалем, ончыч ыштыме языкем-шамычым Тыйын чаманымет дене проститле да чыла ниным, кудым Тыйын ончылнет ойлышым, мый дечем ойыро, Тый вет Поро да Айдемым йöратыше улат.

Малаш воцмо деч ончыч тыге ойлыман:

Господь Иисус Христос, мыйын Юмем, Тыйын кидышкет шке шүлышем пуэм. Тый мыйым благословитле, Тый мыйым серлаге да курымаш илышым мыланем пу. Аминь.





ГОСПОДЬ ИИСУС ХРИСТОС ЛАН ӨКЫНЕН ШОРТМО КАНОН

6-шо сем, 1-ше муро

Ирмос: Израиль, кукшо мланде дене кайыме гае, тенгыз пундаш дене каен, шке шенгечынже толшо фараоннын вүдышкө пуренгайымыжым ужын да каласен: Юмылан сенымаш мурым мурена.

Привев: Серлаге мыйым, Юмо, серлаге.

Кучен Ашныше мыйын Юмем, таче мый, сулык да ойго дене нелемше, Тый декет толынам да кавашке ончалашат ом тошт. Господь, Тыйым чот сөрвалем: чыла осал пашам верч ойгырен шорташ мыланем ушым пу.

Серлаге мыйым, Юмо, серлаге.

Ойго мылам, сулыканлан! Сулык ыштымем верч өкынымашем уке, да чыла ег дечат шотдымо улам. Господь, чыла осал пашам верч ойгырен шорташ мыланем шинчавүдым пу.

Тау*: Ушдымо, пиалдыме айдеме, тый жапым йогыланен эртарет: шке илышет нерген шоналте да Господь Юмо деке савырне, чыла осал пашат верч өкынен шорт.

*Тау – Тау Ачалан, Эргылан, Святой Шүлышлан

Кызытат*: Юмын Эн Яндар Аваже, мыйым, сулыканым, ончал, диаволын вапшыж деч утаре, сулык верч öкынымö корныш виктаре, да мый чыла осал пашам верч ойгырен шортам.

3-шо муро

Ирмос: Господь Юмем! Тыйын гает святой иктат уке. Шкаланет үшаныше-шамычым чапландарыше поро Юмо Тый улат, Тыйым моктен чапландарыме кү үмбалам мемнамаат пенгыдемденат.

Серлаге мыйым, Юмо, серлаге.

Лүдыкшö судышто престолым шындыме годым чыла енын пашаже почылтеш. Тамыкыш колтымо ен-влаклан кугу ойго лиеш. Чонем, тидым пале да чыла осал пашат верч öкынö.

Серлаге мыйым, Юмо, серлаге.

Чын илыше-влак куанат, а сулыкан-шамыч мўгырен шортыт: вет мыланна нигöат полшен ок керт, шкенам пашана мемнам судитла. Тугеже, мучашыш шумо деч ончыч, чыла осал пашат верч öкынен шорт.

Тау: Ойго мылам, шуко сулыканлан, вет шкемым осал паша да шонымаш дене лавыртенам, шўмемын күэмалтмыжлан көра шинчавүдемат уке. Чонем, мланде гыч ынде нöлталт да чыла осал пашат верч öкынен шорт.

*Кызытат – кызытат, керек-кунамаат, курым-курым мучкак. Аминь.

Кызытат: Юмын Ава, Тыйын Эргыч мемнам үжеш да порылан туныкта. А мыйже, сулыкан, поро деч эре корангам. Чаманыше улметлан көра мыйымат чамане, да чыла осал пашам верч өкынем.

Седален, 6-шо сем

Лүдыкшө кече-влак нерген шонем да сулыкан пашам верч шортам: мый, сулыкан айдеме, кузе Судия үмбаке ончалаш тоштам да Колыдымо Кугыжалан вашмутым пуэм? Поро кумылан Ача, Ик шочмо Эрге да Святой Шүлыш, мыйым серлаге.

Тау, кызытат:

Богородичен: Мый кызыт шуко сулык дене шинчырлыме, шучко орлык да ойго дене кепшылтыме улам. Тый декет, мыйым утарыше Юмын Ава деке толам да сөрвалем: «Яндар Ёдыр, мыланем полшо».

4-ше муро

Ирмос: Христос мыйын куатем, Ашныше Юмем манын, чапле Черке яндар шонымаш дене Юмым пагален да Юмылан йывыртен мура.

Серлаге мыйым, Юмо, серлаге.

Тиде илышыште ракатланен илен лекташ корно кумда, но тыгай енлан пытартыш кечын, чон ден кап ойырлымо годым, пеш неле лиеш. Айдеме, Юмын Кугыжаныш верч шкендым тыгай деч арале.

Серлаге мыйым, Юмо, серлаге.

Молан тый йорлым мыскылет, енгын пашадаржым кучен кодет, шке иза-шольычым от йөроте, а яжарланаш да кугешнаш йөратет? Чонем, тый тидын деч коранг, Юмын Кугыжанышлан көра чыла сулыкет верч өкынен шорт.

Тау: О ораде айдеме, шкаланет погым поген, мыняр марте мүкш гай пижат? Тыйын поянлыкет пурак да ломыж гай йомеш: эн чотшо тый Юмын Кугыжанышым кычал.

Кызытат: Юмым Шочыктышо Госпожа, мыйым, сулыканым, чамане да порым ыштымаште пенгыдемде, ямдылалт шуде, трук колымаш деч арале. Яндар Ёдыр, мыйым Юмын Кугыжаныш марте шукто.

5-ше муро

Ирмос: Поро Юмо! Тыланет кумалше, эрдене кыне-лын, Тыйым йөратен шонышо-шамычым Шкендын Юмын волгыдет дене волгалтаре, языкан егет-шамычым пычкемыш гыч лукшо Юмын Шомакшым, Тыйым, чын Юмо манын палаш лийже.

Серлаге мыйым, Юмо, серлаге.

Пиалдыме айдеме, шоналте, шке сулыкетлан көра тыйым шойыштмаш, ондален ойлымаш, толымаш да вийдымылык ир янлык гай сенат. Сулыкан чонем, тыят тидымак вучет мо?

Серлаге мыйым, Юмо, серлаге.

Мыйын уло капем лүдеш, вет чыла денат сулыккан улам: шинчам ужмо, пылышем колмо да йылмем осалым ойлымо дене мый шкемым шке тамыкысе туллан пуэнам. Сулыккан чонем, тьят тидымак вучет мо?

Тау: Утарыше Христос, Тый шотдымын илыше эргым да сулыкшо верч öкынышö разбойникым Шке декет пуртенат. Ик мый гына сулыккан йогыланымаш дене нелемынам да шкемым осал пашалан пуэнам. Сулыккан чонем, тьят тидымак вучет мо?

Кызытат: Юмын Ава, Тый чыла енлан öрыктарышын вашке полшет. Мыланемат, йöрдымылан, полшо, вет сулыккан чонем тидым вуча.

6-шо муро

Ирмос: Кугу мардеж гае, орлык дене толкынланен илыме тенгызым ужын, Тыйын тымык верышкет пурен, Тыланет кумалам. Шуко чаманыше Юмо, мыйын чонем йоммаш гыч утарен лук.

Серлаге мыйым, Юмо, серлаге.

Мландымбалысе илышем яжарын эртаренам, чонемым пычкемышлан пуэнам. Чаманыше Владыко, ынде Тыйым сөрвалем: тушманлан тарзыланыме деч мыйым утаре да Тыйын эрыкетым шукташ уш-акылым пу.

Серлаге мыйым, Юмо, серлаге.

Мыйын наре сулыкым кө эше ышта? Сöсна лавыраште кийыме гае мый сулыккан тарзыланем. Господь, мый-

ым йырнык гыч лук да Тыйын эрыкетым шукташ йöрышö шүмым пу.

Тау: Пиалдыме айдеме, шке сулыкетым шарналте да Юмо деке савырне, Пүрышö деке шинчавүдым йоктарен да шортын лишем. Чаманыше улмыж дене Тудо Шке эрыкшым палаш тыланет ушым пуа.

Кызытат: Юмым Шочыктышо Яндар Удыр, мыйым ужмо да ужаш лийдыме осал деч арале, сөрвалымом кол да Шке Эргычлан намиен шукто: Шке эрыкшым шукташ мыланем ушым пуыжо.

Кондак

Чонем, молан тый сулык дене поенат да диаволын эрыкшым шуктет, көлан үшанен илет? Тыге ыштыметым чарне, Юмо деке савырне да шортын сөрвале: Чаманыше Господь, мыйым, сулыканым, серлаге.

Икос

Чонем, колышаш ойган шагат да тыйым Пүрышö Юмын Лүдыкшö Судшо лийшаш нерген шоналте. Юмын күштымым шуктышо Суксо-влак тунам тыйым кучат да курымаш тулышко пуртат. Чонем, колымет деч ончыч сулыкетым касаре да сөрвале: Господь Юмо, мыйым, сулыканым, серлаге.

7-ше муро

Ирмос: Юмылан йöрышö рвезе-шамычлан йүлышö конгам Суксо лупсаным ыштен; йүлалтен йöсландарыше

халдей-шамычым вожылтарен, Юмын куатше нуным каласыктен: ачана-шамычын Юмыжо, Тый моктымо улат.

Серлаге мыйым, Юмо, серлаге.

Чонем, йомшаш поянлыклан да сулыкын погым погымашлан ўшаным ит пыште: чыла тидым кӧлан кодет, от пале, но сӧрвале: «Христос Юмо, мыйым, йӧрдымым, серлаге».

Серлаге мыйым, Юмо, серлаге.

Чонем, капкыл тазалыклан да йомшаш моторлыклан ўшаным ит пыште: вет самырык да виян-шамычын колымыштым шкеат ужат, но сӧрвале: «Христос Юмо, мыйым, йӧрдымым, серлаге».

Тау: Чонем, святой-шамычлан ямдылыме курымаш илыш да Пылпомыш Кугыжаныш нерген, а осал егшамычлан логалшаш тӱвыт пычкемышлык да Юмын шыдыже нерген шарналтен, сӧрвале: «Христос Юмо, мыйым, йӧрдымым, серлаге».

Кызытат: Чонем, Юмын Ава деке лишем, Тудлан кумал, вет Тудо сулыкышт верч ӧкынышӧ-влаклан вашке полша, да Тудын сӧрвалымыж дене Эргыже, Христос Юмына, мыйым, йӧрдымым, серлага.

8-ше муро

Ирмос: Юмо, Шкаланет йӧрышӧ-шамычлан йӱлышӧ тул гыч лупсым луктынат, чын илыше айдеметын жертвыжымат вӱд дене йӱлалтенат: Христос Юмо, шонет

гын, чылажымат ыштен кертат, чыла курым мучкак Тый-
ым моктена.

Серлаге мыйым, Юмо, серлаге.

Колымо нерген шонем да кузе ом шорт? Вет мый иза-
мын колоткаште чап деч посна да тўсдымын кийымыжым
ужынам. А мыйже мом вучем да молан ўшанем? Господь,
колымем деч ончыч сулыкем касарымашым пу. (*Кок
гана*)

Тау: Господь, илыше ден колышо-влакым судитлаш то-
лат манын, ўшанем. Тунам шонго ден самырык, владыке
ден князь, яндар ўдыр ден священник-влак – чыланат шке
чинышт почеш шогалыт. А мыйже кушто лиям? Сандене
сөрвалем: Господь, колымем деч ончыч сулыкем касары-
машым пу.

Кызытат: Юмым Шочыктышо Эн Яндар Ўдыр, мый-
ын йордымө кумалмем нал, вучыдымын колымаш деч
арален кодо да колымем деч ончыч сулыкем касарыма-
шым пу.

9-ше муро

Ирмос: Ен-шамычлан Юмым ужаш ок лий, Суксо-ша-
мычат Юмым ончалаш огыт тошт; Эн Яндар Ўдыр, Тый
дечет капым налше да ен-шамычлан кончышо Юмым ме
моктена да Пылпомышто улшо чыла Суксо-шамыч дене
пырля Тыйым пагалена.

Серлаге мыйым, Юмо, серлаге.

Юмын престолжо воктене шогышо Суксо ден Архангел-влак, пылпомышысо чыла Куат-влак, ынде тендам йодам: чонемым курымашлык орлык деч утарыже манын, шкендан Пүрышыдам сөрвалыза.

Серлаге мыйым, Юмо, серлаге.

Христосын ойырен налме чыла святой патриархна да кугыжа ден пророк-влак, апостол ден святитель-влак, ынде тендам шортын йодам: Господь мыйын чонемым осал вий деч утарыже манын, судышто мыланем полшыза.

Тау: Господьым уло тўня верч шокшын сөрвалыше чыла святой-влак, орланыше да ир мландыште шкет илыше, кап яндарлыкым арален кодышо да чын илыше-влак, кидем шуен, тендам йодам: колымо шагатыштем Господь мыйым серлагыже.

Кызытат: Юмын Ава, мыланем полшо, вет мый Тыланет чот ўшанем. Шке Эргычым сөрвале: илыше ден колышо-влакым судитлаш шичмыж годым мыйым, йордымым, Шкеж деч пурла вельш шогалтыже. Аминь.

Молитва

Кучен Ашныше Христос Юмо, Шке орланымет дене мыйын орланымем элленат, Шке сусырет дене мыйын сусырем паремденат. Тыйын ончылнет шуко сулыкым ыштенам гынат, шўмым пушкыдемдыше шинчавўдым пу. Илышым пуышо Капетын тамле ўпшыжым мыйын капышкemat шындаре. Тушманын йўктымö кочыжо олмеш мыйын чонемым Шке шергакан Вүретын тамлыже дене теме.

Мланде пелен пижше ушемым колышаш вынем гыч лук да Шке декет нөлтө. Вет мыйын сулык касарымемаат уке, чаманымаш кумылемат уке, йоча-шамычым шке порылыкышкыжо нөлтышö, лыпландарыше шинчавүдемаат уке.

Илышысе алгаштарымаш дене ушем лугалтын, черле улмемлан көра Тыйын үмбакет ончалашат ом тошт, Тыйым йөратымаш шинчавүд дене ырен ом керт.

Господь Иисус Христос, Ашныше Юмо, чыла порылыкын Түнгалтышыже, мыланем сулыкем-шамычым тичмашын касарымашым да Тыйым йөратен кычалше шүмым пу, Тыйын порылыкетым пу да мыйын көргыштем улшо Шке түсетым уэмде.

Тыйым коденам гынат, мыйым ит кодо, кычалаш лек да Шке олыкышкет кондо, ойырен налме шорыкет-влак деке ушо, Шке Аватын да чыла святойын кумалмышт верч мыйымат Юмын Таинстветын киндыже дене пукшен ашне. Аминь.





ЮМЫМ ШОЧЫКТЫШО ЭН СВЯТОЙ АВАМ ОЙГАН КЕЧЫШТЕ СӨРВАЛЫМЕ КАНОН

Феостирикт монах возен

Юмын Авалан тропарь, 4-ше сем

Юмын Шочмо Аваж деке ме, сулыкан да үнгышө-влак,
уло кумылын толына да кумалына, сулыкым кудалташ
көргө чон дене йодына: Владычице, полшо, мемнам ча-
мане, тырше, вет шуко сулыкым ыштымына верчын ме
ынде йомына; мыланна, Шкендын айдемет-шамычлан, по-
рым ыштыде ит кодо; Тыланет веле, Иктылан, үшанена.
(*Кок гана*)

Тау, кызытат: Юмын Аваже! Ме, йөрдүмө-шамыч,
Тыйын куатетым моктен ойлаш нигунам она чарне:
Юмын ончылно мемнан верчна Тый кумал от шого гын,
тунаре орлык дечын мемнам кө утара ыле? Ашныше
Юмын Аваже! Тый дечет ме огына ойырло: Тый вет чыла
түрлө орлык дечын шкендын айдемет-шамычым керек-ку-
намат утарет.

50-ше псалом

Эй Юмо, Шкендын кугу кумылет дене мыйым серлаге
да шуко порым шонымет дене осалем дечын мыйым эрык-
те. Осалем дечын чарныдеак мушкын, языкем дечын мый-

ым эрыкте. Вет осалым ыштымем мый шинчем, да мыйын языкем эре ушыштемак коштеш. Тыйын ончылнет языком ыштенам да Тыйын шинчат ончылно осал пашам ыштенам, Тыйын каласымет раш да языкем верчын мыйым судитлымет төрак. Вет авам мыйым языкеш иландарен, да мый шочмем годымак яндар шочын омыл. Тый чон дене көргыштө төр шонымым йөратет: пален шуктыдымо Тыйын законетым мыланем умылтарен туныкто. Тый иссоп вынык дене мыйын үмбакем шыжыкте да мыйым эрыкте, мыйым мушкын, лум дечат чот ошым ыште. Куанышашлык да йывыртывашлык шомакым мыланем колыкто: Тый дечат лүдшө луэм йывыртыкте. Мыйын языкем-шамычым Тыйын шинчат ынже ончал, да чыла осалым ыштымем деч мыйым эрыкте. Эй Юмем, мыйым яндар шүманым ыште да мыйын көргыштем чын шүльшым уэмде. Чурий ончычет мыйым ит кудалте да мый дечем Святой Шүльшетымат шупшын ит нал. Утаралтшашым да йывыртывашым мыланем пу да Ашныше Шүльшет дене мыйым пентгыдемде. Осалым ыштыше-шамычым Тыйын корнетлан туныктем, да языкан-шамыч Тый декет савырнат. Юмем, вүр йоктарыме орлык дечын мыйым утаре, Утарыше Юмем, мыйын йылмем Тыйын чын оетлан куана. Господь, мыйын умшам почат гын, Тыйын кугу лүметым чапландарем. Надырым налмет шуэш гын, пуэм ыле, но йүлалтен пуымо жертвым Тый от йөрате. Юмылан надыр – ойгырышо шүльш, ойгырышо да үнгышө шүмым Юмо изиеш ок пыште. Эй Юмо, Шке порылыкет дене Сион калыклан порым ыште, да Иерусалим олан пырдыжше тек нөлталалтеш. Тунам чынын надыржым, нөлтал пуымым да чыла йүлалтымым йөратен налат; тунам Тыйын алтарет үмбакем презе-шамычым пыштат.

Юмым Шочыктышо
Эн Святой Авалан канон
8-ше сем, 1-ше муро

Ирмос: Вүд гоч израильын еңже кукшо мланде дене кайыме семын каен да, египетысе осаллык деч утлен да каласен: Мемнам утарыше Юмылан мурена.

Юмын Аваже, мемнам утаре.

Шуко алгаштарымаш деч ноен, польшым кычалын, Тый декет толам: Юмын Аваже да Яндар Ёдыр, тушман-нын кержалтмыж да чыла ойго деч мыйым утаре.

Юмын Аваже, мемнам утаре.

Осал шонымашын пижедылмыже мыйым лүдыкта, чонемым неле шүлык темда. Поро Яндар Ёдыр, мыйын чонем Юмын, Шке Эргычын, ласкалыкше дене теме.

Тау: Утарыше Юмым шочыктышо Ёдыр, Тыйым сөрвалем: мыйым чыла орлык гыч утаре; Тый декет таче толын, уло чонем да шонымашем почам.

Кызытат: Поро пиалан Юмым шочыктышо Поро пиалан Ава, мыйым, капем да чонем дене орланышым, Шкендын толмет да польшет дене куандаре.

3-шо муро

Ирмос: Господь, Тый Пылпомышым ыштенат да Черкым негызленат. Тый икте айдемым йөратыше да кумылым савырыше улат, үшаныше-влакым пенгыдемдет. Тыйым йөраташ мыйым туныкто.

Юмын Аваже, мемнам утаре.

Юмым Шочыктышо Ёдыр, мый Тыйым шке илыше-мын аралтышыжлан да леведышыжлан шотлем: мыйым Шке серышкет виктаре, Тый вет чыла порылыкын тўналтышыже, ўшаныше-влакын пенгыдылыкышт да икте чыла моктымо Ава улат.

Юмын Аваже, мемнам утаре.

Поро Яндар Ёдыр, мыйын шўлыкем да чон вургыжмем пытаре, Тый вет Юмын ойырен налме Ёдыр улат да Христосым, чыла тўрлө шыпын Озажым, шочыктенат.

Тау: Порым пуышым да чыла порылыкын Тўналтышыжым шочыктышо Ёдыр, порылыкын поянлыкшым чылаштлан ситаре, Тый вет Юмо дене поро пиалан улат да куатле виан Иисусым шочыктышо, чыла кертше улат.

Кызытат: Яндар Ёдыр, мыланем, кугу орлык да неле чер дене орланышылан, полшо. Эн Яндар Ёдыр, мый палем: Тый чыла пареммашын пытыдыме поянлыкше улат.

Юмым Шочыктышо Ёдыр, Шке айдемет-влакым чыла ойго деч утаре, вет ме Юмо деке да Тый декет, Аралышына да сенаш лийдыме Пырдыж деке, толына.

Чыла моктымо Юмын Ава, мыйын капемын орланымыжым чаманен ончал, чонемын корштымыжым паремде.

Тропарь, 2-шо сем

Мемнан верч чот сөрвалыше да сенаш лийдыме Пырдыж, чаманымашын Негызше, тўнялан ўшанле Вер, ме

Тыйым сөрвалена: «Юмым шочыктышо Владычице, вашке тол, ойго деч мемнам утаре, мыланна вашке Полшышо ик Тый веле улат».

4-ше муро

Ирмос: Господь, ончылгоч ямдылыме таинствен нерген колын, Тыйын пашатым умыленам да Юмын чапетым моктенам.

Юмын Аваже, мемнам утаре.

Юмын ойырен налме да мемнам Вүдышö Господьым Шочыктышо Ёдыр, шүмемын вургыжмыжым да сулыкемшамычын тўтанжым лыпландаре.

Юмын Аваже, мемнам утаре.

Тый ең-влакым Чаманышым да Тыйым моктен мурышо-влакым Утарышым шочыктенат. Мыланем, Тыйым полшаш ёжшылан, мучашдыме Шке чаманымашетым пу.

Юмын Аваже, мемнам утаре.

Эн Яндар Ёдыр, Тыйын чыла пөлекетлан куанена да, Тыйым пален, Тыланет, Юмын Авалан, таум ыштен мурена.

Тау: Юмым Шочыктышо, порым йöратыше да икте эреак Ёдыр улшо, мыланем, черланен кийышылан да ёнардымылан, полшо.

Кызытат: Чыла моктымо Ёдыр, Тый мыланна ёшан да пенгыдылык, утаралтмашнан пенгыде пырдыжше улат, Тыйын полшымет дене ме чыла нелылык гычат утлена.

5-ше муро

Ирмос: Айдемым йöратыше Господь, Тыйын шүдымашет-влак дене мемнам волгалтаре да пенгыде кидет дене Шке тынысетым мыланна пу.

Юмын Аваже, мемнам утаре.

Куаным Пуышым Шочыктышо Яндар Ёдыр, Шке волгыдо куанетым пуэн, чонемым йывыртываш дене теме.

Юмын Аваже, мемнам утаре.

Юмым Шочыктышо Яндар Ёдыр, курымаш утарымашым да öрыктарыше тынысым шочыктышо, Тый мемнам чыла ойго гычат утаре.

Тау: Юмын ойырен налме Ёдыр, курым дечат ожно улшо Юмын волгыдыжым шочыктышо, мыйын сулыкешамычын пычкемышыжым Шке волгыдет дене шалате.

Кызытат: Яндар Ёдыр, Шке толмет дене мыйым куан-даре, үнардыме чонемым паремде да Шкендын кумалмет дене мыланем тазалыкым пу.

6-шо муро

Ирмос: Господьлан шортын кумалам, шке ойгем нерген Тудлан каласем, вет чонем ойго дене теме да илышем тамыкыш лишеме. Юмо, мыйым колываш гыч лук, – манын, Иона семын сөрвалем.

Юмын Аваже, мемнам утаре.

Яндар Ёдыр, Господьнам, Шке Эргычым, сөрвалем: мыйым тушманын чыла осалже деч утарыже. Вет мыйым авырыше колымаш да пытымаш деч утараш манын, Тудо Шкенжым Шке колымашлан пуэн.

Юмын Аваже, мемнам утаре.

Яндар Ёдыр, Тый ёшанле орол улат, мыйын илышем эре аралет, шуко алгаштарымым шалатет, осал шўлыш-влакым поктен колтет. Осаллан кумылангмем деч утараш эре Тыйым сөрвалем.

Тау: Самырык Ёдыр, Тый мыланна аралыше пырдыж, чоннан тичмаш утаралтмашыже, ойго годым йонгыдо вер улат. Тыйын волгыдыштет ме куан дене темына. О Кучен ашныше Ёдыр, кызытат мемнам чыла ойго да алгаштары-маш деч утаре.

Кызытат: Теве ынде черле кием да паремын ом керт. Тыйым, чер деч Паремдыше да тўням Утарыше Юмым шочыктышо поро Ёдырым, сөрвалем: колымашке нангайыше чер-влак деч мыйым паремде.

Кондак, 6-шо сем

Христиан-влакын ёшанле аралтышыже, Пўрышым мемнан верч сөрвалыше Ёдыр, мемнан, сулыкан-влакын, кумалме йўкнам кол да, поро улмет дене, мыланна полшаш тол. Ме Тыйым ёшанен ёжына: Юмым Шочыктышо, Тыйым пагалыше-влакым эреак арале, мыланна полшаш вашке да Юмым чот сөрвалем.

Вес кондак, семже тудак

Эн Яндар Ёдыр, Тый дечет моло полшышына уке, Тый дечет моло ёшанна уке. Ме Тыланет ёшанена, Тый денет кугешнена, Тый мыланна полшо, ме Тыйын кулет улына, да вожылмашыш пураш огыл ыле.

Стихир, семже тудак

Кучен ашныше Эн святой Ава, мыйым айдеме-шамычын аралымыштлан ит пу, йодын кумалмем кол, вет мыйым ойго авалтен, осал шёлышын пикшыжым чытен ом керт, вес аралтышем уке. Мый пиалдыме да чыла велым шыгыремдыме улам, миен пураш йёрышё веремат уке, Тый дечет моло шыматышем уке. Тёням Кучышо Ава, ёшанле-влакын ёшанышт, мыйын йодмем ит шёкал да мыланем пайдалым ыште.

7-ше муро

Ирмос: Иудей гыч толшо эрге-влак, Троицылан чот ёшанен, Вавилон олесе конгаште йёлышё тулым сененыт да муреныт: Ачана-шамычын Юмыжо, Тый моктымо улат.

Юмын Аваже, мемнам утаре.

Утарыше Христос, мемнам утарышаш верч Тый Ёдырын кёргешыже верангынат да Тудым тёням Аралышым ыштенат. Мемнан ачана-шамычын Юмыжо, Тый моктымо улат.

Юмын Аваже, мемнам утаре.

Яндар Ава, Тыйын шочыктым да чаманымашым йөратыше Христосым мемнан верч сөрвале, да ме, «Мемнан ачана-шамычын Юмыжо, Тый моктым улат», – манын, ўшанен мурена, шке сулыкна да чоннан лавыраже деч эр-нена.

Тау: «Мемнан ачана-шамычын Юмыжо, Тый моктым улат», – манын ўжшө-влаклан Тыйым шочыктышо Ўдырым Тый утаралтмашын поянлыкше, колыдымашын памашыже, пенгыдеммашын негызше да сулык касарымашын омсаже семын ончыктенат.

Кызытат: Юмын Аваже, Тый мыланна Утарыше Христосым шочыктенат, Тыйын леведышет йымаке йөрәтен толшо-влакын кап лушкыдылыкштым да чон корштымыштым паремде.

8-ше муро

Ирмос: Суксо-влакын моктым Пылпомышысо Кугыжам курым-курымеш моктен мурыза да чапландарыза.

Юмын Аваже, мемнам утаре.

Самырык Ўдыр, Тыйым кугуэш ужшо, моктен мурышо да Тыйын польшетым йодшо-влакым курым-курымеш ит шўкал.

Юмын Аваже, мемнам утаре.

Яндар Ўдыр, порылыкетым курым-курымеш моктышаш верч Тый чонемын лушкыдылыкшым да капемын орланымыжым паремдет.

Тау: Яндар Ёдыр, Христосым умылен мошташ лийдымын шочыктыметым моктышо да Тыланет ёшанен мурышо-влаклан Тый шуко пареммашым пуэт.

Кызытат: Яндар Ёдыр, Тый чоннам алгаштарымашым да сулыкыш пуртышо кумыланмашым корандет, сандене Тыйым курым-курымеш моктен мурена.

9-ше муро

Ирмос: Яндар Ёдыр, ме, тыйын утарыме енет-влак, Тыйым чынак Юмым Шочыктышо манына да капдыме Суксо-влак дене пырля моктен мурена.

Юмын Аваже, мемнам утаре.

Чыла енын чурийже гыч шинчавёдым ёштылшо Христосым Шочыктышо Ёдыр, мыйын шинчавёдем дечат ит коран.

Юмын Аваже, мемнам утаре.

Куанын тичмашлыкшым налше, сулыкын ойгыжым пытарыше Яндар Ёдыр, мыйын чонемым куан дене теме.

Юмын Аваже, мемнам утаре.

Яндар Ёдыр, Тый декет толшо-влаклан ёшанле вер да аралтыш, пенгыде пырдыж да ёшык вер, леведыш да куан лий.

Тау: Юмым Шочыктышо Ёдыр улметлан Тыйым чот пагалыше-влакым Шке волгыдетын ёжараже дене волгалтаре, палыдымашын пычкемышыжым поктен колто.

Кызытат: Яндар Ёдыр, орланен кийыме верыштыже ўнгышемше еным паремде, чержым коранде, тудлан та-залыкым пу.

Стихир-влак, 2-шо сем

Тўням Кучен ашныше Авам, пылпомыш деч кўшнў улшым да кече волгыдо деч яндарым, мемнам каргымаш деч утарышым, муру дене моктена.

Шуко сулыкемлан кўра капем орлана, мыйын чонемат орлана.

Порым пуышо, Тый декет толам: ўшаным йомдарыше-влакын Ёшанышт, Тый мыланем полшо.

Мемнам Сулен налшын Кучен ашныше Аваже, йўрды-мў кулет-влакын кумалмынам нал да Тый дечет Шочшым мемнан верч сўрвале. О тўням Кучен Ашныше, мемнан верч Йодшо лий.

Тыланет, чыла моктымo Юмын Авалан, кызыт тыршен мурена: Юмым Шочыктышо Ёдыр, Юмо мемнан декат поро лийже манын, Предтече да чыла святой дене пырля Тудым сўрвале.

Суксо-влакын тўшкашт, Господьын Предтечыже, лат-кок апостол да чыла святой-шамыч, Юмым Шочыктышо Ёдыр дене пырля мемнам утарышаш верч кумалза.

Юмым Шочыктышо Эн Святой Авалан молитва

Эн поро мыйын Царицем! Юмым Шочыктышо мыйын Ёшанем, тулык-влак верч Тургыжланыше да нужна-влакын Аралтышыже, ойган-влакын Куанышт, ўпкельше-

влакын Леvedышышт! Уж мыйын энгекем, уж мыйын ойгем, полшо мыланем, вийдымылан, ашне мыйым корныштем. Мыйын өпкем палет, шке семынет тудым төрлө, Тый дечет посна вес полшышем уке, ны вес аралтышем, ны поро лыпландарышем, Тый веле, о Юмын Аваже, кузе-гынат арале мыйым да переге курым-курымеш. Аминь.

Тыйым огыл гын, көм сөрвалем, Владычице. Тый дечет огыл гын, көн деке шке ойгем дене толам, Кавасе Царице? Тый огыл гын, кө мыйын шортмем да сөрвалымем колеш, Эн Сулыкдымо, христиан-влакын үшанышт да мемнам, сулыкан-влакым, Аралышына. Тый дечет посна кө мемнам ойго деч утара? Кол мыйын йөсланымем да Шке кумылетым мый декем савыре, Владычице, мыйын Юмемын Аваже, да ит кудалте мыйым, Тый дечет полшышым йодшым, да ит кодо мыйым, сулыканым. Ушым пу да туныкто мыйым, Кавасе Царице, ит коран мый дечем, Тыйын өпкелаш йөратыше кулет деч, Владычице, лий мыланем Ава да Эгертыш. Шкемым Тыйын чаманыше леведышетлан үшанен пуэм. Мыйым, сулыканым, шып да сай илышыш виктарен шого, вара мый шке сулыкем-влак верч шорташ тўнгалам. Мый, титакан, Тый дечет огыл гын, кө деч йодшаш улам, сулыкан-влакым Кучышо да Аралыше? Тыйын каласен моштыдымо чаманымашетлан да порылыкетлан инанен, Тыйын кугу лўметлан шке сулыкем нерген каласаш могай шомакым муын кертам?

О Владычице, Кавасе Царице! Тый мыланем Ава да Ёшан, Тый мыланем Кучышо да Леvedыш, Эгертыш да Польш улат!

Эн чаманыше мыйын Царицем да эн писе Аралты-
шем. Шке сөрвалымет дене мыйын сулыкем левед; ужмо
да ужын кертдыме тушманем-влак деч мыйым арале, ваш-
тарешем кынелше шыде ен-влакын шүмыштым пуш-
кыдемде! О Пүрышемын, мыйын Юмемын, Аваже! Тый
түкыдымө ўдырлык да лывыжгыдыме яндарлыкын Вожшо
улат. О Юмын Шочмо Аваже! Тый мыланем, капын алга-
штарыше сулыкшо ончылно вийдымылан да шүм чер дене
йöсланышылан, польшым пу, Тыйын Эргычын, мемнан
Юмынан, аралтышыже да Тыйын эн кугу öрыктарыше
аралтышет дене чыныш лукмо лиям да Тыйын молитват
дене, Юмын Эн Яндар да Эн Сулыкдымо, Эн Моктымо
Аваже Мария, түрлө энгек да ўмбакем керылтмаш деч
утаралтам! Тиде ўшан денак ойлем да сөрвалем: куане,
Чаманыше! Куане, Куаныше! Куане, Эн Поро! Тый денет
Юмо!





АРАЛЫШЕ СУКСЫЛАН КАНОН

Тропарь, 6-шо сем

Юмын Суксыжо, святой аралышем, мыйын илышем Христос Юмо деч лүдмаште кучо, ушем чын корнеш пенгыдемде, пылпомышысым йөратымаш деке чонем ылыжете. Тыйын вүдымет дене мый Христос Юмо деч кугу порылыкым налам.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Богородицен: Мемнан Христос Юмынан Аваже, чылажымат Пүрышым умылаш лийдымын шочыктышо Ёдыр, осалым йөратыше чонемым Христос Юмо утарыже да мыланем сулык касарымашым пуыжо манын, аралыше Суксем дене пырля Тудын порылыкшым чарныде сөрвале.

Канон, 8-ше сем

1-ше муро

Ирмос: Шке калыкшым Йошкар теңыз гоч лукшо Господьлан мурена, Тудо икте тыге чот чапланен.

Привев: Господь Иисус Христос, мыйын Юмем, мыйым серлаге.

Утарыше Христос, мыйым туныктышо да аралыше капдыме Суксемлан мурым мураш да моктымашым кондаш Шке кулетым йöрышым ыште.

Мыйым аралыше святой Суксо, мыйын верч Юмым сөрвале.

Теве мый шкетын шонен моштыдымо да йогыланыше улам. Туныктышо да аралыше Суксем, мыйым, пытен шушым, кудалтен ит кодо.

Тау: Тыйым сөрвалем: ушемым шке молитват дене төрлө, Юмын күштымыжым шукташ да сулык касарымышым налаш йöрышым ыште, осалым ужмышудымо лияш туныкто.

Кызытат: Яндар Ёдыр, Порылыкым пуышо Юмым Шке кулет верч аралыше Суксем дене пырля сөрвале да мыйым Пүрышö Эргычын күштымыжым шукташ туныкто.

3-шо муру

Ирмос: Господь, Тый сөрвален толшо-влакын пенгыдылыкше да пычкемышалтше-шамычын волгыдыжо улат, мыйын шүлышем Тыйым мокта.

Мыйым аралыше святой Суксо, мыйын верч Юмым сөрвале.

Аралыше Суксем, чыла шонымашем, уло чонем тый декет виктаренам: тушманын кержалтмыже деч мыйым арале.

Мыйым аралыше святой Суксо, мыйын верч Юмым сөрвале.

Тушман шыгыремда, мыйым сенгынеже, шкенжын осал пашажым шукташ тарата. Туныктышо Суксем, мыйым, пытен шушым, коден ит кае.

Тау: Аралыше поро Суксем, Пүрышö Юмемлан да тыланет таум ыштен да тыршен мураш пу, шыгыремдыше тушман-шамыч деч утаре.

Кызытат: Эн Яндар Ёдыр, чонемын чот корштышо су-сыржо-влакым паремде; ваштарешем шогышо тушман-шамычым поктен колто.

Седален, 2-шо сем

Чонем аралыше эн святой Суксем, уло чон дене йöра-тен, тыйым сөрвалем: ондалышын вапшыж деч мыйым эре арале да пылпомышысо илыш деке туныктен, волгал-тарен, пенгыдемден виктаре.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Богородичен: Нарашта Яндар Ёдыр, чылаштым Аш-ныше Юмым языкыш пурыде шочыктенат. Аралыше Сук-сем дене пырля Тудым сөрвале: мыйым чыла нелылык гыч утарыже, чонемлан сулык деч эрыкталтмым, чаманы-машым да волгыдым пуыжо, Тый вет икте вашке полшы-шо улат.

4-ше муру

Ирмос: Господь, Тыйын ончылгоч ямдылыметын таинствыж нерген колынам, Тыйын пашатым умыленам да Юмын чапетым моктенам.

Мыйым аралыше святой Суксо, мыйын верч Юмым сөрвале.

Аралыше Суксем, айдемым йöратыше Юмым сөрвале да мыйым коден ит кае; илышем тынысыште арален, пенгыде утарымашым пу.

Мыйым аралыше святой Суксо, мыйын верч Юмым сөрвале.

Святой Суксем, полшышем да илышемын аралтышыже семын мый тыйым Юмо деч налынам да сөрвалем: Чыла ойго дечат мыйым утаре.

Тау: Аралышем, шкендын яндарлыккет дене мыйын осалем эрыкте; да шола могырыш логалме деч тыйын молитват дене утаралтын, чапланыше-влакын ужашыште лиям.

Кызытат: Йыр авырыше ойго деч мыйым нелылык вуча. Эн Яндар Ёдыр, чыла ойго деч вашке утаре, вет мый ик Тый декет веле толам.

5-ше муру

Ирмос: Господь, эр ўжара годсек Тыйым сөрвалена: Утаре мемнам, вет Тый мемнан Юмына улат, Тый дечет моло юмым ме она пале.

Мыйым аралыше святой Суксо, мыйын верч Юмым сөрвале.

Юмо деч йодаш тоштшо святой Аралышем, мыйым шыгыремдыше осал деч утараш Юмым сөрвале.

Мыйым аралыше святой Суксо, мыйын верч Юмым сөрвале.

Волгалтше волгыдо, Юмын мыланем пуымо Суксо, тунктышем да аралышем, мыйын чонем волгыдын волгалтаре.

Тау: Юмын Суксыжо, мыйым, шуко сулыкемын нелытше дене орланен малышым, помыжалте да шке кумалмет дене мыйым Юмым моктен мураш шогалте.

Кызытат: Нарашта Ёдыр Мария, Юмым Шочыктышо Госпожа, ўшанле-влакын ўшанышт, Тыйым моктен мурышо-влакым куандаре, а тушманын кугешнымыжым сўмырал шу.

6-шо муро

Ирмос: Волгыдым вургем гае чийыше Христос, чот чаманыше Юмо, мыланем волгыдо вургемым пөлекле.

Мыйым аралыше святой Суксо, мыйын верч Юмым сөрвале.

Юмын пуымо святой Суксо, мыйын поро аралышем, тыйым сөрвалем: чыла ойго да шўлык деч мыйым утаре.

Мыйым аралыше святой Суксо, мыйын верч Юмым сөрвале.

Святой поро Суксо, тыйым сөрвалем: ушем волгалтаре да мыйым сотемдаре, пайдале нерген гына шонаш тунькто.

Тау: Аралыше Суксо, шүмемым ишыше тургыжланымашым чаре, поро пашаште пенгыдын шогаш тунькто да илышым пуышо шыпышке öрыктарышын виктаре.

Кызытат: Юмым Шочыктышо Ёдыр, Юмын Шомак көргышкет шынген да ең-влаклан Тыйым пылпомышын тошкалтышыже семын ончыктен, Күшылсö мемнан деке Тыйын гоч волен.

Кондак, 4-ше сем

Господьын пуымо аралыше святой Суксо, чаманыше лий, мый дечем, йырнык деч, ит коран, лишкат мияш лийдыме волгыдо дене волгалтаре да Пылпомыш Кугыжанышлан йöрышым ыште.

Икос

Арален налше святой Суксем да мурызем, Юмын капдыме моло Вийже-шамыч дене пырля мыйым чамане да арале, ятыр алгаштарымаш дене лавыргыше чонем пылпомышысо чаплан ямдыле, чонемым поро шонымаш дене волгалтаре. Суксем, шке чапет дене мыйым теме, осалым шонышо тушман-шамычым пытаре, мыйым Пылпомыш Кугыжанышлан йöрышым ыште.

7-ше муру

Ирмос: Иудей гыч толшо эрге-влак, Троицылан чот ўшанен, Вавилон оласе конгаште йўлышö тулым сененыт да муреныт: Ачана-шамычын Юмыжо, Тый моктымо улат.

Мыйым аралыше святой Суксо, мыйын верч Юмым сөрвале.

Господьын Суксыжо, чаманыше лий да мыйын верч Юмым сөрвале, вет тый ўмырем мучко мыланем аралтыш да Юмын пуымо курымаш туныктышем да перегышем улат.

Мыйым аралыше святой Суксо, мыйын верч Юмым сөрвале.

Святой Суксо, пиалдыме чонемым Юмо тыланет яндарым пуэн, илыш корнышто тудым разбойник-шамычлан пушташ ит пу, сулык касарыме корныш виктаре.

Тау: Уда шонымаш да осал паша-шамыч дене лавыргыше чонемым тыланет почам: туныктышем, вашке тол да мыланем пареммашым пу, поро шонымаш дене теме, төр корныш савырнаш полшо.

Кызытат: Кўшылсын Уш-акылже, «Ачана-шамычын Юмыжо, Тый моктымо улат», – манын, ўшанен сөрвалыше-влакым Юмын Аван кумалмыже верч кугу уш-акыл да Юмын пенгыдылыкше дене теме.

8-ше муро

Ирмос: Суксо-влакын моктымо Пылпомышысо Ку-гыжам курым-курымеш моктен мурыза да чапландарыза.

Мыйым аралыше святой Суксо, мыйын верч Юмым сөрвале.

Юмо деч колтымо поро Суксо, мыйын, шке кулетын, илышем пенгыдемде да курымеш ит кодо.

Мыйым аралыше святой Суксо, мыйын верч Юмым сөрвале.

Тыйым, поро пиалан Суксым, туныктышемым да аралышемым, чынжымак эн поро пиаланым, курым-курымеш моктен мурем.

Тау: Чыла енын поро да осал пашаштым тул дене тергыме кечын мыланем тый леведыш да пенгыде пырдыж лий.

Кызытат: Юмым Шочыктышо Яндар Ёдыр, мыланем, Шке кулетлан, полшышо да ёшык вер лий, Шке аралтышет деч посна ит кодо.

9-ше муро

Ирмос: Яндар Ёдыр, ме, тыйын утарыме енет-влак, Тыйым чынак Юмым Шочыктышо манына да капдыме Суксо-влак дене пырля моктен мурена.

Господь Иисус Христос, мыйын Юмем, мыйым серлаге.

Утарышем, Тый вет чаманыше да поро улат, мыйым серлаге да чын илыше-влак тўшкәш пурто.

Мыйым аралыше святой Суксо, мыйын верч Юмым сөрвале.

Господын Суксыжо, мыланем эре порым шонаш да пайдалым ышташ полшо, неле годым пенгыдемде да сулыкдымым ыште.

Тау: Пылпомышысо Кугыжа деч йодаш тоштшо святой Суксем, мыйым, сулыканым, чаманыже манын, моло капдыме куат-влак дене пырля Юмым сөрвале.

Кызытат: Тый дечет Капым налшым йодаш тоштшо Поро Яндар Ёдыр, Шке кумалмет дене мыйым шыгыргыч лук, сулык касарымашым да утаралтмашым пу.

Аралыше Суксылан молитва

Христосын святой Суксыжо, тынеш пурымем годым мыланем, сулыканлан, чонем ден капемлан пуымо святой аралышем, тыйым чот сөрвалем! Його улмем да уда койышем дене тыйым, эн яндарым да волгыдым, эре сырыктем, чыла уда пашам дене: шоям шойыштмо, ен ёмбак ондален ойлымо, кёраныме, вурсымо, мут колыштдымо, шке иза-шольым ужмышудымо да осалым шарныме дене, пояш тёчымё, курваланыме, ен ёмбак шыдым кучымо, енлан пуаш чаманыме, шуко кочмо, утыждене мутланыме, осал чоя шонымаш да кугешнаш йёратыме дене, капын ажгынымыжым шукташ тыршыме дене тыйым шке

дечем поктен колтенам. Мом шке кумылын ыштенам, тыгайым шонен моштыдымо вольыкат ок ыште. Кузе ынде ўмбакем ончалын але мый декем, ўпшышö пий гай деке, лишемын кертат?

Христосын Суксыжо, ынде мыйым, осал паша дене йөршеш йомшым, могай шинча дене ончалат? А мыйже, кажне кечын да йўдым, кажне шагатыште түрлө осал пашам ыштыше еҥ, кузе тый дечет сулыкем касараш полшаш йодын кертам?

Аралыше святой Суксем, сукен возын тыйым сөрвалем: мыйым, сулыкан да йөрдымö кулетым, (*шке лўмет ойло*) чамане, шкендын святой молитват дене мыланем осал тушман ваштареш шогаш полшо да пыдал налше лий, чыла святоет дене пырля мыйым Пылпомышысо Кугыжанышлан йөрышым ыште, кызытат, керек-кунамат, курым-курым мучкак. Аминь.





МЕМНАН ШҮМ-ЧОНЛАН ЯМЛЕ ГОСПОДЬ ИИСУС ХРИСТОСЛАН АКАФИСТ

1-ше кондак

Тамыкым сенгыше, лүддымө аралыше Воевода да Господь, мый, Тыйын ыштыме енет да кулет, курымашлык колымаш деч утлен, Тыланет моктымо мурым мурем. Пеш чот чаманыше улмет дене чыла ойго гыч мыйым утаре, да Тыланет мурем: Юмын Эргыже Иисус, мыйым серлаге.

1-ше икос

Суксо-влакым Пүрышö да пылпомышысо Куат-влакын Господьшо, Тыйын эн яндар лүметым мокташ мыйын лушкыдо ушемым поч да йылмем рудо, вет Тый ожно ойлен кертдыме сонгыра енын ушыжым почынат, йылмыжым руденат, да тудо тыге ойлен:

Суксо-влакым öрыктарыше пеш сылне Иисус, кугезына-влакым утарыше кугу виян.

Патриарх-влакын моктымо пеш шере Иисус, кугыжашамычым пенгыдемдыше чот чапле.

Пророк-влакын ойлымыштым шуктышо эн йöратыме Иисус, орланыше-влакым пенгыдемдыше, чот öрыктарыше.

Монах-влакым куандарыше пеш шыма Иисус, священник-шамычым йывыртктыше, чот чаманыше.

Пүтым кучышо-влаклан полшышо поро шүман Иисус, Юмылан йөрышө-влакым куандарыше, пеш шере.

Нарашта үдыр ден рвезе-влакым перегыше чот жаплыме Иисус, сулыкан-шамычым утарыше да курымашлык.

Юмын Эргыже Иисус, мыйым серлаге.

2-шо кондак

Господь, ойгырен шортшо тулык ватым ужын, Тый чот чаманенат да тояш нангайыме эргыжым ылыжтен кынелтенат. Айдемым йөратыше Юмо, мыйымат тыгак чамане, сулыкем-влак дене пуштмо чонемым ылыжте, да тудо Тыланет мура: Аллилуиа.

2-шо икос

Апостол Филипп уш дене умылен керташ лийдымым палаш шонен да йодын: «Господь, мыланна Ачатым ончыкто». А Тый тудлан маньнат: «Мый тынар жап тендан дене улам, а тый Мыйым от пале? Кө Мыйым ужын, тудо Ачамым ужын». Умылен керташ лийдыме Юмо, мый Тыланет лүдын ойлем:

Курым дечат ожно улшо Иисус, эн куатле Кугыжа.

Кучен Ашныше да кужун чытыше Иисус, чот чаманен Утарыше.

Мыйын эн поро Аралышем, Иисус, мыйын шуко сулыкем эрыкте.

Мыйын закондымын ыштымем төрлө, Иисус, мыйын йонгылышем коранде.

Мыйын ұшанем, мыйым ит кодо, Иисус, мыйын полшышем, мыйым ит шүкал.

Мыйым ыштыше Юмо, мыйым ит мондо, Иисус, мыйым кўтышө, мыйым ит йомдаре.

Юмын Эргыже Иисус, мыйым серлаге.

3-шо кондак

Иерусалимыште улшо апостол-шамычым кўшычын куат дене темыше Иисус, нимогай поро пашам уке гынат, Святой Шўлышетын шокшыжо дене мыйымат левед да Тыланет тыге йөрәтен мураш пу: Аллилуиа.

3-шо икос

Иисус, чаманымашет шуко улмылан көра Тый йозак погышо ден сулыкан-шамычым да чын Юмым палыдымевлакымат Шке декет ұжынат. Мыйымат, нунын гаяк сулыканым, ужмышудымо ит лий да мый дечем тиде мурым тамле пушан миро семын нал:

Сенаш лийдыме куат, Иисус, мучашдыме чаманымаш.

Эн волгыдо моторлык, Иисус, каласен мошташ лийдыме йөрәтымаш.

Илыше Юмын Эргыже Иисус, мыйым, сулыканым, серлаге.

Мыйым, сулыкеш иландарымым, кол, Иисус, да мыйым, сулыкеш шочшым, эрыкте.

Мыйым, шотдымым, туныкто, Иисус, да мыйым, пычкемышым, волгалтаре.

Мыйым, йырныкым, эрыкте, Иисус, да мыйым, йомын коштым, пörтылтö.

Юмын Эргыже Иисус, мыйым серлаге.

4-ше кондак

Ўшанже начарештмылан көра Петр вүдыш пуренгаяш тўнгалын, но Тыйым капаным да вүдүмбач толшым ужын, Тыйын чын Юмо улметым умылен, утараш шуялтыме кидетым кучен да манын: Аллилуиа.

4-ше икос

Корно дене Тыйын эртымет нерген сокыр ең колын да сөрвален кычкырен: «Давид Эрге Иисус, мыйым серлаге». Тый, тудым ўжын, шинчажым почынат. Мыйынат шүмемын уш-акыл шинчажым Шке чаманымашет дене поч, да мый Тыланет тыге мурем:

Күшылсö Куат-влакым ыштыше Иисус, мландымбалне илыше-влакым сулен налше.

Тамыкым сүмырал шуышо Иисус, чыла пүрен ыштыметым сöрастарыше.

Мыйын чонем лыпландарыше Иисус, мыйын ушем сотемдарыше.

Мыйын шүмемын куанже Иисус, мыйын капкылемын тазалыкше.

Мыйын Утарышем, мыйым утаре, Иисус, мыйын волгыдем, мыйым волгалтаре.

Чыла орлык деч утаре мыйым, Иисус, мыйым, йöрыдымым, утаре. Юмын Эргыже Иисус, мыйым серлаге.

5-ше кондак

Шке Юмын вүретым йоктарымет дене, Иисус, Тый мемнам законын каргымашыже деч сулен налынат. А кишке мемнан кап ден чоннам алгаштарен, яжар шонымашым пуртен, чоным пытарыше шүлык дене авалтен да мемнам вапш-сеткыш кучен. Тый тушеч мемнам лук, Иисус, да Тыланет мурена: Аллилуиа.

5-ше икос

Айдемым Шке кидше дене ыштыше Юмым еврей йочашамыч айдеме тўс дене толшым ужыныт да Тудын Кучен Ашныше Юмо улмыжым паленыт, «Осанна» манын, ладыра укш дене Тудым йывыртен вашлийыныт. А ме Тыланет тыгай мурым мурена:

Чын Юмо Иисус, Давид Эрге.

Моктымо Кугыжа, Иисус, сулыкдымо Пача.

Öрыктарыше Күтүчө, Иисус, изиэм годсек мыйым аралыше.

Самырыкем годсек мыйым вүдышö Иисус, шонгемме велешат мыйын моктымашем лий.

Колымем годем Тыланет үшаным пыштем, Иисус, колымем деч вара Тый мыйын илышем лий.

Кумылым савырыше Иисус, Шке судыштет мыйым лыпландаре да вожылмашыш ит пурто.

Юмын Эргыже Иисус, мыйым серлаге.

6-шо кондак

Уло сандалыкыш шыңгыдыме Иисус, Юмын шүлышан тунуктышо-влакын ончык ужын каласымышт семынак,

Тый мландымбаке толынат да ең-влак дене пырля иленат,
мемнан орлыкнам Шке үмбакет налынат. Тыйын сусырет
дене паремын, ме мураш тунемынна: Аллилуиа.

6-шо икос

Тыйын чынетын волгыдыжо тўнялан волгалтын, да ди-
аволын ондалымыже шаланен. Утарыше Христос, Тыйын
куатетым чытен кертде, идол-влак шаланен йөрлыныт. А
ме, утарымашым налын, Тыланет мурена:

Ондалымашым поктен колтышо чынлык Иисус, чыла
волгыдо дечат волгыдо.

Куатет дене чылаштым сенгыше Кугыжа, Иисус, чама-
нымаш дене темше Юмо.

Илышын Киндыже, мыйым, шужышым, теме, Иисус,
уш-акылын памашыже, мыйым, йүмө шушым, йүктө.

Йывыртымаш вургем, мыйым, чара кодшым, чикте,
Иисус, куанле леведыш, мыйым, йөрдымым, левед.

Ятыр сулыкем верч шорташ мыланем шинчавўдым пу,
йодшылан чаманыде пуышо Иисус, кычалше-шамычын
мумашышт, мыйын чонемым кычал му.

Мыйын пиалдыме шўмемым поч, тўкалыше-влаклан
омсам почшо Иисус, сулыкан-шамычым сулен налше,
мыйын закондымын ыштыме шуко пашам эрыкте.

Юмын Эргыже Иисус, мыйым серлаге.

7-ше кондак

Курым годсек шылтыме тайным почаш шонен, Тый
Шкендым шўшкылшаш шорык гай нангаяш пуэнат да
меж тўредше-шамыч ончылно йўкым пуыдымо пача

гай лийынат. Юмо улмет дене колымаш гыч ылыж кыNELын, пылпомышыш чап дене нөлталтынат, Шке пеленет мемнамат нөлталынат, кө Тыланет мура: Аллилуиа.

7-ше икос

Пүрышө мемнан деке толын да лийын кертдымым ончыктен: Тудо Яндар Ёдыр деч шочын, печатьым пудыртыде, шугар гыч ылыж кыNELын, петырыме омса гыч апостол-шамыч деке кап денак пурен, сандене öрын мурина:

Умылен керташ лийдыме Шомак, Иисус, шинча дене ужаш лийдыме.

Пален кертдыме куат, Иисус, умылен шукташ лийдыме кугу уш-акыл.

Ончыктен мошташ лийдыме Юмо, Иисус, шотлен пытарыдыме Господство.

Сенгалтдыме Кугыжаныш, Иисус, мучашдыме Оза.

Күкшө куат, Иисус, курымашлык кучем.

Пүрышем, чамане мыйым, Иисус, Утарышем, утаре мыйым. Юмын Эргыже Иисус, мыйым серлаге.

8-ше кондак

Капан айдеме лийше Юмым ужын, ме öрына да тўнян арам пашаже деч коранына, ушнам Юмын күштымашке савырена, вет мемнам пылпомышко нөлталшаш верч Юмо мландымбаке толын, да Тудлан мурина: Аллилуиа.

8-ше икос

Висен керташ лийдыме Юмо мландымбалне улмыж годымат пылпомышым коден огыл, шке кумылын мемнан верч орланен, Шкенжын колымыж дене мемнан колы-машнам пытарен да ылыж кынелмыж дене илышым пуэн тыге мурышо-влаклан:

Шүмемын шерыже, Иисус, капкылемын пенгыды-лыкше.

Чонемын волгыдыжо, Иисус, уш-акылемын пүсы-лыкшө.

Кöргö шонымашемын куанже, Иисус, мыйын пенгыде ўшанем.

Курым-курымаш шарнымаш, Иисус, чот моктымаш.

Кугун чапландарымашем, Иисус, чон шонимем, мый-ым ит шүкал.

Мыйын күтүчем, мыйым кычал му, Иисус, Утарышем, мыйым утаре. Юмын Эргыже Иисус, мыйым серлаге.

9-ше кондак

Иисус, пылпомышто уло суксо тўня Тыйын эн святой лўметым «Святой, Святой, Святой улат» манын, чарныде мокта. Ме, сулыкан-шамыч, йöрдымö умшана дене млан-дымбалне мурена: Аллилуиа.

9-ше икос

Утарыше Иисус, мастарын ойлен моштышо-влакат Тыйын ончылнет йылмыдыме кол гай лийыт да умылта-рен огыт керт, кузе Тый вашталт кертдыме Юмо да чын-

жымак айдеме улат. Меат, тиде тайнылан öрын, ўшан дене мурена:

Курым деч ончыч улшо Юмо, Иисус, кугыжа-влакын Кугыжашт.

Вуйлатыше-шамычым вуйлатыше Иисус, илыше да колышо-влакын Судияшт.

Ўшаным йомдарыше-влакын ўшанышт, Иисус, шинчавүдым йоктарыше-влакын лыпланымышт.

Йорло-влакын моктымашышт, Иисус, пашам-шамыч семын мыйым ит судитле.

Шке чаманымашет дене мыйым эрыкте, Иисус, да мый дечем шўлыкым поктен колто.

Шўм-чонемын шижмашыжым волгалтаре, Иисус, колышаш айдеме улмем нерген шарнымашым пу.

Юмын Эргыже Иисус, мыйым серлаге.

10-шо кондак

Тый, эрвелне нöлталтше Кече, тўням утараш шонен, айдеме-шамычын пычкемыш касвелышкыже воленат да Шкендым колымаш марте ўнгышемденат. Тыйын лўмет чыла лўм дечат кўшкö нöлталтын, пылпомышысо да мландымбалысе чыла тукум дечат Тый колат: Аллилуиа.

10-шо икос

Курым деч ончыч улшо Кугыжа, Лыпландарыше чын Христос, проказе черан лу еным эрыктымет семын мемнамат чыла осал деч эрыкте, йозак погышо Закхейын оксам йöратыше чонжым паремдымет гай мемнамат паремде, тунам ме Тыланет уло кумылын мурена:

Локтылалт кертдыме поянлык, Иисус, пытыдыме поянлык.

Пенгыдылыкым пуышо кочкыш, Иисус, йўын пытарыдыме йўыш.

Күчызө-влакын чийышаш вургемышт, Иисус, тулык ўдырамаш-шамыч верч шогышо.

Тулык йоча-шамычым аралыше Иисус, пашаеншамычлан полшышо.

Күчен коштшо-влаклан корным ончыктышо Иисус, тенызыште улшо-влакым виктарыше.

Тўтаныш логалше-влаклан ўшык вер, Иисус Юмо, мыйым, камвочшым, кынелте.

Юмын Эргыже Иисус, мыйым серлаге.

11-ше кондак

Тыланет мый, йөрдымө, кумыл йывыртен шортмо мурым кондем да хананей ўдырамаш гай сөрвалем: «Иисус, мыйым серлаге». Вет ўдырем огыл, а шкеже яжар кумыл шупшмаш дене авалтше капан улам, Тый мыйым чаманен паремде, да Тыланет мурем: Аллилуиа.

11-ше икос

Палыдымаш пычкемыште улшо-влаклан волгыдым пуышо Волгыдо, ончыч Тыйым поктылшо Павел Юмын уш-акылжын куатле йўкшым умылен да шўмчонжо дене писын вашталтын. Мыйынат чонемын пычкемышалтше шинчажым волгалтаре, да Тыланет мурем:

Мыйын эн пенгыде Кугыжам, Иисус, эн виян Юмем.

Нигунамат колыдымо Господем, Иисус, чот моктымо Пүрышем.

Эн поро Туныктышем, Иисус, чаманыде пуышо Күтүчем.

Чот чаманен Кучен Ашныше Иисус, пеш поро шүман Утарышем.

Уда кумыл шупшмаш дене пычкемышалтше чыла шижмашем волгалтаре, Иисус, сулыкын сусыржо дене леведалтше капем паремде.

Ушемым арам шонымаш деч эрыкте, Иисус, шүмемым уда кумыл шупшмаш деч арале.

Юмын Эргыже Иисус, мыйым серлаге.

12-шо кондак

Күсыным пörтылташ йоддымо Иисус, сулык касарыметын порылыкшым мыланем пу. Тый дечет коранше Петырым пуртымет гай мыйымат, сулыкем верч öкынышым, Шке декет пурто. Ожно Тыйым поктылшо Павылым үжмет семын мыйым, шонен моштыдымым, Шке декет үж, да Тыланет мурымем кол: Аллилуиа.

12-шо икос

Тыйын айдеме капан лийметым моктен мурена. Ачат дене пырля шинчыше Господь Юмо улат да илыше ден колышо-шамычым судитлаш толат манын, Фома дене пырля чыланат үшанена. Тунам мыйымат пурла вельшкет шогалаш йöрышым ыште, да Тыланет мурем:

Курым деч ончыч улшо Кугыжа, мыйым серлаге, Иисус, тамле пушан пеледыш, мыйымат тамле пуш дене теме.

Йөратыме шокшо, мыйым ырыкте, Иисус, курым деч ончыч улшо храм, мыйымат левед.

Волгыдо вургем, мыйым сылнештаре, Иисус, сылне шер, мыйымат сöraстаре.

Шергакан кү, мыйым саемде, Иисус, чынын кечыже, мыйым волгалтаре.

Святой волгыдо, мыйым волгалтаре, Иисус, чон ден капын чыла черже деч мыйым паремде.

Тушманын кидше гыч мыйым коранде, Иисус, йöрыдымö тул деч, курымашлык орлык деч мыйым утаре.

Юмын Эргыже Иисус, мыйым серлаге.

13-шо кондак

О чот шере да чот чаманыше Иисус! Тулык үдырама-шын нужна надыржым налмет семын мемнанат тиде кумалмынам нал да Шке айдемет-шамычым ужмо да уждымо чыла тушман деч, йот калыкын керылт пурымыжо, чер да шужымаш деч, түрлө ойго да колымашым кондышо аяр да ончыкыжым лийшаш орлык деч арале, кө Тыланет мура: Аллилуиа.

(Тиде кондак кум гана лудалтеш, вара эше 1-ше икос ден 1-ше кондак да молитва лудалтеш)

1-ше икос

Суксо-влакым Пүрышö да пылпомышысо Куат-влакын Господышо, Тыйын эн яндар лүметым мокташ мыйын лушкыдо ушемым поч да йылмем рудо, вет Тый ожно ойлен кертдыме сонгыра енын ушыжым почынат, йылмыжым руденат, да тудо тыге ойлен:

Суксо-влакым öрыктарыше пеш сылне Иисус, кугезына-влакым утарыше кугу виян.

Патриарх-влакын моктымо пеш шере Иисус, кугыжашамычым пенгыдемдыше чот чапле.

Пророк-влакын ойлымштым шуктышо эн йöратыме Иисус, орланыше-влакым пенгыдемдыше, чот öрыктарыше.

Монах-влакым куандарыше пеш шыма Иисус, священник-шамычым йывыртыктыше, чот чаманыше.

Пүтым кучышо-влаклан полшышо поро шүман Иисус, Юмылан йöрышö-влакым куандарыше, пеш шере.

Нарашта ўдыр ден рвезе-влакым перегыше чот жаплыме Иисус, сулыкан-шамычым утарыше да курымашлык.

Юмын Эргыже Иисус, мыйым серлаге.

1-ше кондак

Тамыкым сенгыше, лүддымö аралыше Воевода да Господь, мый, Тыйын ыштыме енет да кулет, курымашлык колымаш деч утлен, Тыланет моктымо мурым мурем. Пеш чот чаманыше улмет дене чыла ойго гыч мыйым утаре, да Тыланет мурем:

Юмын Эргыже Иисус, мыйым серлаге.

Молитва

Мыйын Иисус Христос Юмем, Кучен Ашныше Господь, айдемым каласен мошташ лийдымын йöратыметлан көра курым мучаште Яндар ўдыр Мария деч капан лийынат. Кучен Ашныше Юмо, мый, Тыйын кулет, мыйымат утарышаш верч Тыйын ончылгоч шонен ямдылыметым моктем. Тыланет көра Тыйын Ачатым палыдемлан

Тыйым моктен мурем. Ачатлан көра тўняшке Святой Шўлыш толмылан Тыланет таум каласем. Капет дене Тыланет Эн Яндар Ава лийше да тыгай лўдыкшө кугу тайнылан служитлыше Мариялан сукен кумалам. Тыйын ончылнет шогышо, Тыйым моктен мурышо да Тыйын куатетлан служитлыше суксо-шамычым моктем. Господь, Тый дечет ончыч толшо да Тыйым тынеш пуртышо Иоаннлан порым каласем. Тыйын толшашет нерген ончыч увертарыше пророк-влакым пагалем, святой апостол-шамычым чапландарем, орланыше-шамычын сенгымашышт нерген йывыртен увертарем, Тыланет служитлыше священник-шамычым моктем, Юмылан йөрышө-влаклан сукен кумалам да чын илыше чыла еным чапландарем. Чот поро Юмо, Тыланет кумалмем годым мый, Тыйын кулет, Юмын ойырен налме да каласен мошташ лийдымын шуко святой енетым ўжам. Нунын сөрвалымышт дене, а эн чотшо Шкендын святой порылыкет дене мыйын чыла сулыкем проститле, вет Тый курым-курымеш моктымо улат. Аминь.





ЮМЫМ ШОЧЫКТЫШО ЭН СВЯТОЙ АВАЛАН АКАФИСТ

1-ше кондак

Юмым Шочыктышо Ёдыр, Тылат, чылам сенгыше Воеводалан, мемнам шыгыр гыч утарыметлан ме, Тыйын йордымө кулет-шамыч, таум ыштена да, Тыйым моктен, Сенгымаш мурым мурена. Тый сенгыдыме виет дене мемнам керек-могай ойго гычын утаре. Меат Тыланет тыге каласена: о Поро Яндар Ёдыр, йывырте.

1-ше икос

Юмым Шочыктышо Ёдырлан «Йывырте» манаш Пыл-помыш гыч вуйлатыше Суксо колтымо лийын. Ойлымыж годым тудо Господын капан лиймыжым ужын, лүдын шоген да Тудын Аважлан тыге увертарен:

Куан дене чылаштым волгалтарыше, йывырте; сулык верч лийше каргымашым пытарыше, йывырте.

Камвочшо Адамым нөлталше, йывырте; Еван шинчавүдшым үштылшө, йывырте.

Айдеме уш дене умылен мошташ лийдыме күкшыт, йывырте; Суксо-влакланат ужын мошташ лийдыме келгыт, йывырте.

Кугыжан престолжо, йывырте; Чылаштым Нумалшым Шкеак нумалше, йывырте.

Кече лекме деч ончыч волгалтарыше шүдыр, йывырте;
Юмылан капым пуышо көргө, йывырте.

Пүрымө-влакым чылаштым уэмдыше, йывырте; Пү-
рышылан Тыйын гоч кумалмылан йывырте.

О Поро Яндар Ёдыр, йывырте.

2-шо кондак

Святой Ёдыр, Шкенжын яндар улмыжым пален, Гав-
рииллан лүдде каласен: тыйын мутет чонем öрыктара.
Урлык деч посна иланыме нерген кузе ойлет да манат:
Аллилуиа.

2-шо икос

Уш дене умылен керташ лийдымым палаш шонен, Сук-
со деч Ёдыр йодын: яндар көргө гыч кузе Эрге шочеш, ка-
ласе мыланем? Суксо Тудлан лүдын вашештен:

Юмын каласаш лийдыме тайныжлан ойырен налме
Ёдыр, йывырте; үшанымаш дене ыштышашын шыплык-
ше, йывырте.

Христосын чудыжо-влакын тўналтышыже, йывырте;
Тудын шүдымашыже-влакын негызше, йывырте.

Пылпомыш гыч Юмын волымо тошкалтыш, йывырте;
мландымбалне улшо-влакым кавашке вончыктарыше кү-
вар, йывырте.

Суксо-влакын чот моктымо чудыжо, йывырте; ия-ша-
мычын чот шортын сеналтмышт, йывырте.

Умылаш лийдымын Волгыдым шочыктышо, йывыр-
те; тидын кузе лиймыж нерген нигöлан почдымо, йы-
вырте.

Кугу уш-акылан-шамыч деч кугурак ушан, йывырте;
үшаныше-влакын шонымашыштым волгалтарыше, йы-
вырте. О Поро Яндар Ёдыр, йывырте.

3-шо кондак

Йочам иландарышаш верч Күшылсө Юмын куатше Ян-
дар Ёдырым леведын. Утарымашым вучышо чыла енлан
Тудын көргыжө поро саскам куштышаш үян мланде гай
лийын, да эре муреныт: Аллилуиа!

3-шо икос

Көргышкыжө Юмым налше Ёдыр тунам Елисавет-
та деке каен; Тудын саламлымыжым колын, Елисаветан
мүшкырыштыжө йочаже йывыртен тарванен да Юмым
Шочыктышылан мурен ойлен:

Лывыжгыдыме кушкылын укшыжо, йывырте; колыды-
мо Саскам погымаш, йывырте.

Айдемым йөратыше Пүрышым ончен куштышо, йы-
вырте; мыланна илышым Пуышым шочыктышо, йывырте.

Порылыкын поян шурныжым куштышо пасу, йывырте;
шуко чаманымашым пуышо кочкиш, йывырте.

Райысе сылне олыклан пеледалташ пуышо, йывырте;
чонлан миен пураш верым ямдылыше, йывырте.

Кумалмынан нөлталтше тамле пушыжо, йывырте; уло
түнян эрыкталтмашыже, йывырте.

Колышаш ен-влаклан Юмын пуымо порылык, йывыр-
те; нунын верч Юмо деч лүдде йодын шогышо, йывырте.
О Поро Яндар Ёдыр, йывырте.

4-ше кондак

Поро Яндар Ёдыр, Тыйын пөръен деч посна нелемметым ужын, яндарын илыше Иосифат öрын, вуйыштыжо тёрлö шонымаш пёрдын. Тыйын көргыштет илышым налшыже Святой Шүлыш деч улмым пален налмекыже, тудо манын: Аллилуиа.

4-ше икос

Христосын кап дене толмыжым моктышо Суксо-влакым күтүчö-шамыч колыныт да, Поро Күтүчö деке мийыме семын, Тудын деке миеныт. Тудым Мариян шүм көргыштыжö куштымо яндар Пача гайым ужын, Мариям моктен муреныт:

Юмын Пачан да Поро Күтүчын Аваже, йывырте; ойлен моштышо шорык-влакын илыме верышт, йывырте.

Ужаш лийдыме тушман-шамыч деч аралыше, йывырте; райысе капкам почшо, йывырте.

Пылпомышын мланде верч куанымыжлан йывырте; мландын пылпомыш верч куанымыжлан йывырте.

Апостол-влакын лым лийдыме шомакышт, йывырте; орланыше-влакын сенгаш лийдыме лүддымылыкышт, йывырте.

Ёшанымашын пенгыде негызше, йывырте; Юмын порылыкшым волгыдын палдарыше, йывырте.

Тамыкым чараш кодышо, йывырте; Тылат верч чап дене леведалтмыланна йывырте.

О Поро Яндар Ёдыр, йывырте.

5-ше кондак

Юмын вүдымө шүдырын волгыдыжо почеш ушан ең-влак Кугу Кугыжам кычал каеныт. Лишкыже мияш лийдыме деке миеныт да Тудлан куанен муреныт: Ал-лилуиа!

5-ше икос

Шке кидше дене ең-влакым Ыштышым халдей эрге-влак Яндар Ёдырын кидыштыже ужыныт да Тудын Кучен Ашныше Юмо улмыжым паленыт. Кулын тўсшым налын гынат, пагалымашым ончыктен, Тудлан пөлекым пуаш вашкеныт, а порылан ойырен налме Ёдырлан муреныт:

Эре йўлышө шүдырын Аваже, йывырте; öрыктарыше кечын ўжараже, йывырте.

Ондалымашын конгажым йөртышө, йывырте; Троицын тайныжым волгалтарыше, йывырте.

Ең-влакым орландарыше осал вуйлатышым сўмырал шуышо, йывырте; айдемым йөратыше Кучен Ашныше Христосым ончыктышо, йывырте.

Чын Юмым палыдыме-влакын илыш-йўлашт деч утарыше, йывырте; чоным лавыртыше паша деч корандыше, йывырте.

Туллан кумалмым чарыше, йывырте; алгаштарымашын тулжо деч утарыше, йывырте.

Ўшанле-влакым яндар уш-акыл дене илаш туныктышо, йывырте; чыла тукум-влакын куанышт, йывырте.

О Поро Яндар Ёдыр, йывырте.

6-шо кондак

Ушан ең-влак Юмо нерген умылтарен туныктышо лийыныт да Вавилоныш пörтылыныт. Тыйын нерген ожно каласымым шуктен, Тыйын Христос улметым увертареныт, а ондалаш шонышо Иродым коден каеныт, вет тудо мурен ок мошто: Аллилуия.

6-шо икос

Утарыше Юмо, Тый ондалыше пычкемышым поктен колтенат да чынын волгыдыжо дене Египетым волгалтаренат. Тудын шояк юмыжо-шамыч Тыйын виетым чытен кертын огытыл да шаланен йörлыныт. Нунын деч утаралтше ең-влак Юмын Авалан муреныт:

Ең-влакым порын уэмдыше, йывырте; ия-шамычым сүмырал шуышо, йывырте.

Ондалымашын вийжым пытарыше, йывырте; идол-влакын шояштым почын ончыктышо, йывырте.

Капдыме фараоным вүд пундашке колтышо теныз, йывырте; ылышым йүмө шумо гае кычалше-влакым йүктышö кү курык, йывырте.

Пычкемыште улшо-влакым вүден нангайыше тул менге, йывырте; тўнялан пыл дечат кумда леведыш, йывырте.

Юмын пуымо шүрашым алмаштыше кочкиш, йывырте; святой куаным кондышо, йывырте.

Юмын пуаш сöрымö мланде, йывырте; мүй ден шөр йогыман вер, йывырте. О Поро Яндар Ёдыр, йывырте.

7-ше кондак

Тиде ондалыше курымым коден каяш жап шумо годым Симеонлан Тый Аза семын пуымо лийынат. Юмо улметым пален да каласен мошташ лийдыме кугу уш-акылетлан öрын, тудо мурен: Аллилуия.

7-ше икос

Пүрышö Юмо нöшмö деч посна Яндар Ёдырын көргыж гыч шытен лектын, Тудым ончычсо гаяк нараштамак коден да Шке пүрымыжö-влак деке толын, тыге мыланна лийын кертдымым ончыктен. Тиде чудым ужын, ме Яндар Ёдырым моктен мурена:

Лывыжгыдыме пеледыш, йывырте; шкем пенгыдын кучымашын вуйшүдышыжö, йывырте.

Ылыж кынелмашым волгалтарыше, йывырте; суксо-влакын илышыштым ончыктышо, йывырте.

Ёшанле-влаклан кочкаш сылне саскам куштышо пушенге, йывырте; шуко еным левед аралыше ладыра пушенге, йывырте.

Пленьеште улшо-влакым Сулен налшым Шке көргыштет нумалше, йывырте; йомшо-влакым Вүден лукшым шочыктышо, йывырте.

Поро Судьям сөрвален кертше, йывырте; шуко сулыкнам кудалтыше, йывырте.

Тептер деч посна кодшо-влаклан лүддымылык вургем, йывырте; чыла кумыл шупшмашым сенгыше йöратымаш, йывырте. О Поро Яндар Ёдыр, йывырте.

8 ше кондак

Юмын öрыктарышын шочмыжым ужын, тиде тўнясе нерген шонымо деч корангына, ушнам пылпомыш вельш савыралына. Вет Кўшылсö Юмо тидланак мемнан деке ўнгышö айдеме семын толын да кўшкö нöлталаш шонен нуным, кө Тудлан мура: Аллилуиа.

8-ше икос

Каласен мошташ лийдыме Шомак мландымбаке волен, но пылпомыш деч ойырлен огыл, вет тиде верым ваштал-тымаш огыл, а Юмын волымыжо да Яндар Ёдыр деч шочмыжо лийын. Юмым көргышкыжö налше Ёдыр тыгай мурым колеш:

Чыла вере улшо Юмын илыме верже, йывырте; святой таинствын омсаже, йывырте.

Чын Юмым палыдыме-влаклан ўшанаш лийдыме увер, йывырте; ўшаныше-влаклан ўшанен моктымаш, йывырте.

Херувим-влак ўмбалне Шинчышын святой ораваже, йывырте; Серафим-влак ўмбалне Шинчышын сылне илыме верже, йывырте.

Ваштареш шогышо-влакым иктыш ушышо, йывырте; ўдыр нарашталык ден шочыктымашым ушышо, йывырте.

Юмын шўдымашыжым пудыртымо сулыкым шöрышö, йывырте; райын капкажым угыч почшо, йывырте.

Христос Кугыжанышын срабочшо, йывырте; курымашлык порылыклан ўшан, йывырте.

О Поро Яндар Ёдыр, йывырте.

9-ше кондак

Айдеме капым налметым ужын, уло Суксо түня öрын:
вет лишкат мяшш лийдыме Юмо чылалан лишемаш
йöрышö айдеме лийын, мемнан пелен ила да чылашт деч
колеш: Аллилуиа.

9-ше икос

Юмым Шочыктышо Ёдыр, чаплын мутланен мош-
тышо-влакат Тыйын ончылнет ойлен кертдыме кол гае
лийыт: вет нуно Тыйын йочам ыштыметым да Ёдырак
кодметым умылтарен огыт керт. А ме, тиде тайнылан ку-
анен, үшанен мурена:

Юмын кугу уш-акылжым шынгарыше, йывырте; Ту-
дын шонен пыштымыжым аралыме поянлык, йывырте.

Шкеныштым ушанлан шотлышо-влакын шонен мош-
тыдымыштым ончыктышо, йывырте; чоян мутланыше-
влакын шояштым почшо, йывырте.

Осалланен үчашыше-влакын сеналтмыштлан йывыр-
те; шояжым шонен лукшо-влакын лунчыргымыштлан йы-
вырте.

Афинысе шоя туныктышо-влакын чоялыкыштым се-
ныше, йывырте; колызо-влакын вапшыштым кол дене те-
мыше, йывырте.

Ен-влакым палыдымашын келгытше гыч лукшо, йы-
вырте; шукыштым шинчымаш дене сотемдарыше, йы-
вырте.

Утаралташ шонышо-влаклан ямдылыме корабль, йы-
вырте; илыш тенызыште улшо-влаклан үшанле сер, йы-
вырте. О Поро Яндар Ёдыр, йывырте.

10-шо кондак

Чылам Пүрышö Юмо тышке Шке сöрымыжö семын тўням утараш толын. Тиде Күтүчö, Юмо улмо үмбач, мыланна верч мемнан гаяк айдеме лийын да Шкеж гай-влакым Шкеж деке үжын, Юмо улмыжлан көра Тудо колеш: Аллилуиа.

10-шо икос

Юмым Шочыктышо Ёдыр, Тый декет йодын толшо чыла енлан да ёдыр-влаклан Тый аралыше пырдыж улат. Кавам да мландым Ыштыше Юмо Тыйын көргешет веранмыже дене Тыйым нёлтен да чылаштымат Тыланет мураш туныктен:

Ёдыр-влакын пенгыде негызше, йывырте; утарымашын капкаже, йывырте.

Шүм-чон уэмдымашым вуйлатыше, йывырте; Юмын порылыкшым пуышо, йывырте.

Языкеш иландарыме-шамычым уэмдыметлан йывырте; ушыштым йомдарыше-влакым туныктыметлан йывырте.

Осал шонымашым пуышым сүмырал шуыметлан йывырте; яндарлыкым Ёдышым шочыктыметлан йывырте.

Яндар ушнымашын полатше, йывырте; үшаныше-влакым Господь дене ушышо, йывырте.

Ёдыр-влакын поро туныктышышт, йывырте; святой чон-влаклан волгыдо вургемым чиктыше, йывырте.

О Поро Яндар Ёдыр, йывырте.

11-ше кондак

Святой Кугыжа, Тыйын ыштыме порылькет наре мурым кондаш тыршена гынат, тўрыс моктен она керт. Тыйын чыла пуымет верч ме Тыланет тенгыз ошма наре мурым кондена гынат, таум ыштен она ситаре, но мурена: Аллилуиа.

11-ше икос

Святой Ёдырым ме пычкемыште улшо-влаклан пуымо волгыдо сорта семын ужына. Тудо шинча дене ужаш лийдыме тулым чўкта, ушнам ёжара гай волгалтара да мемнам Юмым палымашке вўда, сандене Тудым тыге моктена:

Шўм-чоным волгалтарыше Кече, йывырте; петырналтдыме Волгыдын сылнылыкше, йывырте.

Чоным волгалтарыше волгенче, йывырте; тушман-шамычим кўдырчў гай лўдыктышў, йывырте.

Ёжара гай волгыдым шарыше, йывырте; кугу вўдан энгерым пуышо, йывырте.

Тынеш пурымашын сылне тўсшў, йывырте; сулыкын лавыражым эрыктыше, йывырте.

Шўм-чоным мушмо памаш, йывырте; куаным кошталме ате, йывырте.

Христосын тамле пушыжын шарлымыже, йывырте; ёрыктарыше пайремлымашын илышыже, йывырте.

О Поро Яндар Ёдыр, йывырте.

12-шо кондак

Чыла сулыкым Касарыше Юмо ен-влакын акрет годсо сулыкыштым касараш шонен да Тудын порылыкшо деч

коранше-шамыч деке Шке толын, сулыкыштым возымо лаштыкым кушкедын да чылашт деч кызыт колеш: Аллилуия.

12-шо икос

Юмым Шочыктышо Ёдыр, Христосым шочыктыметлан көра ме Тыйым чонан черке семын моктена, вет Шке кидше дене чыла кучышо Господь Тыйын көргешет верангын, Тыйым святитлен, чапландарен да Тыланет тыге мураш туныктен:

Юмын да Шомакын илыме верже, йывырте; Эн Святой вер дечат кугу улшо, йывырте.

Юмын Шүлыш дене шөртняндыме ате, йывырте; илышын пытыдыме поянлыкше, йывырте.

Поро кугыжа-влакын шергакан венецышт, йывырте; алал чон дене кумалше иерей-влакын пагален моктымашышт, йывырте.

Черкын тарваташ лийдыме пенгыдылыкше, йывырте; Кугыжанышын сенаш лийдыме пырдыжше, йывырте.

Сенымашым пуышо, йывырте; тушман-шамычым сүмырал шуышо, йывырте.

Мыйын капемым паремдыше, йывырте; мыйын чонемым утарыше, йывырте. О Поро Яндар Ёдыр, йывырте.

13-шо кондак

О чыла святой дечат Святойрак Шомакым шочыктышо чыла моктымо Ава, Тыланет кондымо моктымашнам йөратен нал, чыла ойго гыч мемнам утаре да ончы-

кылык орлык деч сулен нал Тыланет мурышо-влакым:
Аллилуиа.

*(Тиде кондак кум гана лудалтеш, вара эше 1-ше
икос ден 1-ше кондак да молитва лудалтеш)*

1-ше икос

Юмым Шочыктышо Ёдырлан «Йывырте» манаш Пыл-
помыш гыч вуйлатыше Суксо колтымо лийын. Ойлымыж
годым тудо Господын капан лиймыжым ужын, лудын
шоген да Тудын Аважлан тыге увертарен:

Куан дене чылаштым волгалтарыше, йывырте; сулык
верч лийше каргымашым пытарыше, йывырте.

Камвочшо Адамым нөлталше, йывырте; Еван шин-
чавудшым үштылшө, йывырте.

Айдеме уш дене умылен мошташ лийдыме күкшыт,
йывырте; Суксо-влакланат ужын мошташ лийдыме кел-
гыт, йывырте.

Кугыжан престолжо, йывырте; Чылаштым Нумалшым
Шкеак нумалше, йывырте.

Кече лекме деч ончыч волгалтарыше шудыр, йывырте;
Юмылан капым пуышо көргө, йывырте.

Пүрымө-влакым чылаштым уэмдыше, йывырте; Пү-
рышылан Тыйын гоч кумалмылан йывырте. О Поро Ян-
дар Ёдыр, йывырте.

1-ше кондак

Юмым Шочыктышо Ёдыр, Тылат, чылам сенгыше Во-
еводылан, мемнам шыгыр гыч утарыметлан ме, Тыйын
йордымө кулет-шамыч, таум ыштена да Тыйым моктен,

Сенгымаш мурым мурена. Тый сеныдыме виет дене мем-
нам керек-могай ойго гычын утаре. Меат Тыланет тыге
каласена: о Поро Яндар Ёдыр, йывырте.

Молитва (Царице моя преблагая)

Эн поро мыйын Царицем! Юмым Шочыктышо мыйын
Ёшанем, тулык-влак верч Тургыжланыше да нужна-вла-
кын Аралтышыже, ойган-влакын Куанышт, ёпкелыше-
влакын Леведышышт! Уж мыйын энгекем, уж мый-
ын ойгем, полшо мыланем, вийдымылан, ашне мыйым
корныштем. Мыйын ёпкем палет, шке семынет тудым
тёрлө, Тый дечет посна вес полшышем уке, ни вес арал-
тышем, ни поро лыпландарышем, Тый веле, о Юмын
Аваже, кузе-гынат арале мыйым да переге курым-куры-
меш. Аминь.





СВЯТИТЕЛЬ НИКОЛАЙ АЧАЛАН АКАФИСТ

1-ше кондак

Мемнам аралыше чудотворец, Христослан служитлаш ойырен налме ең, тый чаманымашын тамле пушан шергакан үйжым уло тўнялан пуэт, тенгыз вўд наре шуко чудым ыштет. Святитель Николай ачана, тыйым йөрәтен моктем. Господь деч йодаш тоштмет дене мыйым чыла ойго деч утаре, да тыланет мурем: Чудым ыштыше Николай ачана, куане.

1-ше икос

Чыла чонаным пўрышө Юмо тыйым тўсет дене суксо гайым, а капкылет дене айдемым ыштен. Поро пиалан Николай ачана! Чонетын шуко саскам кондышо моторлыкшым ончылгоч ужын, Юмо чылаштым тыге мураш туныктен:

Аватын көргыж гычак яндар улшо, куане; мучаш марте святитлыме, куане.

Шке шочмет дене ача-аватым өрыктарыше, куане; шочмет деч вара вигак шўм-чон куатым ончыктышо, куане.

Сөрымө мландын кушкылжо, куане; Юмын шындыме садын пеледышыже, куане.

Христосын виноград вондержын поро укшыжо, куане; Иисусын райжын чудым ыштыше пушенгыже, куане.

Райыште кушшо лилий пеледыш, куане; Христосын тамле пушан миро үйжө, куане.

Мүгырен шортмым поктен колтыметлан куане; йы-выртымашым кондышо улметлан куане.

Чудым ыштыше Николай ачана, куане.

2-шо кондак

Юмын пуымо уш-акылан ачана, тамле пушан үетын ташлымыжым ужын, чон да кап дене волгалтына, илышым пуышо миром шарыше öрыктарыше ең улметым палена. Юмын порылыкшо дене йогышо вүдым йүктымö семын тый ең-влакым чудо дене темет, да нуно Юмылан үшанен мурат: Аллилуиа.

2-шо икос

Святой Троице нерген уш дене умылен керташ лий-дыме туныктымашым умыленат да Никея олаште святой ача-шамыч дене пырля православный вера верч чот шоге-нат. Эрге Юмо ден Ача Юмын иктөржым, чыла курым де-чат ожно ик семын да икгай властьян улмым умылтаренат, а Арийын ушдымылыкшым почын ончыктенат, сандене үшаныше-влак тыланет тыге мураш тунемыныт:

Поро койыш-шоктышын онарле менгыже, куане; үша-ныше-влаклан толын пурышаш ола, куане.

Православный веран үшанле пенгыдылыкше, куане; Эн Святой Троицын шергакан орваже да моктымашыже, куане.

Эрге Юмо ден Ача Юмым иктөр мокташ күлмö нерген умылтарыше, куане; орышо Арийым святой ең-влакын погынышт гыч поктен колтышо, куане.

Ачана-шамычын ачаштын чапланыше моторлыкышт, куане; Юмын пуымо уш-акылан-влакын ушан порылыкышт, куане.

Шүмет гыч тулан мутым луктын кертше, куане; шке күтүэтым сайын туныктен моштышо, куане.

Юмылан үшанымашым пенгыдемдыше, куане; шояк туныктымашым сүмырал шуышо, куане.

Чудым ыштыше Николай ачана, куане.

3-шо кондак

Шүмыштет Юмым нумалше Николай ачана, тый чот орланыше-влакын шинчавүдыштым күшыч пуымо куат дене үштылат, шужышо-влакым пукшет, тенгызыште коштшо-шамычым мастарын вүдет, черле-влакым паремдет да чылаштлан полшет, кө Юмылан мура: Аллилуиа.

3-шо икос

Николай ачана, тыйын святой улметын күкшытшым ен-влак тичмашын каласен огыт керт, сандене тыланет мландымбач огыл, а пылпомыш гыч мураш күлеш ыле. Но ме, тыйын йоратымашет дене темын, тыге мурена:

Күтүчө ден пача-влаклан корным ончыктышо, куане; койыш-шоктышын святой яндарлыкше, куане.

Куатле поро паша-влакын чумыргымо верже, куане; святыннын яндар да шергакан илыме верже, куане.

Чот волгалтарыше да чылаштын йоратыме светильник, куане; шөртнялге үжара гай тичмаш волгыдо, куане.

Суксо-влак дене мутланаш йорышө, куане; ен-влакын поро туныктышышт, куане.

Чын үшанымашын поро туныктымашыже, куане; шүм-чон үнгышылыкын түсшө, куане.

Капкыл алгаштарымаш деч утлаш полшышо, куане; мемнам Юмын куан дене темыше, куане.

Чудым ыштыше Николай ачана, куане.

4-ше кондак

Поро пиалан Николай ачана, тыйын ыштыме чудо-влакетым күлеш семын мокташ шонем, но ушемым өр-маш түтан семын туржеш. Вет чылаж нерген каласкалалаш шонет гын, кеч шуко йылман лият гынат, каласкален ок шукто. Тыйын гоч öрыктарышын мокталтше Юмылан ме мураш тоштына: Аллилуиа.

4-ше икос

Юмын пуымо уш-акылан Николай ачана, лишне да тораште илыше-шамычат тыйын ыштыме чудо-влакет нерген колыныт. Ойгышко логалше ен-шамычлан полшаш тый юж үмбалан, порылыкын куштылго шулдыржо дене, эн ончыч толын шуат да чылаштым вашке утарет, кө тыланет мура:

Шүлык гыч утарыше, куане; Юмын порылыкшым пуышо, куане.

Вучыдымо осалым поктен колтышо, куане; вучымо порылыкым кондышо, куане.

Ойгышто улшо-влакым лыпландарыше, куане; еным шыгыремдыше-шамычлан шыдешкен, үчим шуктышо, куане.

Юмын пуымо чудо-влакын ташлыше энгерже, куане; Христос Юмын возымо законжо, куане.

Камвочшо-влакын ўшанлын нўлталтмышт, куане; чын шогышо-влакын пенгыдылыкышт, куане.

Чыла шоям чарашке лукшо, куане; да уло чынын шукталтмыше, куане.

Чудым ыштыше Николай ачана, куане.

5-ше кондак

Чудым ыштыше святой Николай ачана, тенызыште ойгыш логалше-шамыч деке тый Юмын колтымо шўдыр гай миенат. Сўрвален ўжшў-шамыч деке миен от шу гын, нуно колат ыле, вет тунам ия-шамыч лўдде чонештылыныт да корабльым вўдыш колташ тўченыт. Тый нуным чаренат да поктен колтенат, а ўшанле ен-влакым тыйын гоч утарыше Юмылан мураш туныктенат: Аллилуиа.

5-ше икос

Поро пиалан Николай ачана, йорло улмыштлан кўра намыслын марлан пуаш ямдылыме ўдыр-влак тыйын чот чаманыметым ужыныт: вет йўдым нунын шонго ачаштлан кум кылдыш шўртным шолып пуэнат да уло ешыштым сулыкыш пурымо деч утаренат, сандене кызыт чылашт деч тыгай моктымашым колат:

Кугу чаманымашын шергакан атыже, куане; ен-влак нерген ончылгоч шонен пыштымын шукталтмыше, куане.

Тый декет йодын толшо-влаклан кочкыш да йывыртываш, куане; шужышо-влаклан пытыдыме кинде, куане.

Мландымбалне йорлын илыше-влаклан Юмын пуымо поянлык, куане; незер ен-шамычын вашке нўлталтмышт, куане.

Йорло-влакын йодмыштым вашке колын шуктышо, куане; ойгышто улшо-влак верч порын тыршыше, куане.

Кум үдырым сулыкдымын марлан пуышо, куане; яндарлыкым тыршен аралыше, куане.

Ўшаным йомдарыше-влакын ўшанышт, куане; уло тўнян йывыртымашыже, куане.

Чудым ыштыше Николай ачана, куане.

6-шо кондак

Поро пиалан Николай ачана, ойгышто улмо годым вашке полшымет нерген уло тўня ойла, вет ик жапыштак тый мландымбалне коштшо-влаклан да теньзыште улшо-шамычлан полшаш писын толынат да ойго деч чылаштым аралет, кө Юмылан мура: Аллилуиа.

6-шо икос

Поро күтүчө Николай ачана, амал деч посна пушташ судитлыме воевода-шамычын сөрвалымыштым колынат, нуным колымаш деч утарымет дене илышын волгыдыжо семын волгалтынат. Кугыжалан йүдым омешыже конченат да тудым лүдыктенат, воевода-шамычын илышыштым арален кодаш күштенат. Нунын дене пырля меат тыланет таум ыштен мурена:

Тыйым сөрвален үжшө-шамычлан полшышо, куане; амал деч посна пушташ шонышо-влак деч утарыше, куане.

Шоям ойлышо-шамыч деч аралыше, куане; осал канашым шалатыше, куане.

Чыла шоям энгыремышвот гай ўштылшө, куане; чыным чапландарен нөлтышө, куане.

Титакдыме-шамычым казамат гыч утарыше, куане; ко-
лышо-влакым ылыжтен кынелтыше, куане.

Чыным почын ончыктышо, куане; шоям пытарыше, ку-
ане.

Титакдыме-шамычым керде деч утарыше, куане; тый-
ын гоч волгыдым ужмыштлан куане.

Чудым ыштыше Николай ачана, куане.

7-ше кондак

Николай ачана, тый еретик-шамычын Юмым мыскы-
лыше неле шўлышыштым коранденат, а шкеже чынжы-
мак тамле пушан öрыктарыше миро лийынат: Ликийысе
Миры олан енге-влакым күтен ашненат да порым пуышо
шке үет дене уло тўням теменат. Юмылан йырнык улшо
сулыкын неле шўлышыжым мемнан дечат поктен колто,
да меат Юмылан йöрышын мурена: Аллилуиа.

7-ше икос

Святой Николай ачана, тый утарыше ковчегым виктары-
ше у Ной гай улат: вет ойгын тўтанжым шкеак поктен кол-
тет да Юмын ласкалыкшым нунылан кондет, кө тыге мура:

Тўтаныш логалше-влакын шып верышт, куане; вўдыш
пуренгайыше-влакын ўшанле утарышышт, куане.

Вўдтолкынышто ийын коштшо-влаклан поро виктары-
ше, куане; тенгызысе пуламырым чактарыше, куане.

Тале мардежыш логалше-влак дене пырля кайыше, ку-
ане; кылмен орланыше-шамычым ырыктыше, куане.

Ойган пычкемышым поктен колтышо волгыдо, куане;
мландын чыла тўржым сотемдарыше кече, куане.

Ен-шамычым сулыкын келгытше гыч утарыше, куане;
сатанам тамык пундашыш сўмырал шуышо, куане.

Юмын чаманымашын келгытшым тыйын гоч лүдде
сөрвалымыланна куане; шыдын ташлымыже деч тыйын
полшымет дене утаралтме да Юмо дене тынысым мумы-
лан куане. Чудым ыштыше Николай ачана, куане.

8-ше кондак

Поро пиалан Николай ачана, тый декет толшо-влак-
лан тыйын святой черкет öрыктарыше чудо гай. Юмы-
лан да тыланет ўшанен, тушто изишак веле кумалына
гынат, ме неле чер деч паремына да ўшанен мурена:
Аллилуиа.

8-ше икос

Шүмыштет Юмым нумалше Николай ачана, тый чын-
жымак чылаштлан полшышо улат. Мландымбалне илы-
ше-влакым эрыкыш лукшо, пукшышо да вашке паремды-
ше улат, тый декет толшо-влакым иктыш погет, да нуно
моктен мурат:

Чыла пареммашын негызше, куане; чот орланыше-
влаклан полшышо, куане.

Сулыкын пычкемыштыже йомын коштшо-влаклан
волгыдо ўжара, куане; пашаште пўжалт орланыше-влак-
лан пылпомыш гыч пуымо лупс, куане.

Йорло-влаклан мо күлешым пуышо, куане; йодшо-
влаклан утымеш ямдылыше, куане.

Мемнан йодшашнам ончылгочак палыше, куане; ча-
лемше-шамычын вийыштым уэмдыше, куане.

Төр корно гыч коранше-шамычым шылталыше, куане;
Юмын тайныжлан ўшанлын служитлыше, куане.

Көранымашым тыйын полшымет дене сенгымылан куане;
тыланет көра шке илышнам төр корныш лукмыланна куане.
Чудым ыштыше Николай ачана, куане.

9-ше кондак

Мемнам арален налше Николай ачана, тыйын польше-
тым кычалше-влакын чыла черыштым куштылемде, чо-
ным паремдыше, шүмым йывыртыктыше порылыкым пу,
да нуно Юмылан мурат: Аллилуиа.

9-ше икос

Юмын пуымо уш-акылан Николай ачана, тый маста-
рын ойлен моштышо-шамычым вожылтаренат, Юмын
Кумытло улмыжым ойыраш төчышө Арий ден Святой
Троице нерген умылымашым лугышо Савеллийым чакта-
рен сененат, мемнам чын вераште пенгыдемденат, санде-
не тыланет тыге мурена:

Поро чапым аралыше авыртыш, куане; шотдымылы-
кым пытарыше керде, куане.

Юмын күштымыжым умылтарыше, куане; Юмылан
йырнык туныктымаш-шамычым пытарыше, куане.

Пылпомышыш күзаш мыланна Юмын пуымо тошкал-
тыш, куане; шукыштлан аралалташ Юмын ямдылыме ле-
ведыш, куане.

Ушан огылжымат шке мутет дене ушаным ыштыше,
куане; шке койыш-шоктышет дене його-шамычымат па-
шалан таратыше, куане.

Юмын шүдымашыже-влакын пытыдыме волгыдыжо, куане; Господьын чыныш лукмашыжын волгыдо кечы-йолжо, куане.

Тыйын туныктымашет дене еретик-шамычын вуйышт шаланымылан куане; ўшанле ең-шамычын тыланет көра чапланымыштлан куане.

Чудым ыштыше Николай ачана, куане.

10-шо кондак

Мемнан Николай ачана, чонетым утараш шонен, шүлышетлан эрыкым пуэн, капет ден чонетым сорлыкленат. Мутланыде илыме да уда шонымаш ваштареш кучедалмаштет тый чыла пашатым Юмо нерген шонымаш дене виктаренат. Тидын дене тичмаш уш-акылыш шуынат, сандене Юмо да Суксо-шамыч дене мутланаш тоштынат да эре муренат: Аллилуиа.

10-шо икос

Поро пиалан ачана, чудо-влакетым моктышо да аралтышетым йодшо енлан тый пырдыж улат. Поро пашана шагал гынат, мемнам түрлө йорлылык да зиян деч, чер да ойго деч утаре, вет ме тыланет йөратен мурена:

Курымашлык йорлылык гыч утарыше, куане, курым-курымаш поянлыкым пуышо, куане.

Чыным шужышо гае кычалше-влаклан пытыдыме кочкыш, куане; илышым йүмө шумо гае кычалше-влаклан йўын пытарыдыме вўд, куане.

Түрлө пудыранчык да кредалмаш деч аралыше, куане; казамат да плен гыч утарыше, куане.

Ойгышто улмо годым чапле аралтыш, куане; осал енын кержалтмыж деч ўшанлын пыдал налше, куане.

Шукыштым колымаш деч корандыше, куане; шотлен пытарыдымын шуко еным сусыргыде арален кодышо, куане.

Сулыкан-шамычымат шучко колымаш деч утарен кодыметлан куане; Юмым сөрвалымет дене сулыкыштым касарыктыше ен-шамычым курымашлык илышлан арален кодыметлан куане.

Чудым ыштыше Николай ачана, куане.

11-ше кондак

Поро пиалан Николай ачана, тый Эн Святой Троицылан чылашт деч шуко мурым конденат, шке ушет, мутет да пашат дене тыршен, чын веран законжым тичмашын умылтаренат, да мемнамат Троицыште улшо ик Юмылан ўшанымаш, ўшан да йӱратымаш дене мураш туныктенат: Аллилуиа.

11-ше икос

Юмын ойырен налме Николай ачана, илышын пычкемышыштыже улшо-шамычлан кечыйол гай улметым ужына, вет Троицын эре улшо Волгыдыжо нерген тый ужаш лийдыме волгыдо суксо-влак дене мутланет да ўшанле-шамычын чоныштым сотемдарет, кӱ тыланет мура:

Кум кечан Волгыдын ўжараже, куане; шичдыме Кечын эрденысе шӱдыржӱ, куане.

Юмын тулжо дене чүктымө сорта, куане; ия-шамычын шотдымылык тулыштым йөртыметлан куане.

Чын үшанымашым раш умылтарыметлан куане; Поро Уверын волгыдыжын пеш моторын чолгыжмыжо, куане.

Юмо нерген күлдымаш туныктымашым йүлалтыше волгенче, куане; алгаштарыше-шамычым лүдыктышө күдырчө, куане.

Чын умылымашым туныктышо, куане; умылаш лийдыме ушым рашемдыше, куане.

Пүрымө-шамычлан кумалмашым пытарыше, куане; мемнам Троицыште улшо Пүрышылан кумалаш туныктыметлан куане. Чудым ыштыше Николай ачана, куане.

12-шо кондак

Чот моктымо Николай ачана, тыланет Юмын пуымо порылык нерген пален, куанена, тыйым шарныме кечым күлеш семын пайремлена да тыйын öрыктарыше аралтышет деке уло чон дене толына. Ме тыйын чыла сай пашатым теныз ошма ден кавасе шүдыр гаяк шотлен луктын она керт да, öрмаш дене темын, Юмылан мурена: Аллилуиа.

12-шо икос

Чот моктымо Николай ачана, ыштыме чудо-влакет нерген мурен, тыйым моктена, вет Троицыште чапландарыме Юмо тыйын гоч öрыктарышын чапланен. Чудым ыштыше святойна, ме чон гыч лекше шуко псалом ден

мурым тыланет кондена гынат, тыйын ыштыме порылы-
кетын күкшйтшым түрыс моктен она керт, тидлан öрын,
тыланет мурена:

Кугыжаланыше-влакын Кугыжашт ден озаланыше-вла-
кын Озаштлан служитлыше, куане; Тудын пылпомышысо
куатше-шамыч дене пырля илыше, куане.

Ўшанле ен-влаклан полыш, куане; христиан тукумын
күкшйтшö, куане.

Сенымаш дене ик лүман, куане; сенымаш вуйшүдыш
дене палемдыме ен, куане.

Чыла порылыкын воштончышыжо, куане; тый декет
толшо-влаклан пенгыде пырдыж, куане.

Юмо да Юмын Ава деч вара уло ўшаннам тыланет
пыштымыланна куане; капнан тазалыкше да чоннан ута-
ралтмашыже, куане.

Курымашлык колымаш деч тыйын сөрвалымет дене
утлымыланна куане; мучашдыме илышлан тыйын полшы-
мет дене йöрышö лиймыланна куане.

Чудым ыштыше Николай ачана, куане.

13-шо кондак

Ойгырышо чыла еным лыпландарыше, эн святой, эн
öрыктарыше Николай ачана, тачысе кумалмынам йöра-
тен нал да тамыкысе тул деч мемнам утараш Господьым
Юмылан йöрышö порылыкет дене сөрвале, тый денет
пырля мыланнат мураш лийже ыле: Аллилуиа.

*(Тиде кондак кум гана лудалтеш, вара эше 1-ше
икос ден 1-ше кондак да кок молитва лудалтеш)*

1-ше икос

Чыла чонаным пүрышö Юмо тыйым түсет дене суксо гайым, а капкылет дене айдемьым ыштен. Поро пиалан Николай ачана! Чонетын шуко саскам кондышо моторлыкшым ончылгоч ужын, Юмо чылаштым тыге мураш туныктен:

Аватын көргыж гычак яндар улшо, куане; мучаш марте святитлыме, куане.

Шке шочмет дене ача-аватым öрыктарыше, куане; шочмет деч вара вигак шүм-чон куатым ончыктышо, куане.

Сöрымö мландын кушкылжо, куане; Юмын шындыме садын пеледышыже, куане.

Христосын виноград вондержын поро укшыжо, куане; Иисусын райжын чудым ыштыше пушенгыже, куане.

Райыште кушшо лилий пеледыш, куане; Христосын тамле пушан миро үйжö, куане.

Мүгырен шортмым поктен колтыметлан куане; йы-выртымашым кондышо улметлан куане.

Чудым ыштыше Николай ачана, куане.

1-ше кондак

Мемнам аралыше чудотворец, Христослан служитлаш ойырен налме ең, тый чаманымашын тамле пушан шергакан үйжым уло тўнялан пуэт, тенгыз вўд наре шуко чудым ыштет. Святитель Николай ачана, тыйым йöратен моктем. Господь деч йодаш тоштмет дене мыйым чыла ойго деч утаре, да тыланет мурем: Чудым ыштыше Николай ачана, куане.

1-ше молитва

О пеш святой Николай, Юмылан чот йöрышö, мемнан шокшо аралтышна да чыла ойгышто вашке полшышына! Мылам, сулыканлан да тиде илышыште шүлыканлан, полшо, мыйын чыла сулыкем, кудым самырыкем годым, уло курымем мучко шке пашам, шомакем, ушем да чыла шижмашем дене ыштенам, проститлаш Господь Юмым сөрвале да мыланем, эн сулыканлан, чонем лекме годым полшо. Господь Юмым, чыла чонаным Ыштышым, мыйым южысо мытарстве да курымаш йöсланымаш деч утараш сөрвале, да Ачам, Эргым, Святой Шүлышым да тыйын чаманыше аралтышетым эреак моктем, кызытат, керек-кунамат, курым-курым мучкак. Аминь.

2-шо молитва

О пеш чаманыше мемнан святой Николай ачана! Тыйын чаманен утарыметлан үшанен кумалше да алал кумылын чыла сөрвалыше-шамычлан тый күтүчö гае арален ашныше туныктышо улат; вашке тарванен, Христослан инаныше-шамычым нуным пытарыше пире деч арале; илыме чыла элыштым калык пудыраныме да мланде чытырналтме деч, тушманын пызырен толмо да шке коклаштышт кредалме деч, шужымаш, кугу вүд да тул деч, керде да кенета колымо деч шке святой кумалмет дене арален ашне. Казаматыште шинчыше кум еным чаманен, нуным кугыжан шыдыж дене руалыктен пуштмо деч утарымет гаяк, мемнамат тугак чамане; ме уш, шо-

мак да паша дене, пычкемышыште илыме гае, языкеш
варнен пытенна, Юмын шыдыж деч, курым мучко орлан-
дарыме деч мемнам утаре. Вара тыйын кумал полшымет
дене, Шкенжын чаманыше кумылжо дене, поро куатше
дене Христос Юмо тиде ўмырыштö мыланна ласка да
языкдыме илышым пуа, шола мogyреш шогалме деч ута-
ра, святой-шамыч дене пырля пурла мogyреш шогалаш
йöрышым ышта. Аминь.





СВЯТОЙ ПРИЧАСТИЙЛАН ЯМДЫЛАЛТМЕ РАДАМ

Мемнан святой ачана-шамычын кумалмышт дене, Господь Иисус Христос, мемнан Юмына, мемнам серлаге. Аминь.

Пылпомышысо Кугыжа, Чынлан туныктен йывырткытыше Шүлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, көргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

Святой Юмо, Святой Куатле, Святой Колыдымо, мемнам серлаге. (*Онум ырслен, кум гана кумалына*)

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге. (*3 гана*)

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет

мланде ўмбалнат пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Юмо, серлаге. (*12 гана*)

Толза, мемнан Ашныше Юмылан кумалына. (*Кажне гана, оным ырешлен, кумалына*)

Толза, мемнан Ашныше Христос Юмылан сукен кумалына.

Толза, мемнан Ашныше Христос Юмылан Шкаланжак сукен кумалына.

22-шо псалом

Юмо мыйым күтен ашна, да мыйын нимоланат ситыдымаш ок лий. Мыйым шудо шочман вереш шындыш, тымык вўд лишне мыйым ончен ашныш. Чонемым Шке декыже савырыш, Шке лўмжō верч чын корнышкыжо шогалтыш. Мый колышаш пычкемыш покшеч каем гынат, осал деч ом лўд, вет Тый мый денем улат: Тыйын тоят, Тыйын пондет мыйым лыпландарышт. Тый мыйым поктышо-шамыч ончылно мылам кочкишым ямдылышыч, вуемым ўй дене ўйлышыч, да мыйым йўктышō атет пеш кугу куатан! Да Тыйын порылыкет илыме курымемын чыла кечыштыжат мыйын пеленем. Мыланемже Юмын пōртыш шуко кечылан пурен илаш лийже ыле!

23-шо псалом

Мланде да тудын үмбалне мо уло, сандалык да тушто илыше-шамыч – чылажат Юмын. Юмо тудым тенгызшамыч үмбалаң шыңден да энгер-шамыч үмбалаң ыштен. Юмын курыкышко кө күза, але Тудын святой верышкыже кө шогалеш? Языкдыме кидан да яндар шүман, шке чонжым яра ойлан пуыдымо да шке лишылжылан мыльгыжын товатлыдыме ең. Тудо Господь деч порылыкым да Утарыше Юмо деч серлагышым налеш. Юмым кычалше, Иаковын Юмыжын чурийжым кычалше тукым тыгай. Эй, князь-шамыч, капкадам нөлталза, да курымаш капка-шамыч, нөлталалтса! Да чапын Кугыжаже пура. Чапын Кугыжаже кө? Куатан да виян Юмо, сарыште виян Юмо. Эй, князь-шамыч, капкадам нөлталза, курымаш капка-шамыч, нөлталалтса! Да чапын Кугыжаже пура. Чапын Кугыжаже кө? Куат-шамычын Юмо – Тудо чапын Кугыжаже.

115-ше псалом

Мый инанышым, садлан каласышым: мый пеш үнгышемым. Чот öрын шогыдем годым каласышым: керек-могай енат шояк. Мылам чыла ыштымыжлан Юмылан мый мом пöртылтем? Утаралтмаш чашым налам да Юмын лүмжым сөрвален үжам. Господьлан мыйын сöрымем-шамычым Тудын чыла калыкше ончылно шуктем. Юмылан йöрышö-шамычын колымашышт Юмын ончылно пагалыме. Эй Юмо, мый Тыйын кулет, мый Тыйын кулет да Тыйын кул үдырамашетын эргыже улам. Мыйын шинчырем Тый күрльыч, Моктен кумалмашым Тылат кондем да Тыйын лүметым сөрвален үжам. Господьлан

мыйын сӧрымем-шамычым Тудын чыла калыкше ончыл-но шуктем, Юмын пӧртшын кудывечылаштыже, эй, Иерусалим, тыйын покшелнет.

Тау Ачалан, Эргылан, Святой Шӱлышлан, кызытат, керек-кунамат, курым-курым мучкак. Аминь.

Аллилуиа, аллилуиа, аллилуиа. (*Вуйым савен, кум гана кумалына*)

Тропарь-влак, 8-ше сем

Яндар Ёдыр деч шочшо Господь, мыйын закондымылыкем шотыш ит нал, шӱмем эрыкте да тудым Тыйын эн яндар Капет ден Вӱретлан храмым ыште; висаш лийдымын кугун чаманыше улмет верч мыйым Шке чуриет ончыч ит шӱкал.

Тау: Мый йӧрдымӧ улам да кузе Тыйын святой Пырчесетым подылаш тоштам? Пагалыме ен-влак дене пырля Тый декет лишемам гын, вургемем мыйым намысыш пурта, вет тудо пайрем вургем огыл, да шуко сулыкан чонемлан эшеат удам ыштем. Господь, чонемын йырныкшым эрыкте да Айдемым йӧратыше улметлан кӧра мыйым утаре.

Кызытат: Юмым Шочыктышо Яндар Ёдыр, шотлен пытарыдыме сулыкан улам да, утарымашым кычалын, Тый декет толынам. Икте Порылан пӱралтше, Тый ӱнардыме чонемым чаманен ончал да, ыштыме кугу сулыкем-шамычым проститлыже манын, Шке Эргычым, мемнан Юмынам сӧрвале.

(Святой Кугу нүтө годым:

Христос Юмо, кастене йолым мушмо йүла годым чапле тунемшет-влак сотемдаралтыныт, а оксам йөратымаш дене черланыше Иудан чонжо пычкемышалтын да Тыйым, Чын Судиям, закондымо судия-шамычлан ужален. Ончо, погым погаш йөратыше, вет Иуда тидлан көра пикталтын. Туныктышо ваштареш тыгайым ыштыше темдыме чон деч курж. Чылалан поро Господь, Тылат чап лийже!)

50-ше псалом

Эй Юмо, Шкендын кугу кумылет дене мыйым серлаге да шуко порым шонымет дене осалем дечын мыйым эрыкте. Осалем дечын чарныдеак мушкын, языкем дечын мыйым эрыкте. Вет осалым ыштымем мый шинчем, да мыйын языкем эре ушыштемак коштеш. Тыйын ончылнет языком ыштенам да Тыйын шинчат ончылно осал пашам ыштенам, Тыйын каласымет раш да языкем верчын мыйым судитлымет төрак. Вет авам мыйым языкеш иландарен, да мый шочмем годымак яндар шочын омыл. Тый чон дене көргыштө төр шонымым йөратет: пален шуктыдымо Тыйын законетым мыланем умылтарен туныкто. Тый иссоп вынык дене мыйын үмбакем шыжыкте да мыйым эрыкте, мыйым мушкын, лум дечат чот ошым ыште. Куанышашлык да йывыртышашлык шомакым мыланем колыкто: Тый дечет лүдшө луэм йывыртыкте. Мыйын языкем-шамычым Тыйын шинчат ынже ончал, да чыла осалым ыштымем деч мыйым эрыкте. Эй Юмем, мыйым яндар шүманым ыште да мыйын көргыштем чын шүльшым уэмде. Чурий ончычет мыйым ит кудалте

да мый дечем Святой Шүлышетымат шупшын ит нал. Утаралтшашым да йывыртышашым мыланем пу да Ашныше Шүлышет дене мыйым пенгыдемде. Осалым ыштыше-шамычым Тыйын корнетлан туныктем, да языкан-шамыч Тый декет савырнат. Юмем, вүр йоктарыме орлык дечын мыйым утаре, Утарыше Юмем, мыйын йылмем Тыйын чын оетлан куана. Господь, мыйын умшам почат гын, Тыйын кугу лүметым чапландарем. Надырым налмет шуэш гын, пуэм ыле, но йүлалтен пуымо жертвым Тый от йөрате. Юмылан надыр – ойгырышо шүлыш, ойгырышо да үнгышö шүмым Юмо изиеш ок пыште. Эй Юмо, Шке порылыкет дене Сион калыкклан порым ыште, да Иерусалим олан пырдыжше тек нөлталалтеш. Тунам чынын надыржым, нөлтал пуымым да чыла йүлалтымым йөратен налат; тунам Тыйын алтарет үмбаке презе-шамычым пыштат.

Канон, 2-шо сем, 1-ше муро

Ирмос: Айдеме-шамыч, толза да, тенызым ойырен, египетысе кул илыш гыч Шке калыкшым лукшо Христос Юмылан пырля мурена, вет Тудо моктымо.

Приве: Эй Юмем, мыйым яндар шүманым ыште да көргыштем чын шүлышым уэмде.

Чаманыше Господь, Тыйын святой Капет ден шергакан Вүрет мыланем курымаш илышын киндыже да түрлө чер деч аралтыш лийже.

Приве: Чурий ончычет мыйым ит кудалте да Святой Шүлышетымат шупшын ит нал.

Христос Юмо, мый йырнык пашам дене лавыргенам да пиалдыме улам. Тыйын эн яндар Капет ден Юмын Вүретым көргышкеш налаш йөрдымө улам гынат, мыйым тидлан йөрышым ыште.

Припев: Юмын Аваже, мемнам утаре.

Богородичен: Юмын ойырен налме да порылан пүралтше Ёдыр, утарыше Шурно парчам куштышо тукыдымө поро Мланде, тиде Киндым кочмем дене мыйым утаралташ йөрышым ыште.

3-шо муру

Ирмос: Ёшанымаш кү курыкеш пенгыдемдымет верчшке умшам тушман ваштареш почаш тоштам. Мемнан Юмо гай святой вес Юмо уке. Господь, Тый дечет чын вес Юмо уке манын мурен, мыйын шүлышем куана.

Эй Юмем, мыйым яндар шүманым ыште да көргыштем чын шүлышым уэмде.

Кучен Ашныше Христос, Юмындар дене ушнаш мыланем яндарештше чон дене ёшанен да лүдын мяш манын, шүмемын лавыражым мушшо шинчавүд йогыным пу.

Чурий ончычет мыйым ит кудалте да Святой Шүлышетымат шупшын ит нал.

Айдемым йоратыше Юмо, Тыйын эн яндар Капет ден Юмын Вүрет мыланем сулыкеш касараш, Святой Шүлыш дене ушнаш да курымаш илышлан лийже, а ойго да сулыкан алгаштарымаш деч корандыже.

Юмын Аваже, мемнам утаре.

Богородицен: Илыш Киндын Эн Святой Кочмашыже, Юмын чаманымыж верч кўшыч чаманен колтымо да тўнялан у илышым пуышо, мыйымат, йордымым, таче тудым лўдын пурлаш йорышым ыште, да мыланемат илыше кодаш ыле.

4-ше муру

Ирмос: Суксат огыл, увер кондышат огыл, а Господь Шкеак Ёдыр деч капым налын да мыйым, айдемым, тўрысnek утарен. Господь, Тыланет ойлем: Тыйын куатетлан чап лийже.

Эй Юмем, мыйым яндар шўманым ыште да көргыштем чын шўлышым уэмде.

Чот чаманыше Юмо, мемнан верч капан айдеме лийынат да Шкендым ен-влакын сулыкышт верч шорык гай шўшкылаш пуэнат. Сандене Тыйым сөрвалем: мыйын сулыкемат касаре.

Чурий ончычет мыйым ит кудалте да Святой Шўлышетымат шупшын ит нал.

Господь, чонемын сусыржым паремде, мыйым пўтынек святитле. Ашныше Юмо, мыйымат, пиалдымым, Тыйын шолып погынымо Касыштет пырля лияш йорышым ыште.

Юмын Аваже, мемнам утаре.

Богородицен: Кучен Ашныше Ёдыр, Тый дечет Шочшым мый декем савыре. Юмын яндар чинчыжым көргышкем налмем дене святитлалташ манын, мыйым, Шке кулетым, арум да сулыкдымым арален кодо.

5-ше муро

Ирмос: Господь, Тый волгыдым Пуышо да курымлам Пүрышө улат. Тыйын шүдымашетын волгыдыштыжо кошташ туныкто, вет Тый дечет вес Юмым она пале.

Эй Юмем, мыйым яндар шүманым ыште да көргыштем чын шүлышым уэмде.

Христос Юмо, мыланемат, йөрдымө айдеметлан, Тыйын ончылгоч каласымет гаяк лийже: сөрымет семынак көргыштем лий, вет мый Тыйын Капетым кочкам да Юмын Вүретым йуам.

Чурий ончычет мыйым ит кудалте да Святой Шүлышетымат шупшын ит нал.

Юмын Мутшо да Юмо, Тыйын Капетын тулжо мыйым, пычкемышалтшым, волгалтарыже, Тыйын Вүрет мыйын лавыранше чонем эрыктыже.

Юмын Аваже, мемнам утаре.

Богородицен: Юмын Мария Аваже, тамле пушын жаплыме верже, Тыйын Эргычын Святынныжым көргышкем налшаш верч, Шке кумалмет дене мыйым ойырен налме атым ыште.

6-шо муро

Ирмос: Мый сулыкын пундашдыме келгытше гыч Тыйын чаманымашетын мучашдыме порылыкшым ўжам: Юмо, мыйым колымаш гыч лук.

Эй Юмем, мыйым яндар шўманым ыште да көргыштем чын шўлышым уэмде.

Утарыше Юмо, ушем, шўм-чонем да капем святитле. Ашныше Юмо, Лўдыкшө Таинствен деке сулыкыш пурыде мяш йөрышым ыште.

Чурий ончычет мыйым ит кудалте да Святой Шўлышетымат шупшын ит нал.

Христос Юмо, Тыйын Святой Пырчесетым подылмем мыйым сулыкан кумыл шупшмаш деч корандыже, Тыйын порылыккет шукемже, илышлан пенгыдылык пуалтше.

Юмын Аваже, мемнам утаре.

Богородицен: Юмо да Юмын Святой Мутшо, Тыйын Аватын сөрвалымыже дене таче мыйым, Тыйын Святой Таинствен деке толшым, тўрысnek святитле.

Кондак, 2-шо сем

Христос Юмо, Киндым – Капет ден Юмын Вўретым – көргышкем налаш таче мыйым ит чаре. Кучен Ашныше, Тыйын эн яндар да лўдыкшө Таинствышкет ушнымем дене мыланем, пиалдымылан, сулык ынже лий, а курымаш да колыдымаш илышлан лийже.

7-ше муро

Ирмос: Ушан рвезе-влак шөртнӧ идоллан кумалын огытыл, шояк юмо-шамычым воштылыныт да тулыш шкеак пуреныт. Тул лонга гыч Юмым сөрваленыт. Суксо нунын үмбак лупсым волтен да «Кумалын йодмыдам колыныт» манын.

Эй Юмем, мыйым яндар шүманым ыште да көргыштем чын шүлышым уэмде.

Христос Юмо, таче Тыйын колыдымо Таинствышкет ушнымем мыланем волгыдылык, илыш, сулыкдымылык да порылыкын тўналтышыже лийже. Юмылан йӧрышӧ пашам тыршен шуктымо да шукемдыме дене Тыйым, Поро Юмым, чапландараш лийже.

Чурий ончычет мыйым ит кудалте да Святой Шүлышетымат шупшын ит нал.

Тыйын колыдымо да Юмын Таинствышкет таче мый лўдын, йӧратен, кугун пагален толам да Тыланет мурем: «Ачана-шамычын Юмыжо, Тый моктымо улат». Айдемым йӧратыше Христос, мыйым сулыкын кепшылже гыч, тушман-шамыч деч, тўрлӧ азап да ойго деч утаре.

Юмын Аваже, мемнам утаре.

Богородичен: Юмын ойырен налме Ёдыр, Утарыше Христосым уш дене умылаш лийдымын Шочыктышо, мый, Тыйын сулыкан кулет, таче эн яндар Таинствыш уш-наш ямдылалтам да капем ден чонемын чыла лавыраж деч эрыкташ Тыйым, Эн Яндарым, сөрвалем.

8-ше муро

Ирмос: Еврей рвезе-влак деке тулан конгашке Во-
лышо да тулым лупсыш савырыше Юмынан пашаже-влак,
Господьым моктен мурыза да Тудым курым-курымеш
чапландарыза.

Эй Юмем, мыйым яндар шүманым ыште да көргыштем
чын шүлышым уэмде.

Утарышем, Христос Юмо, мыйымат, үшаным йомда-
рышым, Тыйын пылпомышысо лүдыкшö святой Таинст-
вышкет, кас кочкышым ышташ шолып погынымашкет
ушнаш йöрышым ыште.

Чурий ончычет мыйым ит кудалте да Святой Шүлы-
шетымат шупшын ит нал.

Поро Юмо, Тыйын чаманыше леведышет деке толын,
Тыйым лүдын сөрвалем: Утарышем, мыйын көргыштем
лий, каласымет семын мыят Тыйын көргыштет лиям,
Тыйын чаманыметлан үшанен, Тыйын Капетым кочкам да
Вүретым подылам.

Эн Святой Троице, мемнан Юмына, тау Тыланет.

Троичен: Тулым көргышкем налам да лүдын чытырем:
шыште гай, шудо гай йүлен каяш огыл ыле. О, лүдыкшö
Таинстве! О, Юмын кугу чаманымашыже! Кузе мый, шун
рок, Юмын Капшым да Вүржым көргышкем налам да ко-
лыдымо лиям?

9-ше муро

Ирмос: Тўнгалтышдыме Ачан Эргыже, Ёдыр деч ка-
пым налше Юмо да Господь, мемнам, пычкемышалтше-
шамычым, волгалтараш да шаланен илыше-влакым ик-
тыш чумыраш толын, сандене Тудым Шочыктышо Авам
чыланат моктен мурена.

Эй Юмем, мыйым яндар шўманым ыште да кўргыштем
чын шўлышым уэмде.

Господь поро: подылза да паледа. Вет мыланна верч
ожно Тудо мемнан гай лийын, Ачажлан кондымо надыр
шотеш ик гана Шкенжым пуэн, кызытат кажне гана шўш-
кылалтеш да Пырчесым подылшо-влакым святитла.

Чурий ончычет мыйым ит кудалте да Святой Шўлы-
шетымат шупшын ит нал.

Святой Таинством кўргышкем налмем дене Тый, Ку-
чен Ашныше, чот Чаманыше да порым Пуышо Юмо,
Шке Ачат да Святой Шўлышет дене пырля мыйын кўр-
гыштем илаш тўнгалат, тунам мый чонем да капем дене
святитлалтам, волгалтам, утаралтам, Тыйын суртет
лиям.

Тыйын утарыметын куанжым мыланем пу да Ашныше
Шўлышет дене пенгыдемде.

Утарыше Юмо, Тыйын Капет да шергакан Вўрет мы-
ланем сулыкым когартыше да осал кумыл шупшмашын
оргажшым йўлалтыше тул лийже, Тыланет, Юмылан, ку-
малшаш верч мыйым пўтынек волгалтарыже.

Юмын Аваже, мемнам утаре.

Богородичен: Кучен Ашныше Ёдыр, Тыйын яндар вўрет гыч Юмо капым налын, сандене чыла тукумат Тыйым моктен мура, капдыме Суксо-влак Тыйым чапландарат, вет Чылам Вуйлатыше Христосын айдеме тўсым налмыжым нуно Тыланет кўра ужыныт.

Тыйым, мемнан Юмым Шочыктышо Авам, Сулыкдымым, курым-курымак Пиаланым, чынак мокташ кўлеш. Херувим-шамыч дечат утла пагалышашлык лийынат, Серафим-шамыч дечат тагастарыдыме чапле лийынат, Тыйым, чынак Эрге Юмым языкдеак шочыктышо Авам, кугу улат манын моктена.

Святой Юмо, Святой Куатле, Святой Колыдымо, мемнам серлаге. (*Кум гана*)

Тау Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лўмет верчын, черна деч мемнам паремде.

Юмо, серлаге. (*Кум гана*)

Тау Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лўмет мокталтше, Тыйын Кугыжанышет толжо, Тыйын эрыкет мланде ўмбалнат Пылпомышысо гаяк лийже. Мемнан

ильшаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Пайремын тропарьжым мурыман.

Пайрем уке гын, нине тропарь-влак, б-шо сем:

Мемнам серлаге, Юмо, мемнам серлаге; ме, сулыканшамыч, шкенам чыныш лукташ ик мутымат пуэн огына керт да мемнам Ашнышым тыге манын сөрвалена: Юмо, мемнам серлаге.

Тау Ачалан, Эргылан, Святой Шүлышлан:

Юмо, мемнам серлаге, ме Тыланет ўшанен илена, мыланна чот ит шыдешке, закондымылыкнам ушыштет ит кучо, Шке поро шүман улмет дене кызытат мемнам чаманен ончо, тушман-шамыч деч утаре; Тый мемнан Юмына улат, ме Тыйын айдемет-шамыч улына, чыла Тыйын пүрымет-шамыч улына, Тыйын лүметым каласен йодына.

Кызытат, керек-кунамат, курым-курым мучкак. Аминь:

Юмым Шочыктышо поро пүрымашан Ёдыр, чаманымаш кумылетым мыланна поч, мемнам, Тыланет ўшаныше-шамычым, ит йомдаре, Шке полшен, ойгына гыч утаре. Христослан ўшанен илыше калык-шамычым утарыше Тый улат.

Юмо, серлаге. (40 гана)

(Да мыняр кертат, тунар поклоным ыште)

Почеламут:

Айдеме, тый Кучен Ашныше Юмын
Капшым кочкаш шонет гын,
Когаргаш огыл манын, лүдын лишем,
Вет тиде тул.
Юмын Вүржым подылмет деч ончыч
Тыйым шүлькангыше дене сөрасе,
Вара иже Пырчес подылаш öрын лишем.
Лүдыкшö жертвым, Кучен Ашныше Юмын
Илышым пуышо Капшым,
Кöргышкет налме деч ончыч
Кугу пагалымаш дене тыге кумал:

1-ше молитва, Василий Великийын

Господь Иисус Христос, Кучен Ашныше мемнан Юмына, Тый илышын да колыдымашын Түнгалтышыже, пүрымö чыла ужмым да уждымым Ыштыше, Түнгалтышдыме Ачан Эргыже да Шкежат Тудын пелен тыгаяк түнгалтышдыме да курымаш улат. Пеш кугу порылыкетлан көра Тый, жап шумеке, айдеме капым налынат, мемнан верч, шонен да таум ыштен моштыдымо-влак верч, Шке кумылет дене ыресеш пудалыме да тойымо лийынат, мемнан сулык дене локтылалтше чоннам да капнам Шке Вүрет дене уэмденат. Колыдымо Кугыжа, сулыкем касарышаш верч ойгырен сөрвалымем кол, пылышетым мый декем савыре. Господь, мый пылпомыш ваштареш сулыкым ыштенам, Тыйын ончылнетат сулыкан улам да Тыйын чап күкшытышкет ончалашат ом тошт. Мый Тыйын порылыкетым шыдештаренам, шүдымашетым пудыртенам, күштыметым шуктен омыл.

Господь, Тый поро, кужун чытыше, чот чаманыше улат. Тый декет савырнымем чытенак вученат, шке сулыкешем колаш пуэн отыл. Айдемым йөратыше Юмо, Тый Шке пророкет гоч каласенат: «Сулыкан енын колымыжым ом вучо, тудын савырнымыжым да илыше лиймыжым вучем». Кучен Ашныше Юмо, Тый Шке кидет дене ыштыме-шамычын пытымыштым от вучо, ен-влакын пытымыштланат от куане, а чылаштым утарынет, кажныжлан чыным почнет.

Мый шкемым сулыклан, ракатлан пуэнам, шке көргыштем Тыйын түсетым йомдаренам, сандене ни пылпомышлан, ни мландылан, ни тиде күчык илышлан ом йөрөгынат, Тыйын пүрымө да ыштыме айдемет улмемлан көраўшаным ом йомдаре. Мыйым, пиалдымым, утарет манын, Тыйын нимучашдыме чаманымашет деке толам.

Айдемым йөратыше Господь, Тый сулыкан үдырамашым, разбойникым, йозак погышым да йомын коштшо эргым Шке декет пуртенат, мыйымат тыгак пурто. Тый түн्यान сулыкшым Шке үмбакет налынат, ен-влакын черыштым паремдет, ойгышто, шыгырыште улшо-шамычым Шке декет ўжат да лыпланымашым пуэт. Тый ветчын илыше-влакым огыл, а сулыкан-шамычым сулык касарыкташ ўжат. Мыйымат капем ден чонемын чыла лавыраж деч эрыкте. Тый дечет лүдын, яндарын илаш туныкто. Тыйын святынетым көргышкем сулыкыш пурыде налын, Тыйын святой Капет да святой Вүрет дене ушнем, да Тый мыйын көргыштем Шке Ачат да Святой Шүлыш дене пырля илаш тўнгалат ыле.

Господь Иисус Христос, Тыйын эн яндар да илышым пуышо Таинстветым көргышкем налмем дене мыланем

сулык ынже лий, йонгылыш ыштем гын, чон да кап дене лунчыргаш огыл ыле. Христос Юмем, мыланем, Святой Шүлыш дене ушнен, курымаш илышлан ямдылалтын, Тыйын лүдыкшө судыштет поро вашмутым пуышаш верч пытартыш шүлышем марте Тыйын святынетым көргыш-кем сулыкыш пурыде налаш лийже ыле. Тунам мыят Тыйын ойырен налме енет-влак дене пырля Тыйын пытыдыме порылыкышкет логалам ыле. Господь, Тыйым йоратышешамычлан Тый тиде порылыкым ончылгоч ямдыленат, сандене курым-курымеш моктымо улат. Аминь.

2-шо молитва, святой Иоанн Златоустын

Господь Юмем, Тыйым чонемын пörтышкыжö, шке леведышем йымаке пурташ мый йöрышö омыл, вет тудо пуста да сүмырлышö. Вуетым пышташ йöрышö вер мыйын көргыштем уке гынат, күшычын волен, мемнан верч Шкендым Шке үнгышемдымет гаяк кызыт мыйын йörдымылыкем үнгышемде. Курыкпомышысо вольык шерчаш возаш келшымет семынак мыйын шонен моштыдымо чонемын да сулык дене лавыргыше капемын шерчашкыже пураш келше. Проказе чер дене орланыше Симонын пörтышкыжö пурен, сулыкан ен-шамыч дене пырля кас кочкышым ышташ йырнен отыл гын, ынде тыгаяк чер дене темше да сулыкан чонемын пörтышкыжö пураш ит йырне. Мыйын гаяк яжар да сулыкан үдырамаш Тый декет толын, капышкет тükнен, а Тый тудым шүкалын отыл. Тыгак мыйымат, Тый декет толшо да Тый декет тükнышö сулыкан еным, чамане. Тыйым шупшалше тиде үдырамашын

шакше умшаже деч Тый йырнен отыл гын, мыйын тылечат шакше умшам деч, йырнык тўрвем да осал йылмем деч ит йырне. Христос Юмо, Тыйын пўтынек святой Капетын да шергакан Вўретын тулшолжо дене святитлалтын, волгалтын, ўнғышө чонем ден капемым пенгыдемден, шуко сулыкемын нелытшым корандаш, сатанан чыла алгаштарымыже деч аралалтын, чыла уда да сулыкан койыш-шоктышем деч корангын, осал кумыл шупшмашем деч утлен, Тыйын кўштывашетым шукташ, Юмын порылыкетым шукемден илаш да Пылпомыш Кугыжанышым муаш лийже ыле. Христос Юмо, Тый декет мый айда-лийже ом тол, а Тыйын каласен мошташ лийдыме порылыкетлан ўшанем. Тый дечет коранам гын, осал шўлыш мыйым пире гай руалта. Кучен Ашныше, икте Святой, Тыйым сөрвалем: чонем ден капем, ушем ден шўмем, көргө шижмашем святитле, мыйым пўтынек уэмде, чыла ужашыштем Тый дечет лўдмашым пенгыдемде, көргыштем Тыйын святитлыметым вашталташ лийдымым ыште. Мыланем полшышо, аралыше лий да илышемым тынысын виктаре. Эн Яндар Тыйын Аватын, Тыланет служитлыше Пылпомышысо капдыме эн яндар куат-влакын, тыгак чыла курым годсек Тыланет йөрышө чыла святой-влакын кумалмышт да сөрвалымышт дене мыланемат Тыйын пурла могырышкет нунын дене пырля шогалаш йөрышө лияш ыле. Аминь.

3-шо молитва, Симеон Метафрастын

Икте яндар да колыдымо Господь, айдемым чот чаманымет да йөратымет дене мемнан пўртўснам Шке

үмбакет Яндар Үдырын сулыкдымо вүржө гоч налынат. Иисус Христос, Юмын кугу уш-акылже, тыныслык да куат, Үдыр Тыйым курымаш Ача Юмын поро кумыл-жо да Юмын Шүлыш волымо дене умылаш лийдымын шочыктен. Налме капет дене Тый илышым пуышо да утарыше орланымашым чытенат: Үресым, пудам, ум-дым, колымашым. Үнде мыйынат чонемым йомдарыше сулыкан кумыл шупшмашем-шамычым пытаре. Тыйым мландыш тойымо дене тамыкын кугыжанышыжым яраш коденат. Шке поро кумылет дене мыйын уда шонымашем пытаре, осал шүлыш-шамычым поктен колто. Кумшо кечын Үлыж кынелмет дене Адамым тамык гыч луктынат. Мыланемат, сулыкемлан көра шүртнышылан, сулык касарымашым пу да нөлтал. Пылпомышко нөлталтмет дене айдеме капым Юмо дене ушенат да Ачат деч пурла вельште шинчаш йөрышым ыштенат. Тыйын святой Таинстветым көргышкем налмем дене мыйымат утарыме-шамычлан ямдылыме пурла веллан йөрышым ыште. Лыпландарыше Шүлышын волымыжо дене Шке тунемшет-влакым священный шергакан атым ыштенат. Мыйымат Шүлышлан пурен илаш йөрышө атым ыште. Сандалыкым төр судитлаш толмет годым пыл үмбалне Тыйым, мыйын Пүрышемым да Үштышемым, моло святой-шамыч дене пырля вашлияш пүрө. Тунам мый Тыйым, тўнгалтышдыме Ачатым да Илышым пуышо эн Святой да Поро Шүлышетым мучашдымын моктен мурем да таум ыштем ыле, кызытат, керек-кунамат, курым-курым мучкак. Аминь.

**4-ше молитва,
святой Иоанн Дамаскинын**

Кучен Ашныше Господь, мемнан Иисус Христос Юмына, ең-влакын сулыкыштым Тый веле касарен кертат. Айдемывм йӧратыше да поро улметлан кӧра мыйын пален але палыде ыштыме сулыкем-шамычым проститле да Тыйын илышым пуышо эн яндар, эн чапле божественный Таинстветым сулыкыш пурыде кӧргышкем налаш йӧрышым ыште: ни нелылык, ни орлык, ни сулыкем шукеммаш ынже лий, а мыланем эрыкталташ, святитлалташ, ончыкылык илышлан да Кугыжанышлан йӧрышӧ лияш, аралтышлан, польшлан, тушманым сенаш да шкемын шуко сулыкемым пытараш лийже. Тый вет чаманыше, пыдал налше, айдемывм йӧратыше Юмо улат, да Тыланет, Ачат ден Святой Шӱлышлан таум ыштена, кызытат, керек-кунамат, курым-курым мучкак. Аминь.

**5-ше молитва,
святой Василий Великийын**

Господь, Тыйын эн яндар Капетым да шергакан Вӱретым кӧргышкем налаш йӧрдымӧ улмемывм палем. Тыйын Капет ден Вӱретым аклен моштыде кочмем да йӱмем дене шкемым титакыш пуртем. Христос Юмо, Тый маньнат: «Мыйын Капемывм кочшо да Мыйын Вӱремывм йӱшӧ ең Мыйын кӧргыштем лиеш, Мыят тудын кӧргыштыжӧ лиям», сандене Тый декет толам да Тыйын чаманыметлан чот ӱшанем. Господь, мыйым, сулыканым, чамане да вожылмашке ит пурто, а Шке чаманымет семын ыште. Тиде

святыне дене мыланем паремаш, эрыкталташ, волгалташ, аралалт кодаш, утаралташ, капем ден чонемлан святитлалташ, а уда шонымаш, осал паша да сатанан алгаштарымыже деч пүтынек утлаш лийже. Тыйым эн чот йөраташ, илышемым төрлаташ да пенгыдемдаш, порылыкым шукемдаш да вияндаш, Тыйын шүдымашет-влакым шукташ, Святой Шүлышет дене ушнен шогаш, курымаш илышыш нангайыше корныш савырнаш, Тыйын лүдыкшө Судышет судитлалтде, вожылмашке пурыде, поро вашмутым пуаш лийже.

**6-шо молитва,
святой Симеон Новый Богословын**

Христос Юмо, мыйын шакше умшам да йырнык шүмем деч, яндар огыл йылмем да лавыргыше чонем деч сөрвалымашым нал, мыйын шомакем ден койыш-шоктышемым да намысдыме улмемым ит шүкал, шонымемым лүдде каласаш пу, мом ышташ да ойлаш күлеш, тидлан туныкто. Мый яжар үдырамаш дечат шуко сулыкым ыштенам. Кучен Ашныше Христос Юмем, Тыйын кушто улметым пален, тудо үдырамаш тамле пушан үйым налын да йольшкет шүраш манын, Тый декет мяш тоштын. Юмын Шомак, Тый тудым яндар шүм дене мийымыжлан көра шүкалын отыл, мыйымат йөрдымылан ит шотло. Шергакан миро олмеш шинчавүдем дене мушкаш манын, Тыйын йолетым кучен шупшалаш пу. Юмын Шомак, мыйымат шке шинчавүдем дене муш да эрыкте, сулыкем-шамычым кудалте, мыланем сулык касарымашым пу. Тый мыйын йөрдымө койышем шуко палет, сусырем ден котырем-шамычымат ужат, ты-

гак Тыланет ўшанымем палет да сөрвалымем колат. Мыйын Юмем, Пүрышем, Сулен налшем, Тый дечет нимомат, чўчалтыш шинчавўдымат, шылташ ок лий. Мыйын ыштен шуктыдымемым Тый ончылгоч ужат, мыйын ончыкылык пашамат Тыйын книгаштет возымо. Тўням ыштыше Юмо, мыйын ўнгышылыкем ончал, мыйын чот тыршымем уж да чыла сулыкем кудалте. Мыланем яндар шўм дене, тургыжланыше шонымаш да ойгырышо чон дене Тыйын эн яндар да эн святой Таинстветым кўргышкем налаш ыле, вет Тудым яндар шўм дене кочшо да подылшо кажне ег илыше лиеш да святитлалтеш. Тый манынат: «Мыйын Капемым кочшо да Мыйын Вўремым йўшў ег Мыйын кўргыштем лиеш, Мыят тудын кўргыштыжў лиям».

Кучен Ашныше Юмемын мутшо тичмашнек чын, вет Юмын Пырчесетым кўргышкем налмем дене мый шкетын огыл, а Тый денет, тўням волгалтарыше кум кече дечат волгыдо Христосем дене, пырля лиям. Тый тўням утарыше, Илышым пуышо да мыйын шўлышем, илышем, куанем улат. Тый дечет ойырлаш огыл манын, Тый декет шинчавўд да тодылалтше кумыл дене толынам да шуко сулыкем касараш сўрвалем.

Каласымет семын, мый денем, кум пачаш пиалдыме дене, Тыланет лияш манын, илышым пуышо Тыйын яндар Таинстветым кўргышкем сулыкыш пурыде налшаш ыле. Вет Тыйын порылыкет деч посна кодшо еным алгаштарыше сатана чоян ынже шолышт, Юмын шомакет деч ондален ынже нангай. Сандене Тыйын йолет деке сукен возам да шокшын сўрвалем: Чаманыше Христос, йомын коштшо эргым да яжар ўдырамашым пуртымет

семянак мыйымат, йомын коштшым да йордымым, Тый декет таче тодылалтше кумыл дене толшым, Шке декет пурто. Утарыше Христос, мый палем: Тыйын ончылнет нигöат мыйын наре шуко сулыкым да осал пашам ыштен огыл. Юмемын кужун чытымыже, айдемым йöратымыже мыйын сулыкемын шукужын да осал пашамын нелытше деч кугурак улмым палем. Сулык ыштымышт верч шортын öкынышö-влакым Тый чаманен эрыктет, сотемдарет да волгыдыш луктат, Юмын куанышкет йöратен пуртет, Шке лишыл йолташет дене кутырымо гае нунын дене ятыр гана мутланет. Тидыжым айдеме уш дене умылен мошташ ок лий, Суксо-влакат тидлан öрыт. Христос Юмем, тидыже мыйым кумыланга да лüддымö лияш полша. Тыйын шуко порылыкетлан үшанен, куанен да чытырен, мый, шудо, көргышкем тулым налам да, öрат веле, ожно йүлен пытыде йүлышö вондер гае йүлен ом кае, умылаш лийдымын илыше кодам. Тыланет, Христос Юмем, уло шонымашем, шүмем, капемын да чонемын чыла шижмашыже дене таум ыштен кумалам, Тыйым кугуэш ужам, вет Тый моктымо улат кызытат да курым-курымеш.

**7-ше молитва,
святой Иоанн Златоустын**

Юмо, эрык але эрык деч посна, мут але паша дене, шинчен але шинчыде, але шонымаш дене ыштыме мемнан сулыкнам лушкыдемде, кудалте, касаре: чылажымат касаре мыланна, Тый вет Айдемым йöратыше поро кумылан Юмо улат. Эн Яндар Тыйын Аватын, Тыланет

служитлыше Пылпомышысо капдыме куат-влакын да чыла курым годсек Тыланет йöрышö чыла святой-влакын сөрвалымышт дене мыланемат Тыйын святой да эн яндар Капет ден шергакан Вүретым көргышкем сулыкыш пурыде налаш пу. Тудо капем ден чонемлан паремаш, осал шонымаш деч эрыкталташ полшыжо, вет Тыйын Кугыжанышет, куатет да чапет Тыйын Ачат да Святой Шүлышет дене пырля, кызытат, керек-кунамат, курым-курым мучкак. Аминь.

8-ше молитва, святой Иоанн Златоустын

Кучен Ашныше Господь, мый палем: чонемын леведышыже йымаке Тыйым пурташ йöрдымö улам. Айдемым йöратыше улметлан көра мыйын көргыштемат илаш шонымет верч Тый декет лишемаш тоштам. Тый күштет да мый Тыйын Иктын ыштыме омсамым почам. Тый Шкендын айдемым йöратымет дене пурет, пурет да мыйын пычкемышалтше ушемым волгалтарет. Тый тидым ыштет манын, мый үшанем. Тый вет шинчавүд дене сөрвален толшо яжар үдырамаш деч коранын отыл, сулыкшо верч öкынышö мытарьым шүкалын отыл, Тыйын Кугыжа улметым палыше разбойникым коранден отыл, үшаныше-влакым поктылшо еным шке сулыкшо верч öкынымыжлан көра вашталтенат, ончычсыж гайым коден отыл. Шке сулыкышт верч öкынен Тый декет толшо-влаклан Шке йолташет-влак коклаште верым пуэнат да икте Моктымо улат, кызытат, керек-кунамат, курым-курым мучкак. Аминь.

9-ше молитва, святой Иоанн Златоустын

Господь Иисус Христос, мыйын Юмем, чамане мыйым да самырык жап гыч тўнгалын кызыт марте Тыйын ончылнет ыштыме чыла сулыкем луштаре, колто, проститле. Мыйын, Шкендын сулыкан да йордымө кулутын, пален але палыде, мут але паша дене, шонымашем але койыш-шоктышем да чыла шижмашем дене ыштыме йонгылышем, сулыкем, сулыкан камвочмем касаре. Тыйын эреак Ёдыр улшо Эн Яндар Аватын, мыйын пенгыде ўшанемын, аралышемын, утарышемын, сөрвалымыже дене мыланем Тыйын илышым пуышо да лўдыкшө Таинстветым кўргышкем налаш пу. Тиде мыланем сулыкем касарымылан, курымаш илышлан, святитлалташ, волгалташ, пенгыдемаш, чонем ден капемлан паремаш, чыла осал шонымашем деч утлаш да пычкемыш осал шўлыш-влакын йўдым кончымыштым пытараш лийже.

Тыйын вет Кугыжанышет, куатет, кугу чапет, Тыйым пагалымаш да кумалмаш Тыйын Ачат да Святой Шўлыш дене пырля, кызытат, керек-кунамат, курым-курым мучкак. Аминь.

10-шо молитва, святой Иоанн Дамаскинын

Тыйын храметын капка ончылныжо шогем гынат, осалым шонымым чарнен ом керт. Налог погышын сулыкшым проститлыше, хананей ўдырамашым чаманыше, разбойниклан райын капкажым почшо Христос Юмо, айдемым йўратыше шўметым мыланемат поч да мыйым,

Тый декет толшым да Тый декет тўкнышым, сулыкан ўдырамаш ден вўр йогышан ўдырамашым паремдымет семын паремде.

Иктыже тыйын вургем урвалтышкет тўкнен да паремашым куштылгын налын, весыже Тыйын эн яндар йолетым ондалын да сулык касарымашым муын. А мыланем, пиалдымылан, Тыйын Капетым кўргышкем налаш тоштмемлан кўра йўлалтыме лияш огыл ыле. Нуно ўдырамаш-шамычым Шке декет йўратен налмет семын мыйымат Шке декет йўратен нал. Тыйым яндарын шочыктышо Аватын да пылпомышысо Куат-влакын сўрвалымышт дене мыйын чонемын шижмашыжым волгалтаре, чыла сулыкан пашам йўлалте, вет Тый курым-курумеш моктымо улат. Аминь.

Святой Иоанн Златоустын молитваже

Господь, Тыйын чынжымак Христос улметлан да Илышым пуышо Юмын Эргыже улметлан инанем да чылашт ончылно ойлен палдарем: Тый мландымбаке языкан ен-шамычым утараш толынат, нунын коклаште эн языканже мый улам. Тиде Тыйын Эн Яндар Капет улмылан да тиде Тыйын Эн Яндар Вўрет улмылан инанем. Сандене Тыйым сўрвалем: серлаге мыйым да мыйын эрык дене але эрык деч посна, мут але паша дене, пален але палыде ыштыме чыла языкем касаре, да чыла языкем касаралтше манын, Тыйын Эн Яндар Таинстветым титакыш пурыде подылаш мыланем пўрў, курымашлык илышлан йўрышым ыште.

**Пырчес подылаш лишеммет годым ушыштет
Метафрастын тиде стихшым кучо:**

Юмын Пырчес подылаш теве мый лишемам.
Мыйым Ыштыше Юмем,
Тый вет йөрдымө-влакым йўлалтыше тул улат.
Пырчес подылмем дене мыйым ит йўлалте,
А чыла лавыра деч эрыкте!

Вара:

Юмын Эргыже! Таче Тыйын кас кочкышым ышташ
шолып погынымаштет Пеленет лияш мыйымат пурто.
Тыйын тушманетлан тайным ом каласе, Тыйым Иуда гай
ондален ом шупшал, но, разбойник семын, Тыйым ой-
лен палдарем: «Шке Кугыжанышыштет, Господь, мыйым
шарналте».

Да стих-влакым:

Юмын Вүржым ужмекет, айдеме, лүдын чытырне,
Вет тудо йөрдымө-влакым йўлалтыше тул.
Юмын Капше мыйым Юмо деке лишемда да тема: Юмо
деке шўлышемым лишемда,
А ушемым умылен керташ лийдымын тема.

Вара тропарь-влакым:

Христос Юмо, йөратымет дене Тый мыйым Шке де-
кет шўманденат, мыйын верчат азапланымет дене мый-
ым вашталтенат. Ужаш лийдыме тул дене мыйын сулы-
кем йўлалте да Тый денет куанен темаш йөрышым ыште.

Поро Юмо, Тыйын кок гана толметым йывыртен мокташ лийже ыле.

Мый, йördымö, кузе Тыйын святоет-влакын волгыдо тўшкашкышт пурем? Пайрем эртарыме пörтыш пураш тоштам гын, вургемем мыйым намысыш пурта, вет тудо сўан вургем огыл. Суксо-влак мыйым пидыт да луктын кудалтат. Господь, чонемын лавыражым муш да Айдемым йöратыше улметлан көра мыйым утаре.

Эше тиде молитвам:

Айдемым йöратыше Господь Иисус Христос, мыйын Юмем! Тыйын Святой Эн Яндар Капет ден Эн Яндар Вүретым подылмем дене мыланем, йördымылан, сулык ынже лий, чонем ден капем эрыкталтше, святитлалтше, ончыкылык илышлан да Кугыжанышлан йöраш тўнгалтыш лийже. Юмо деке лишеммылан мыйже пеш куанем да утаралташ ўшаным Господьлан пыштем.

Эше тидым:

Юмын Эргыже! Таче Тыйын кас кочкышым ышташ шолып погынымаштет Пеленет лияш мыйымат пурто. Тыйын тушманетлан тайным ом каласе, Тыйым Иуда гай ондален ом шупшал, но, разбойник семын, Тыйым ойлен палдарем: «Шке Кугыжанышыштет, Господь, мыйым шарналте».





СВЯТОЙ ПРИЧАСТИЙ ДЕЧ ВАРА ТАУМ ЫШТЫМЕ МОЛИТВА-ВЛАК

Тау Тыланет, Юмо. Тау Тыланет, Юмо. Тау Тыланет,
Юмо.

Тауштымо молитва, 1-ше

Господь Юмо, Тыланет таум ыштем, вет Тый мый-ым, сулыканым, шыч шүкал, Шке святынет дене ушнаш пуышыч да мыйым, йөрдымым, Шкендын пылпомышы-со яндар Пырчесетым подылаш йөрышылан шотлышыч. Кучен Ашныше да айдемым йөратыше Юмо, Тый мемнан верч коленат да ылыж кынелынат, тиде лүдыкшө да илышым пуышо Таинстветым мемнан чонна ден капнам паремдаш да святитлаш пуэнат.

Мыланемат тиде Таинствет чонем ден капемлан паремаш, чыла тушманым сенгаш, шүмемым ужын моштышым ышташ, чонемын вийжым тынысландараш, Тыланет чот үшанаш, уло чон ден йөраташ, поро уш-акыл дене темаш, Тыйын күштыметым шуктен илаш, Тыйын порылыкетым шукемдаш да Кугыжанышетым муаш лийже. Тыйын святитлымет дене тыге аралалтын, Тыйын чама-ныметым ушыштем кучен, шкаланем верч огыл, а Тыйын верч, мемнан Кучен Ашнышына да Порым Ыштышына верч, илаш тўналам. Тиде илыш гыч курымаш илышлан үшанен кайымекем, курым-курымаш ласкалыкыш шуам,

пайремлыше-влакын чарныде йонгышо йўкыштым тушто колам да Тыйын чуриетын каласен мошташ лийдыме моторлыкшым йөрәтен ончышо-влакын мучашдыме куаныштым ужам. Христос Юмына, Тыйым йоратыше-шамычлан Тый шонымашке шумаш да каласен моштыдымо йывыртымаш улат, пүрен ыштымет-влак чылан Тыланет курым-курымеш мурат. Аминь.

**2-шо молитва,
святой Василий Великийын**

Кучен Ашныше Христос Юмо, курым-влакын Кугыжашт да уло тўням Пүрышө, мыланем пуымо чыла порылыкетлан да илышым пуышо эн яндар Таинствышкет ушнаш пуыметлан Тыланет таум ыштем. Айдемым йоратыше поро Юмо, мыйым Шкендын леведышет йымалне, шулдыретын ўмылыштыжө, арален ашне, Тыйын святой Таинствышкет пытартыш шўлышем марте намысыш пурыде яндарын ушнаш да тидын дене сулык касарымашым, курымаш илышым налаш йорышым ыште. Тый вет Илыш Кинде, святыне Памаш да порым Пуышо улат, Тыланет, Тыйын Ачатлан да Святой Шўлышлан таум ыштена, кызытат, керек-кунамат, курым-курым мучкак. Аминь.

**3-шо молитва,
Симеон Метафрастын**

Мыйым Пүрышө Юмо, Тый Шке капетым мыланем кочкаш шке кумылын пуэнат. Тый йордымө-влакым йўлалтыше тул улат гынат, мыйым ит йўлалте, капкы-

лемын чыла ужашышкыже, чыла йыжынгышкыже пуро, көргышкем, шүмышкем, да сулыкем-влакын шуркедылше имыжым йўлалте, чонемым эрыкте, шонымашем святитле, пулвuem ден чыла луэм пенгыдемде, вич тўн шижмашем волгалтаре, Тый дечет лўдмаш дене пудален шынден, мыйым чоткыдемде. Чонемлан осалым ыштыше чыла паша да шомак деч эре арале, мыйым эрыкте, муш да паремде, порылык да уш-акыл дене теме, сотемдаре. Мыланем сулыкын пўртшў лияш огыл ыле, Тый мыйым Шкендын да Святой Шўлышын пўртшым ыште. Пырчесым подылмекем, тул деч лўдын куржмо семын тышеч, Тыйын пўртет гыч, сулыкан кумыл шупшмаш да чыла осал корангышт. Мыйын верч Тыйым сўрвалаш святой-влакым, Пылпомышысо капдыме сарзе-влакын Вуйлатышыштым, Тый дечет ончыч толшо Иоанным, кугу ушакылан Апостол-влакым, а эн чотшо Тыйын Эн Яндар Аватым йодам. Чот чаманыше Христос Юмем, нунын сўрвалымыштым шотеш нал да мыйым Тыланет служитлышым, волгыдын шочшыжым ыште. Поро Юмо, Тый вет Икте мемнан чоннам волгалтарыше да святитлыше улат, да Тыланет, Юмылан да Кучен Ашнышылан, кече еда таум ыштена.

4-ше молитва

Господь Иисус Христос, мемнан Юмына, Тыйын Святой Капет мыланем курымаш илышлан лийже, а Тыйын эн шергакан Вўрет – сулыкем касарымылан. Тиде таум ыштымем мыланем куанлан, тазалыклан да йывыртывашлан лийже. Тыйын кокымшо гана лўдыкшын толмет годым

Тыйын Эн Яндар Аватын да чыла святойын кумалмышт дене мыйым, сулыканым, Тыйын чапетын пурла вельшыкыже шогалаш йöрышым ыште.

5-ше молитва, Юмын Эн Святой Аважлан

Юмым Шочыктышо, Кучен Ашныше Эн Святой Ава, Тый мыйын пычкемышалтше ушемым волгалтарет, вет Тый мыйын ўшанем, леведышем, толын пурымо верем, лыплан-дарышем да куанем улат. Тыйын Эргычын эн яндар Капше да эн шергакан Вүржö дене ушнаш пуыметлан Тыланет таум ыштем. Чын Волгыдым Шочыктышо Ава, мыйын шүмчон шинчамым волгалтаре. Курымаш илышым Пуышым Шочыктышо Ава, мыйым, сулык дене колышым, ылыжтен кынелте. Чаманыше Юмын чаманыше Аваже, мыйымат чамане, шүмемлан чаманымашым да сулыкем верч öкынымашым пу, уш-акылем алгаштаралтме годым шонымашем ўнгышемде, порым шонымашке виктаре. Чонем ден капемым паремдаш эн яндар святой Таинствым пытартыш шүлышем марте сулыкыш пурыде көргышкем налаш пу. Мыланем таум ыштен моштымашым да сулыкем-шамыч верч öкынен шорташ шинчавүдым пу. Илышемын чыла кечыштыжат Тыйым моктен мураш да чапландараш лийже, вет Тый курым-курымеш суапландарыме да моктымо улат. Аминь.

Ашныше Юмо, ынде мыйым, Шке айдеметым, каласымет гаяк тынысландарен колтет: вет чыла калык ончылно ямдылыме утарымашетым, чын Юмым палыдыме калык-влакым волгалтарыше волгыдым, Израиль калыкетын чапшым, мыйын шинчам ужо.

Святой Юмо, Святой Куатле, Святой Колыдымо, мемнам серлаге. (*Кум гана*)

Тау Ачалан, Эргылан, Святой Шүльшлан, кызытат, керек-кунамат, курым-курым мучкак. Аминь.

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге. (*Кум гана*)

Тау Ачалан, Эргылан, Святой Шүльшлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Святой Иоанн Златоустлан тропарь,

8-ше сем

Тыйын умшатын тул гай волгалтше порылыкшо сандалыкым волгалтарен; тый түнмялан оксам йөратымашым огыл, а вес поянлыкым погенат, үнгышылыкын уш-акыл күкшытшым ончыктенат. Иоанн Златоуст ачана, шкендын шомакет дене туныктен, мемнан чоннам утарышаш верч Христос Юмым, Юмын Шомакым, сөрвале.

Кондак, 6-шо сем

Тау: Тый пылпомыш гыч Юмын порылыкым налынат да чылаштым Кумытло улшо ик Юмылан кумалаш шке умшат дене туныктет. Поро пиалан преподобный Иоанн Златоуст ачана, тый вет Юмын мутым умылтарыше туныктышына улат, да тыйым чапландарен моктена.

Кызытат: Христиан-шамычын үшанле аралтышышт, Пүрен Ыштыше Юмым мемнан верч эреак сөрвалыше Ава, мемнан, сулыкан-шамычын, кумалмынам ит шүкал, Поро улметлан көра мемнан деке тол да тыге сөрвалымынам кол: «Юмым Шочыктышо Ава, Тыйым пагалыше-влакым эреак арале, мыланна полшаш вашке да чотырак кумал».

Святой Василий Великийын литургийже лийын гын, тиде святойлан тропарь, 1-ше сем

Тыйын йүкет мланде мучко йонген, мланде тыйын мутетым йөратен налын: тый вет үшанымашын чынжым да тўняште мо улмым шот дене умылтаренат, ен-влакын илыш-йўлаштым саемденат. Преподобный ачана, Кугыжан священникше, чоннам утарышаш верч Христос Юмым сөрвале.

Кондак, 4-ше сем

Тау: Преподобный Василий ачана, тый Черкын тарваташ лийдыме негызше лийынат, пылпомышысо чы-

ным почын туныктымашет дене кажне айдемым палемденат да тўкаш лийдыме поянлык дене теменат.

Кызытат: Христиан-шамычын ўшанле аралтышышт, Пўрен Ыштыше Юмым мемнан верч эреак сўрвалыше Ава, мемнан, сулыкан-шамычын, кумалмынам ит шўкал, Поро улметлан кўра мемнан деке тол да тыге сўрвалымынам кол: «Юмым Шочыктышо Ава, Тыйым пагалыше-влакым эреак арале, мыланна полшаш вашке да чотырак кумал».

**Пырчесым ончыч святитлыме литургий
годым святой Григорий Двоесловлан
тропарь, 4-ше сем**

Чапым налше Григорий ачана, тый кўшыч Юмын порылыкшым налынат да, Тудын вийже дене пенгыдемын, Евангелийын корныжо дене каяш кумылангынат. Поро пиалан ачана, шке пашатлан пўлекым тый Христос Юмо деч налынат: мемнан чоннам утараш Тудым сўрвале.

Кондак, 3-шо сем

Тау: Григорий ачана, тый кўтўчў-влакым вуйлатыше Христос гай лийынат, пылпомыш кудывечыш монах-шамычым тўшка дене вўден пуртенат, Христосын шорыкшо-влакым Тудын кўштымашыжым шукташ туныктенат. Кызыт нунын дене пырля пылпомышысо полатыште куанен йывыртет.

Кызытат: Христиан-шамычын ўшанле аралтышышт, Пүрен Ыштыше Юмым мемнан верч эреак сөрвалыше Ава, мемнан, сулыкан-шамычын, кумалмынам ит шўкал, Поро улметлан көра мемнан деке тол да тыге сөрвалымынам кол: «Юмым Шочыктышо Ава, Тыйым пагалыше-влакым эреак арале, мыланна полшаш вашке да чотырак кумал».

Юмо, серлаге. *(12 гана)*

Тау Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

Херувим-шамыч дечат утла пагалышашлык лийынат, Серафим-шамыч дечат тагастарыдыме чапле лийынат, Тыйым, чынак Эрге Юмым языкдеак шочыктышо Авам, кугу улат манын моктена.

Шке көргыштө Христосым күлеш семын арален кодышаш верч Пырчес подышо кажне ең шкенжым яндарын да шот дене кучышаш, утым мутланышаш огыл.





ВУЙЛЫМАШ

Эр молитва-влак	3
Кас молитва-влак	18
Господь Иисус Христослан öкынен шортмо канон.....	35
Юмым Шочыктышо Эн Святой Авалан канон	45
Аралыше Суксылан канон.....	58
Мемнан шүм-чонлан ямле Господь Иисус Христослан акафист.....	68
Юмым Шочыктышо Эн Святой Авалан акафист.....	82
Святитель Николай ачалан акафист.....	96
Святой Причастийлан ямдылалтме радам.....	112
Святой Причастий деч вара таум ыштыме молитва-влак.....	141



МОЛИТВА-ВЛАК

СВЯТОЙ ПРИЧАСТИЯН ЯМДЫЛАЛТМАШ

МОЛИТВЫ

ПОСЛЕДОВАНИЕ КО СВЯТОМУ ПРИЧАЩЕНИЮ

Редактор *протоиерей Николай Чузаев*
Кусарыше комиссийын членже-влак: *протоиерей Иоанн Захаров,*
протоиерей Владимир Захаров, иерей Игорь Сапаев
Кусарыше *Чемекова А.П.*
Корректор *Таныгина А.Н.*
Компьютерный версткым шуктен *Куклина С.Г.*

Бумага офсетная. Тираж экз. Заказ № .
Отпечатано в ООО «Типография « ».